



6

17-b

1

11



Bibliotheca
pri Coll. Rom.
Societ. Jesu

6-7/4. C. 1.

78.925

18


2

11100A 2020KAL

FRANCISCUS AGELLI

P. VIRGILIUS

M A R O



P V B L I I
V I R G I L I I
M A R O N I S
O P E R A

BIBLIOTHECA NAZIONALE
ROMANA
VITTORIO EMANUELE

TOMVS PRIMVS



M A N N H E M I I
Cura & Sumptibus Societatis litteratae.
M D C C L X X I X

BIBLIOTHECA NAZIONALE
ROMANA
VITTORIO EMANUELE





PRAEFATIO

Quo laboris moliminisque nostri scopus in adornanda auctorum latinorum collectione tendat, fusius iam explanauimus pagellis illis publicis, quibus omnes Musarum latinarum cultores instituti nostri rationem edocuimus; ut proinde omni praefatione superfedere possemus. Quodsi tamen praefandum est, dicendumque, quid demum in collectione horum auctorum simus praestituri: ea recensere liceat, quae iam praestitimus in edendo Cornelio Nepote, quem, ad confutandas maleuolorum quorundam cauillationes, qui studiis nostris aduersabantur, tanquam prodromum



collectionis nostrae praemisimus, vt
& formae elegantia, & chartae typorumque nitore, & accurata sui correctione non se solum, sed & ceteros se subsequentes, & eadem cura, forma & elegantia edendos auctores classici commendaret.

Nec parum intererit cuiusuis litterarum latinarum amantis, commendari omnibus auctores latinos, omniumque quasi intrudi manibus. Quum enim linguae nostrae vernaculae scripta, atque exterorum excellentis ingenii virorum opera germanice reddita, quae laudabili studio, & non exiguo litterarum incremento hucusque collecta sunt, perfacili omnibus pretio comparentur, sin-

PRAEFATIO



gulorum iam manibus terantur, & in pen-

uatorum aedibus bibliothecam quamdam

eclecticam constituent: nonne timendum,

ne omnis litterarum latinarum amor

& studium denique emoriatur, idque

penuria librorum latinorum, qui summo

pretio stant; nunquam eadem tomorum

forma in Germania editi sunt; aut si sint,

ignobili chartae & typorum habitu

omnes deterrent. Cui malo vt occurra-

tur, atque vt Latii Musae vna cum illis

patriae nostrae laetius efflorescant: sta-

tuit societas nostra, latinarum littera-

rum non minus ac germanicarum

amans, viliori, ac vnquam factum est,

pretio, & nitidiori simul atque accura-

tiori forma auctorum latinorum col-

lectionem curare , quo facilius cuique
ad hos antiquitatis fontes , qui semper
fani & recti in omni re litteraria iudicii
norma fuerunt , recurrere liceat.

In edendis & peruulgandis his ve-
terum operibus, vt eo melius de repu-
blica litteraria mereamur , non solum
nitidam & ornatam , sed & omnibus
naevis expurgatam cuiusuis editionem
reddere studebimus. Vt accuratissima
& omnibus mendis pura prodeat horum
auctorum collectio: subministrat nobis
locupletissima Electoralis Bibliotheca
editiones praestantiores , quibus inter
se collatis , ponderatisque variis va-
riorum legendi formulis optima & plu-
rimorum eruditorum suffragiis compro-

bata legendi ratio feligitur, typisque commendatur; vbi tamen nobis religio semper erit, ne a probatissimis receptisque editionibus recedamus, aut aliquid nostro scalpello arroganter rescindamus, quod veterum recentiorumque consensus vnanimi suo calculo approbavit.

Ne vero typographorum peccata irrepant: folium quodlibet, postquam omnis in eo expoliendo opera posita fuerit, publicae eruditorum disquisitioni exponimus, adsignando praemium haud contemnendum illi, qui errorem typi, aut aliud quoddam vitium detexerit.

Quod ad ornatum spectat, quo quodlibet opus prodeat: nihil attinet dicere, quum res ipsa loquatur. Chartae enim

& typorum elegantia editi iam Cornelii Nepotis vel delicatissimi lectoris approbatione non indigna videbitur; dubiumque erit compluribus, quid magis mirerentur, an exquisitum, quem prae se fert, splendorem; an exiguum, quo stat, pretium.

Supereſt tantum paucis edocere, quam in accurando quouis opere oeconomiam inſtituere, quemue ſeruare ordinem mentis ſimus. Quum natura quaſi omnes cupimus, illos celeberrimi nominis viros, quorum ſcripta manibus voluimus, & quibuſcum ſcribentibus amice familiariterque colloquimur, iis quoque aſſeſſe domeſticas ciuileſque reſ gerentibus: praemittendam eſſe cenſuimus

operi cuique vitam auctoris, cuius imago aere insculpta, aut si propria defuerit, simile quidpiam ex antiquis documentis, in fronte praefigetur. Ad acuendam Lectoris attentionem non incommodum esse duximus, si ad marginem epitome totius capitis, & in scriptis praesertim historicis certa temporum ac factorum series adiiceretur, opus denique totum subsequeretur index rerum notatu digniorum, ut vno quasi obtutu omnia & praecipua libri capita percurrere & inuenire liceat. Nihil, ut opinor, erit, quod amplius desideret eruditus Lector, nisi forte notas, animaduersiones & locupletem singulorum verborum indicem. Nec nos aliud optamus, quam ut tanta

•

eorum, qui his operibus subscribunt, copia inueniretur, qui id ipsum desiderant, vt votis pauciorum respondere, & cuique auctori tomum singularem cum notis & indice possemus addere. Quodsi autem defuerit numerus sat magnus, qui id exegerit: Lexicon quoddam litterarium, notas complectens grammaticas, historicas & geographicas, ad declarandos difficiliores auctorum locos, toti Collectioni super addere decreuimus.

Sic fiet, vt Collectio haec Auctorum latinorum non in angustis Gymnasiorum latinorum septis tantum, sed in splendidis etiam Eruditorum Bibliothecis dignum mereatur locum.





PVBLII VIRGILII MARONIS

V I T A

INCERTO AVCTORE

QVEM ALIQVI DONATVM PVTANT

I. Publ. Virgilius Maro parentibus modicis fuit, & praecipue patre Marone, quem quidam opificem figulum, plures Magi cuiusdam viatoris initio mercenarium, mox ob industriam generum, tradiderunt: quem quum agrolationi, reique rusticae & gregibus praefecisset focer, filuis coemundis & apibus curandis reculam auxit. Natus est Cn. Pompeio Magno, M. Licinio Crasso primum Coss. Iduum. Octobrium die, in pago, qui Andes dicitur, qui est a Mantua non procul. Praegnans eo mater somniauit Maia, enixam se laureum ramum, quem contacta terra confestim cerneret coaluisse, & excreuisse illico in speciem maturae arboris, refertae variis pomis & floribus: ac sequenti luce cum marito rus

propinquum petens, ex itinere diuertit, atque in subiecta fossa partu leuata est. Ferunt infantem, vt fuit editus, nec vagisse, & adeo miti vultu fuisse, vt haud dubiam spem pro-
sperioris geniturae iam tum indicaret. Et accessit aliud praefagium. Siquidem virga populea, more regionis in puerperiis eodem statim loco depacta, ita breui coaluit, vt multo ante fatas populos adaequarit. Quae arbor Virgilii ex eo dicta atque consecrata est; summa grauidarum & foetarum religione, fuscipientium ibi & soluentium vota.

II. Initia aetatis, id est vsque ad septimum annum, Cremonae egit: & XVII anno virilem togam cepit, illis Consulibus iterum, quibus natus erat. Euenitque, vt eo ipso die Lucretius poeta decederet. Sed Virgilius Cremona Mediolanum, & inde paulo post Neapolim transiit. Vbi quum litteris & Graecis & Latinis vehementissimam operam dedisset, tandem omni cura omnique studio indulsit medicinae & mathematicae.

III. Quibus rebus quum ante alios eruditior peritiorque esset, se in Urbem contulit, statimque, magistri stabuli equorum Augusti amicitiam nactus, multos variosque morbos incidentes equis curauit. At ille in mercedem singulis diebus panes Virgilio, vt vni ex stabulariis, dari iussit. Interea a Crotoniatis pullus equi, mirae pulchritudinis, Caesari dono fuit missus: qui omnium iudicio spem portendebat virtutis & celeritatis immensae. Hunc quum adspexisset Maro, magistro stabuli dixit, natum esse ex morboſa equa, & nec viribus valiturum, nec celeritate: idque verum fuisse inuentum est. Quod quum magister stabuli Augusto recitasset, duplicari ipsi in mercedem panes iussit. Quum item ex Hispania Augusto canes dono mitterentur, & parentes eorum dixit Virgilius, & animum, celeritatemque futuram. Quo cognito, mandat iterum Virgilio panes duplicari.

IV. Dubitauit Augustus, Octauiae filius esset, an alterius: idque Maronem aperire posse arbitratus est, quia canum & equi naturam

parentesque cognorat. Amotis igitur omnibus arbitris, illum in penitiorem partem domus vocat, & solum rogat, an sciat, quisnam esset, & quam ad felicitandos homines facultatem haberet. *Noui*, inquit Maro, *te, Caesar Auguste, & ferme aequam cum Dis immortalibus potestatem habere, ut, quem vis, felicem facias.* *Eo animo sum*, respondit Caesar, *ut, si verum pro rogatu dixeris, beatum te felicemque reddam.* *Vtinam*, ait Maro, *interroganti tibi vera dicere queam!* Tunc Augustus: *Putant alii me natum Octavio: quidam suspicantur alio me genitum viro.* Maro subridens, *Facile*, inquit, *si impune licenterque quae sentio loqui iubes, id dicam.* Affirmat Caesar iureiurando, nullum eius dictum aegre laturum, immo non nisi donatum ab eo discessurum. Ad haec oculos oculis Augusti infigans Maro, *Facilius*, ait, *in ceteris animalibus qualitates parentum a mathematicis & philosophis cognosci possunt, in homine nequaquam possibile est; sed de te coniecturam habeo similem veri, ut quid*

exercuerit pater tuus, scire possum. Attente exspectabat Augustus, quidnam diceret. At ille: *Quantum ego rem intelligere possum, pistoris filius es, inquit.* Obstupuerat Caesar, & statim, quo id pacto fieri potuerit, animo volebat. Interrumpens Virgilius: *Audi, inquit, quo pacto id coniicio. Quum quaedam enuntiarem praedixerimque, quae intelligi sciriue non nisi ab eruditissimis summisque viris potuissent: tu, Princeps orbis, item & item panes in mercedem dari iussisti: quod quidem aut pistoris, aut nati pistoris, officium erat.* Placuit Caesari faceta. *At deinceps, inquit Caesar, non a pistoris, sed a rege magnanimo dona feres: illumque plurimi fecit, & Pollioni commendauit.*

V. Corpore & statura fuit grandi, aquilino colore, facie rusticana, valetudine varia. Nam plerumque ab stomacho, & faucibus, ac dolore capitis, laborabat: sanguinem etiam saepius eiecit: cibi vinique minimi. Fama est, eum libidinis pronioris in pueros fuisse. Sed boni

ita eum pueros amasse putauerunt, vt Socra-
tes Alcipiadem, & Plato suos pueros. Verum
inter omnes maxime dilexit Cebetem & Alex-
andrum, quem secunda Bucolicorum Ecloga
Alexin appellat: donatum sibi ab Asinio Pol-
lione. Vtrumque non ineruditum dimisit:
Alexandrum grammaticum, Cebetem vero &
poetam. Vulgatum est, consueuisse eum cum
Plotia Hieria. Sed Asconius Pedianus affirmat,
ipsam postea maiorem natu narrare solitam,
inuitatum quidem a Vario ad communionem
fui, verum pertinacissime recusasse. Cetera
fane vita, & ore & animo tam probum fuisse
constat, vt Neapoli Parthenias vulgo appella-
retur: ac, si quando Romae, quo rarissime
commeabat, viferetur in publico, sectantes
demonstrantesque se subterfugere solitum in
proximum testum. Bona autem cuiusdam ex-
sulantis offerente Augusto, non sustinuit ac-
cipere.

VI. Possedit prope centies sestertium, ex
liberalitatibus amicorum, habuitque domum

Romae in Esquiliis iuxta hortos Maecenatis: quamquam secessu Campaniae Siciliaeque plurimum vteretur. Quaecumque ab Augusto peteret, repulsam nunquam habuit. Parentibus quotannis aurum ad abundantem alitum mittebat, quos iam grandis amisit: ex quibus patrem oculis captum, & duos fratres germanos, Silonem impuberem, Flaccum iam adultum, cuius exitum sub nomine Daphnidis deflet. Inter cetera studia, ut supra diximus, medicinae quoque, ac maxime mathematicae, operam dedit. Egit & causam vnam omnino, nec amplius quam semel. Sermone tardissimum, ac pene indocto similem fuisse, Melissus tradit.

VII. Poeticam puer adhuc auspicatus, in Balistam, ludi gladiatorii magistrum, ob infamiam latrociniorum coopertum lapidibus, distichon fecit:

*Monte sub hoc lapidum regitur Balista
sepultus:*

Nocte, die, tutum carpe viator iter.

Deinde Catalecton, & Moretum, & Priapeia, & Epigrammata, & Diras, & Culicem, quum esset annorum quindecim. Cuius materia talis est: Pastor fatigatus aestu quum sub arbore obdormisset, & serpens ad illum proreperet, e palude culex prouolauit, atque inter duo tempora aculeum fixit pastori. At ille continuo culicem contriuit, & visum serpentem interemit, ac sepulcrum culici statuit, & distichon fecit:

Parue culex, pecudum custos tibi tale merenti

Funeris officium vitae pro munere reddit.

VIII. Scripsit etiam, de qua ambigitur, Aetnam. Et mox, quum res Romanas inchoasset, offensus materia & nominum asperitate, ad Bucolica transiit: maxime vt Asinium Pol- lionem, Alphenum Varum, & Cornelium Gal- lum celebraret: quia in distributione agrorum, qui post Philippensem victoriam veteranis, Triumuirorum iussu, trans Padum diuideban- tur, indemnem se praestitissent. Deinde Ge- orgica in honorem Maecenatis edidit, quum

sibi vixdum noto opem tulisset, aduersus Claudii veterani militis, vel, vt alii putant, Arrii centurionis violentiam, a quo in altercatione litis agrariae parum abfuit, quin occideretur. Nouissime autem Aeneidem aggressus est; argumentum varium, & multiplex, & quasi amborum Homeri carminum instar: praeterea nominibus ac rebus Graecis Latinisque commune, & in quo, quod maxime studebat, Romanae simul vrbis, & Augusti origo contineretur.

IX. Quum Georgica scriberet, traditur quotidie meditados mane plurimos versus dictare solitus, ac per totum diem retractando ad paucissimos redigere, non absurde carmen se vrsae more parere dicens, & lambendo demum effingere. Aeneida prosa prius oratione formatam, digestamque in XII libros, particulatim componere instituit, vt quidam tradunt. Alii eius sententiae sunt, vt existiment, eum, si diutius vixisset, quatuor & viginti libros vsque ad Augusti tempora scripturum, atque alia quaedam percursum; Augusti vero gesta

B 3



diligentissime exsecuturum: quippe qui, dum scriberet, ne quid impetum moraretur, quaedam imperfecta reliquit; alia leuissimis versibus veluti fulsit: quos per iocum pro tigillis vel tibicinibus interponi a se dicebat, ad sustinendum opus, donec solidae columnae aduenirent.

X. Bucolica triennio Asinii Pollionis suasu perfecit. Hic Transpadanam provinciam regebat; cuius fauore, quum veteranis Augusti militibus Cremonensium & Mantuanorum agri distribuerentur, suos Virgilius non amisit. Facta enim distributione, suos seu Claudio seu Arrio datos, recuperavit. Hunc Pollionem maxime amavit Maro, & dilectus ab eo magna munera tulit. Quippe qui inuitatus ad coenam, captus pulcritudine & diligentia Alexandri, Pollionis pueri, eum dono accepit. Huius Pollionis filium, C. Asinium, & Cornelium Gallum, oratorem clarum, & poetam non mediocrem, miro amore dilexit Virgilius. Is transtulit Euphorionem in Latinum, & libris

quatuor amores suos de Cytheride scripsit. Hic primo in amicitia Caesaris Augusti fuit: postea in suspicionem coniurationis contra illum adductus, occisus est. Verum usque adeo hunc Gallum Virgilius amarat, ut quartus Georgicorum, a medio usque ad finem, eius laudem contineret. Quem postea, iubente Augusto, in Aristaei fabulam commutauit.

XI. Georgica septennio Neapoli: Aeneida partim in Sicilia, partim in Campania duodecim confecit annis. Bucolica eo successu edidit, ut in scena quoque per cantores crebra pronuntiatione recitarentur. At quum Cicero quosdam versus audisset, & statim acri iudicio intellexisset non communi vena editos; iussit ab initio totam eclogam recitari: quam quum accurate pernotasset, in fine ait: *Magnae spes altera Romae*. Quasi ipse linguae Latinae spes prima fuisset, & Maro futurus esset secunda. Quae verba postea Aeneidi ipse inferuit. Georgica, reuerso ab Aetiaca victoria Augusto, atque reficiendarum faucium causa Atellae com-

moranti, per continuum quatrimum legit, fuscipiente Maecenate legendi vicem, quoties interpellaretur ipse vocis offensione. Pronuntiabat autem maxima cum suauitate, & lenociniis miris. Seneca tradidit, Iulium Montanum poetam solitum dicere, inuolaturum se quaedam Virgilio, si vocem posset, & os, & hypocrisim: eosdem enim versus, eo pronuntiante, bene sonare; sine illo, inarescere, quasi mutos.

XII. Aeneidos vix dum coeptae tanta existit fama, ut Sext. Propertius non dubitarit sic praedicare:

*Cedite Romani scriptores, cedite Graii,
Nescio quid maius nascitur Iliade.*

Augustus vero, quum tum forte expeditione Cantabrica abesset, & supplicibus atque minacibus per iocum literis efflagitaret, ut sibi de Aeneide, ut ipsius verba sunt, vel prima carminis hypographa, vel quodlibet colon mitteret, negavit se facturum Virgilius: cui tamen multo post, perfecta demum materia,

tres omnino libros recitavit: secundum videlicet, quartum, & sextum. Sed hunc praecipue ob Octaviam: quae, quum recitationi interesset, ad illos de filio suo versus, *Tu Marcellus eris*, defecisse fertur: atque aegre refocillata, dena festertia pro singulo versu Virgilio dari iussit. Recitavit & pluribus: sed neque frequenter, & ferme illa, de quibus ambigebat, quo magis iudicium hominum experiretur. Erotem, librarium & libertum eius, exactae iam senectutis, tradunt referre solitum, quondam in recitando eum duos dimidiatos versus complexisse ex tempore: & huic *Misenum Aeolidem*, adiecisse, *quo non praestantior alter*: item huic, *Aere ciere viros*, simili calore actutum subiunxisse, *Martemque accendere cantu*: statimque sibi imperasse, ut vtrumque volumini adscriberet.

XIII. Bucolica Georgicaque emendavit. Anno vero quinquagesimo secundo, ut ultimam manum Aeneidi imponeret, statuit in Graeciam & Asiam secedere, triennioque con-

tinuo omnem operam limationi dare, vt in reliqua vita tantum philosophiae vacaret. Sed, quum aggressus iter, Athenis occurrisset Augusto, ab oriente Romam reuertenti, vna quum Caesare redire statuit. Ac quum Megaram, vicinum Athenis oppidum, visendi gratia peteret, languorem nactus est: quem non intermissa nauigatio auxit, ita vt grauior indies, tandem Brundisium aduentarit: vbi diebus paucis obiit, decimo Kal. Octobr. C. Sentio, Lucretio Coss.

XIV. Qui quum grauari morbo sese sentiret, scrinia saepe & magna instantia petiuit, crematurus Aeneida: quibus negatis, testamento comburi iussit, vt rem inemendatam imperfectamque. Verum Tucca & Varius monuerunt, id Augustum non permissurum. Tunc eidem Vario, ac simul Tuccae, scripta sub ea conditione legauit, ne quid adderent, quod a se editum non esset, & versus etiam imperfectos, si qui erant, relinquerent. Voluit etiam sua ossa Neapolim transferri, vbi diu

& suauissime vixerat: ac extrema valetudine hoc ipse sibi epitaphium fecit distichon:

*Mantua me genuit, Calabri rapuere, tenet nunc,
Parthenope: cecini pascua, rura, duces.*

Translata igitur iussu Augusti eius ossa, prout statuerat, Neapolim fuere, sepultaque via Puteolana, intra lapidem secundum, suoque sepulcro id distichon, quod fecerat, inscriptum est.

XV. Heredes fecit ex dimidia parte Valerium Proculum, fratrem ex alio patre, ex quarta Augustum, ex duodecima Maecenatem, ex reliqua L. Varium, & Plotium Tuccam: qui eius Aeneidem post obitum, prout petierat, iussu Caesaris emendauerunt: nam nullius omnino sententia crematu Aeneis digna visa fuit: qua de re Sulpicii Carthaginensis exstant huiusmodi versus:

Iusserat haec rapidis aboleri carmina flammis

Virgilius: Phrygium quae cecinere ducem.

Tucca vetat, Variusque simul: tu, maxime Caesar,

Non finis, & Latiae consulis historiae.

Infelix gemino cecidit prope Pergamus igni,

Et pene est alio Troia cremata rogo.

Extant & Augusti de ipsa eadem re versus plures & clarissimi, quorum initium est:

Ergone supremis potuit vox improba verbis

Tam dirum mandare nefas? ergo ibit in ignes,

Magnaue doctiloqui morietur Musa Maronis?

Et paulo post:

Sed legum seruanda fides; suprema voluntas

Quod mandat, fierique iubet, parere necesse est.

Frangatur potius legum veneranda potestas,

Quam tot congestos noctesque diesque labores

, Hauserit una dies. Et ea quae sequuntur.

Nihil igitur auctore Augusto Varius addidit, quod & Maro praeceperat, sed summatim emendauit, ut qui versus etiam imperfectos, si qui erant, reliquerit. Hos multi mox supplere conati, non perinde valuerunt ob difficultatem; quod omnia fere apud eum hemistichia, praeter illud: *Quem tibi iam Troia peperit*, sensum videntur habere perfectum. Nisus, grammaticus, audisse se a senioribus di-

cebat , Varium duorum librorum ordinem commutasse, &, qui tum secundus erat, in tertium locum transtulisse : etiam primi libri correxisset principium, his demtis versibus :

*Ille ego, qui quondam gracili modulatus auena
Carmen, & egressus silvis, vicina coegi,
Vt quamuis audio parerent arua colono:
Gratum opus agricolis: at nunc horrentia Martis
Arma virumque cano.*

XVI. Obrectatores Virgilio numquam defuerunt. Nam ne Homero quidem. Prolatis Bucolicis inuominatus quidam rescripsit Antibucolica, duas modo Eclogas, sed infulsiissime, *παρωδήτας*, quarum prioris initium est:

*Tityre, si toga calda tibi est, quo tegmine fagis
sequentis,*

Dic mihi, Damoeta, cuium pecus, anne Latinum?

Non; verum Aegonis nostri sic rure loquuntur.

Alius, recitante ea ex Georgicis: *Nudus ara,
fede nudus; subiecit, habebis frigora, febrem.*
Est & aduersus Aeneida liber Carbilii Pistoris, titulo Aeneidomastix. M. Vipfanius a Mae

cenate eum suppositum appellabat noue κακο-
 ζητίας repertorem; non tumidae, neque exi-
 lis, sed ex communibus verbis, atque ideo
 labentis. Herennius tantum vitia eius contra-
 xit: Perilius Faustinus furta. Sunt & Q. Octa-
 uii Auiti ὁμοιοτελεύτων octo volumina, quibus
 annotatur, quos & vnde versus transtulerit.
 Asconius Pedianus, libro quem contra obtrecta-
 tores Virgilii scripsit, pauca admodum ei ob-
 iecta ponit: & potissimum, quod non recte
 historiam contexuit, & quod pleraque ab Ho-
 mero sumsit. Sed hoc crimen sic defendere
 assuetum ait: *Cur non illi quoque eadem furta
 tentarent? Verum intellecturos, facilius esse
 Herculi clauam, quam Homero versum surri-
 pere: & tamen destinasse secedere, ut omnia ad
 satietatem maleuolorum decideret.*

XVII. Refert etiam Pedianus, benignum,
 cultoremque omnium bonorum atque erudito-
 rum fuisse, & vsque adeo inuidiae expertem,
 vt, si quid erudite dictum inspiceret alterius,
 non minus gauderet, ac si suum fuisset: nemi-

nem vituperare, laudare bonos: ea humanitate esse, ut, nisi peruersus maxime, quisque illum non diligeret modo, sed amaret. Nihil proprii habere videbatur. Eius bibliotheca non minus aliis doctis patebat, ac sibi: illudque Euripidis antiquum saepe vsurpabat, τὰ τῶν Φίλων κοινὰ, hoc est, *communia amicorum esse omnia*. Quare coaeuos omnes poetas ita adiunctos habuit, ut, quum inter se plurimum inuidia arderent, illum vna omnes colerent; Varius, Tucca, Horatius, Gallus, Propertius. Anser vero, quoniam Antonii partes sequutus est, illum non obseruasse dicitur. Cornificius ob peruersam naturam illum non tulit. Gloriam vero adeo contemtor fuit: quum quidam versus quosdam sibi adscriberent, eaque re docti haberentur, non modo aegre non ferebat, immo voluptuosum id illi erat. Quum enim distichon, quod laudem felicitatemque Augusti continebat, fecisset, valuisque non nominato auctore affixisset, (id erat eiusmodi,

Nocte pluit tota, redeunt spectacula mane :

Divisum imperium cum Ioue Caesar habet.)

diu quaeritans Augustus, cuiusnam hi versus essent, eorum auctorem non inueniebat. Bathyllus vero poeta quidam mediocris, tacentibus aliis, sibi adscripsit. Quamobrem donatus honoratusque a Caesare fuit. Quod aequo animo non ferens Virgilius, iisdem valuis affixit quatenus hoc principium: *Sic vos non vobis.* Postulabat Augustus, ut hi versus complerentur: quod quum frustra aliqui conati essent, Virgilius, praeposito disticho, sic subiunxit:

Hos ego versiculos feci: tulit alter honores :

Sic vos non vobis nidificatis aues.

Sic vos non vobis vellera fertis oves.

Sic vos non vobis mellificatis apes.

Sic vos non vobis fertis aratra boves.

Quo cognito, aliquamdiu Bathyllus Romae fabula fuit, Maro vero exaltatior.

XVIII. Quum is aliquando Ennium in manu haberet, rogareturque quidnam faceret; respondit, se aurum colligere de stercore Ennii.

Habet enim poeta ille egregias sententias sub verbis non multum ornatis. Interroganti Augusto, quo pacto ciuitas feliciter gubernaretur? Si prudentiores, inquit, remonem tenuerint, & boni malis praeponantur: itaque optimi suos habeant honores, nulli tamen aliorum iniusti quidquam fiat. At Maecenas: Quid, inquit, Virgili, satietatem homini non adfert? Omnium rerum, respondit, aut similitudo aut multitudo stomachum facit, praeter intelligere. Idem interrogauit: Quo pacto quis altam felicemque fortunam seruare potest? Cui Maro: Si, quantum honore ac diuitiis aliis praestantior sit, tanta liberalitate & iustitia alios superare nitatur. Solitus erat dicere: Nullam virtutem commodiorem homini esse patientia: ac nullam asperam adeo esse fortunam, quam prudenter patiendi vir fortis non vincat. Quam sententiam in quinto Aeneidos inseruit:

*Nate dea, quo fata trahunt retrahuntque,
sequamur:*

*Quidquid erit, superanda omnis fortuna
ferendo est.*

Quum quidam eius amicus Cornificii in eum maledicta & inimicitias sibi enarret: *Quam putas, inquit, esse huius malevolentiae causam? Nam neque umquam Cornificium offendi, & eum amo. An, inquit, Hesiodi sententiae non meministi, ubi ait, architectum architecto inuidere, & poetam poetae? De malis, inquit, Graecus ille intellexit: nam boni eruditiores amant. Sed magna cum laude & gloria vindictam in manu habeo. Maiore enim cura virtuti intendam: atque quo elegantior ego fiam, eo vehementior invidia rumpetur.* Erat Augusto familiaris Philistus quidam, orator & poesis mediocriter doctus, cui multiplex variumque ingenium erat, quique omnium omnia dicta reprehendere conabatur: non ut verum dignosceret, quod Socrates facere consuevit, sed ut eruditior videretur. Hic Virgilium, ubicumque convenire dabatur, maledictis salibusque vexabat. Quare ille saepe aut tacibundus discedebat, aut suffusus pudore tacebat. Verum, quum Augusto audiente elinguem illum diceret,

& caussam etiam suam, si linguam haberet, defendere nequire: *Tace*, inquit, *rabula*. *Nam haec mea taciturnitas defensorem caussarum mearum Augustum fecit & Maecenatem: & ea tuba, quum volo, loquor, quae ubique & diutissime audietur. Tu loquacitate non modo aures hominum, sed muros rumpis. Augustus vero Philistum graui vultu increpauit. Tunc Maro, si tempus, Caesar, inquit, tacendi hic sciret, raro loqueretur. Tacendum enim semper est, nisi quum taciturnitas tibi noceat, aut oratio aliis prosit. Nam qui contendit, & an contentionis finis utilis sit, non nouit, sultis illum adnumerandum sapientes putant.*

XIX. Posteaquam Augustus summa rerum omnium potitus est, venit in mentem, an conduceret tyrannidem omittere, & omnem potestatem annuis consulibus, & senatui reipublicam reddere: in qua re diuersae sententiae consultos habuit, Maecenatem & Agrippam. Agrippa enim utile sibi fore, etiamsi honestum non esset, relinquere tyrannidem

longa oratione contendit: quod Maecenas, dehortari magnopere conabatur. Quare Augusti animus & hinc ferebatur & illinc. Erant enim diuersae sententiae, variis rationibus firmatae. Rogauit igitur Maronem, an conferat priuato homini, se in sua republica tyrannum facere. Tum ille, *omnibus ferme, inquit, temp. occupantibus molesta ipsa tyrannis fuit, & ciuibus: quia necesse erat propter odia subditorum, aut eorum iniustitiam, magna suspicione magnoque timore viuere. Sed si ciues iustum aliquem scirent, quem amarent plurimum, ciuitati id utile esset, si in eo uno omnis potestas foret. Quare si iustitiam, quod modo facis, omnibus in futurum nulla hominum facta compositione distribues; dominari te, & tibi conducet, & orbi. Bencvolentiam enim omnium habes, ut deum te & adorent, & credant. Eius sententiam sequutus Caesar principatum tenuit. Audiuit a Scirone praecepta Epicuri: cuius doctrinae socium habuit Varium. Quamuis diuerforum Philosophorum opiniones libris suis*

inferuisse de animo maxime videatur, ipse tamen fuit Academicus: nam Platonis sententias omnibus aliis praetulit.

XX. Nunc quoniam de auctore summatim diximus, de ipso iam carmine dicendum videtur: quod bifariam tractari solet, hoc est, & ante opus, & in ipso opere. Ante opus, titulus, causa, intentio. Titulus, in quo quaeritur, cuius sit. Causa, unde ortum sit, & quare hoc potissimum sibi ad scribendum poeta praesumferit. Intentio, in qua cognoscitur, quid efficere conetur poeta. In ipso opere sane tria spectantur, numerus, ordo, explanatio. Quamvis igitur multa *ψευδογραφῆ*, id est, falsa inscriptione, sub alieno nomine sunt prolata, ut Thyestes traegodia huius poetae, quam Varius edidit pro sua, & alia huiusmodi; tamen Bucolica liquido Virgilii esse minime dubitandum est: praesertim quum ipse poeta, tanquam hoc metuens, principium huius operis & in principio Aeneidos & in alio carmine suum esse testatus sit, dicens:

*Ille ego, qui quondam gracili modulatus auena,
& reliqua: &*

*Carmina qui lusi pastorum, audaxque iuuenta,
Tityre te patulae cecini sub tegmine fagi.*

Bucolica autem & dici, & recte appellari, vel hoc solum indicium suffecerit, quod hoc eodem nomine apud Theocritum censeantur. Verum ratio quoque demonstranda est. Tria sunt pastorum genera, quae dignitatem in Bucolicis habent: quorum qui minimi sunt, αἰπόλοι dicuntur a Graecis; iidem a nobis caprarii: paullo honoratiores qui ποιμένες, id est, opilioes dicuntur: honestissimi, & maximi, βεβήκοι, quos bubulcos dicimus. Vnde igitur magis debuit pastorali carmini nomen imponi, quam ab eo gradu, qui apud pastores excellentissimus inuenitur? Causa dupliciter inspicitur solet: ab origine carminis, & a voluntate scribentis.

XXI. Originem autem Bucolici carminis alii ob aliam causam ferunt. Sunt enim, qui a Lacedaemoniis pastoribus Dianae primum

carmen hoc redditum dicant, quum eidem Deae, propter bellum, quod toti Graeciae, illo tempore Persae inferebant, exhiberi per virgines. de more sacra non possent. Alii ab Oreste. circa Siciliam vago id genus carminis Dianae redditum loquuntur per ipsum atque pastores: quo tempore de Scythia cum Pylade fugerat, surrepto numinis simulacro, & celato in fasce lignorum. Vnde Fascelidem Dianam perhibent nuncupatam: apud cuius aras Orestes per sacerdotem eiusdem numinis Iphigeniam sororem suam a parricidio fuerat expiatus. Alii Apollini Nomio, pastorali scilicet Deo, qua tempestate Admeti boues pauerat. Alii Libero, Nympharum scilicet, & Satyrorum, & id genus numinum principi, quibus placet rusticum carmen. Alii Mercurio Daphnidis patri, pastorum omnium principi, & apud Theocritum, & apud hunc ipsum poetam. Alii in honorem Panoscribi putant peculiariter pastoralis Dei, item Sileni, Siluani, atque Faunorum. Quae quum omnia dicantur, illud erit probatissimum,

Bucolicum carmen originem ducere a priscis temporibus, quibus vita pastoralis exercitata erat: & ideo velut aurei saeculi speciem in eiusmodi personarum simplicitate cognosci: & merito Virgilium, processurum ad alia carmina, non aliunde coepisse, nisi ab ea vita, quae prima in terris fuit. Nam postea rura culta, & ad postremum pro cultis & feracibus terris bella suscepta: quod videtur Virgilius in ipso ordine operum suorum voluisse monstrare, quum pastores primo, deinde agricolas canit, & ad ultimum bellatores.

XXII. Restat, ut, quae causa voluntatem attulerit poetae Bucolica potissimum scribendi, consideremus. Aut enim dulcedine carminis Theocriti & admiratione eius illectus est: aut ordinem temporum est sequutus erga vitam humanam, ut supra diximus: aut tres modos elocutionum, quos *χαρκαίηρας* Graeci vocant; *ισχυρόν*, qui tenuis, *ἰσχυρόν*, qui validus, *μέσον*, qui moderatus intelligitur. Credibile erat Virgilium, qui in omni genere praevaluerit,

Bucolica primum, Georgica secundum, Aeneida tertium voluisse conscribere. Aut ideo potius primo Bucolica scripsit, ut in eiusmodi carmine, quod & paullo liberius, & magis validum, quam cetera, est, facultatem haberet captandae Caesaris indulgentiae, recuperandique agri, quem amiserat. Ob hanc causam die tertio iduum Martiarum C. Caesare interfecto, quum Augustum Caesarem paene puerum veterani milites, non abnuente Senatu, sibi ducem constituissent, exorto bello ciuili, Cremonenses cum ceteris eiusdem studii, aduersarios Augusti Caesaris adiuuerunt. Vnde factum est, ut, quum victor Augustus in eorum agros veteranos deduci iussisset, non sufficiente agro Cremonensium, Mantuani quoque, in quibus erat Virgilius, maximam partem suorum finium perdiderint, eo quod vicini Cremonensibus fuerant. Sed Virgilius Augusti familiaritate suoque carmine fretus, Centurioni Arrio obsistere ausus est. Ille statim ut miles, ad gladium manum admouit. Quumque se in

fugam proripuiſſet poeta , non prius perfe-
quendi finis fuit , quam ſe in fluuium Virgi-
lius conieciffet. Sed poſtea , Maecenate , &
Pollione , & ipſo Auguſto fauentibus , agros
ſuos recepit.

XXIII. Intentio libri, quam *σκοπὸν* Graeci
vocant , imitatione Theocriti poetae conſtitui-
tur, qui Siculus , & Syracuſanus fuit. Eſt in-
tentio etiam in laudem Caefaris , & princi-
pum ceterorum , per quos in ſedes ſuas rediit :
vnde , vt & delectationem & vtilitatem finis
containeret , ſecundum praecepta cuncta confe-
cit. Quaeri ſolet cur non plures quam de-
cem Eclogas conſcripſerit : quod nequaquam
mirandum videbitur ei , qui conſiderauerit
aetatem ſcenarum paſtoralium, quae vltra hunc
numerum non poteſt proferri ; praefertim
quum ipſe poeta circumſpectior Theocrito, vt
ipſa res indicat , videatur metuere , ne illa
Ecloga, quae Pollio inſcribitur , minus ruſtica
videatur , quum ipſam ſic praeſtruat ipſe , di-
cens , *Sicelides Muſae paullo maiora canamus :*

& idem similiter in aliis duabus facit. Illud tenendum esse praedicimus in Bucolicis Virgilii, neque nusquam, neque vbiq̃ue aliquid figurate dici, hoc est, per allegoriam. Vix enim propter laudem Caesaris & amissos agros haec Virgilio conceduntur, quum Theocritus, quem hic noster toto studio imitari conatur, simpliciter omnino conscripserit.

XXIV. Quod autem in ipso carmine tractari solet, est numerus, ordo, explanatio. Numerus Eclogarum manifestus est. Nam decem sunt: ex quibus proprie Bucolicae VII esse creduntur: nam tres vltimae proprie Bucolicae dici non debent, Pollio scilicet, Silenus, & Gallus. Prima igitur continet conquestionem publicam, & priuatam congratulationem de agro, & dicitur Tityrus. Secunda amorem pueri, & dicitur Alexis. Tertia certamen pastorum, & dicitur Palaemon. Quarta genethliacum, & dicitur Pollio. Quinta epitaphium, & dicitur Daphnis. Sexta metamorphosis, & dicitur Varus, & Silenus. Septima amo-

res diuerforum sexuum, & dicitur Corydon. Oſtaua Pharmaceutria, & dicitur Damon. Nona continet poetae conqueſtionem de amiſſo agro, & dicitur Moeris. Decima deſiderium Galli, & dicitur Gallus. Quod ad ordinem ſpectat, illud ſcire debemus, in prima tantum, & vltima Ecloga poetam voluiſſe ordinem ſeruare: quoniam in altera principium conſtituit: vnde Georgicis ait: *Tityre te paſtulae cecini ſub regmine fagi*: in altera oſtendit finem: quippe qui dicat, *extremum Arethuſa mihi concede laborem*. Verum, inter ipſas Eclogas, paſtorales conſcriptumque ordinem nullum eſſe certiffimum eſt. Sed ſunt qui dicant, initium Bucolici carminis non *Tityre* eſſe; ſed *prima Syracuſio dignata eſt ludere verſu*.


XXV. Super eſt explanatio: ad quam antequam veniamus, illud dixerim, tenue eſſe Bucolicum carmen, & uſque adeo ab heroico charactere diſtare, vt verſus quoque huius carminis ſuas quasdam caeſuras habeant, & ſuis

legibus distinguantur. Nam quum tribus probetur metrum, caesura, scanſione, modificatione; non erit Bucolicus verſus, niſi in quo & pes primus partem orationis abſoluerit: & tertius trochaeus fuerit & caesura, & quartus pes daſtylus magis quam ſpondeus partem orationis terminauerit, quintus & ſextus pes ex integris diſtionibus fuerit: quod Virgilius a Theocrito ſaepe ſeruatum, victus operis difficultate, neglexit. In ſolo principio, incertum industria an caſu, has caeſuras ſeruauit. Nam *Tityre*, daſtylus partem orationis abſoluit, *tu patu, lae recu*; tertium daſtylum, quamuis de compoſita diſtione conſulit: *bans ſub* quartum ſpondeum pro daſtylo. Quum ſubiunxit, *tegmine fagi*, terminatis partibus orationis integrum comma perfecit: cuius rei diligentiam licet in Theocriti omnibus ferme verſibus admirari. Qui vero ſupra dicta acri iudicio diligenterque conſiderarit, facile intelliget, quae in Georgicis intentio, quique finis fuerit, nec minus etiam in Aeneide,

Poematis filii genera tria sunt. Aut enim actium vel imitativum, quod Graeci δραματικὸν appellant, in quo personae loquentes introducuntur sine poetae interlocutione: ut sunt Tragoediae, & comoediae: δράν enim Graece agere dicitur: quo genere scripta est prima, *Tityre, &, quo te Moeri pedes.* Aut enarrativum, quod Graeci διηγηματικὸν appellant: in quo poeta ipse loquitur sine interpositione personae, ut tres primi Georgicon libri, item Lucretii carmina. Aut commune, vel mixtum, quod Graeci μικτὸν appellant; ubi & poeta ipse loquitur, & introductae personae: ut est Virgilii Aeneis.

Quum de tanto Poeta etiam ea, quae aut molesta aut nulla fide tradantur, cognoscere non iniucundum sit, modo satis constet, quo loco & existimatione unaquaque narratio habenda sit: hanc quidem, quae sub Donati nomine circumfertur, vitam Virgilii omitti recte posse non putani-

mus; subiicere tamen illam ab Heyne per annos suos distributam necesse esse duximus, ut ex ea comparatione series operum, rerumque veritas certius innotesceret.



P. VIRGILII MARONIS

V I T A

PER ANNOS DIGESTA

A CHR. GOTTL. HEYNE

V. C. Varr. 684. Cat. 682.

*M. Licinius Crassus. Cn. Pompeius Magnus
Coss. a. C. 70. Virgilii I.*

His Coss. & quidem Idibus Octobribus, natum esse Virgilium tradunt ad vnum omnes. Consentunt & in hoc, Andes, agri Mantuani vicum, ei natale solum fuisse. De patre eiusque nomine ut & de matre multa ineptiunt Grammatici. Patrem Virgilium Maronem,

matrem Maiam fuisse dubitari nequit. Nomen & Virgilius & Vergilius scribitur. Sed videamus de singulis.

Coss. laudatos non modo Pseudodonus diserte memorat, & Phocas v. 20, 21. verum etiam Hieronymus in Chronic. Euseb. p. 151, & p. 40. (ed. 1658.) *Virgilius Maro in pagó, qui Andes dicitur, haud procul a Mantua, nascitur, Pompeio & Crasso Coss. cf. Scalig. Animadu. p. 152 b.* Nam Graeca respicienda non sunt, in quibus p. 259 sequenti anno adscriptum est: *βιργίλιως ἐγενήθη*, quod idem sequuntur Chronicon Paschale s. Fasti Siculi p. 184. C. Idatius Fastis Consular. a. 685. Apud eundem Hieronymum ad Olymp. 177, 3 is annus recte refertur. Phlegon Trallianus in Olympicorum & Chronicorum collectione apud Photium Biblioth. xcvi, p. 267, 25 ed. Rothomag. vbi de Olymp. 177, 3 καὶ Οὐιργίλιος Μάρων, ὁ ποιητής, ἐγενήθη τέτα τῷ ἔτας, ἑδοίς ὀκτωβρίαις.

*Andes Hieronymus l. l. & Donatus alii que memorant. Andino vico, inquit Probus, quæ abest a Mantua millia passuum III. Situs huius vici incertus est. Mantuani tamen eum esse contendunt, qui nunc duo millia passuum ab vrbe diffitus, vulgo dicitur Petolo. v. Cluuer. Ital. ant. p. 257. Ex more tamen satis frequenti inter veteres, de quo vel Catulli exemplo constat, qui, in insula Benaci Sirmione natus, Veronensis appellatur, Virgilii origines ad Mantuam ipsam referuntur, vt ab ipso poeta factum esse videtur Ge. III, 10, alia aliorum loca v. ap. Cluuer. l. l. *Venetum* appellat apud Macrobiu Euangelus, Sat. V, 2 sed cum irrisione, vt scilicet tanto magis eum a cultu Graecarum litterarum alienum fingeret; nisi secundum posterioris Venetiae fines dictum existimes, qui ad Adduum vsque flumen extendebantur. Phocas Grammaticus in Vita Virgil. 21 *Vatem Etruscum* appellat & v. 5 *Aemula Virgilium tellus nisi Tusca dedis-**

set. Possit id ad origines Mantuae referri; sed vix tam docte scribere voluit Phocas.

De Idibus Octobr. non modo ex Phlegonte l. l. verum etiam ex Martiale XII, 68 constat: *Octobres Maro consecrauit Idus.* Adde Aufon. Idyll. V, 26. A viris doctis eas inter dies festos habitas fuisse, quum ex illis locis apparet, tum Silii Italici exemplo apud Plin. Epist. III, 7 *multum ubique — imaginum, quas non habebat modo, verum etiam venerabatur; Virgilii ante omnes, cuius natalem religiosius quam suum celebrabat.* Natum Virgilium, quum Sol ex Virgine in Chelas receptus esset, h. in locum Librae deinceps destinatum, Phocas v. 21, 22 memorat. Augusti aevo Sol Libram adibat Kal. XII Octobr.

De Grammaticorum nugis circa natales poetae v. sup. ad Vitam Donati.

De scriptura nominis digladiati sunt inter se quum veteres tum recentiores Grammatici. Lapidēs & codices vtrumque exhibent. Etiam Graeci modo Οὐργίλιος modo Οὐεργίλιος scri-

bunt: & *Vergilius*, Mediceus, Pierii Romanus, & vetustissimum Fragn. Aspri apud Benedictinos *Nouv. Tr. de Diplom. T. III*, p. 152. Ceterum vide, si tanti est, Corrad. in *Vita Virgilii* pr. adde quos laudat Fabric. *Biblioth. lat. Vol. II*, p. 226. Burmann. *V. C. Antholog. T. I*, p. 399. Pierius, Cerda, Burman. ad *Virgil. Ge. IV* extr. Ruæus *Vita Virgilii* pr. Nomi in veteribus nonnullis libris *Parthenias* additur v. sup. ad Donat. § 5.

Parentes Virgilius honestos quidem, quales nobiles nostros villaticos, sed tamen obscuros & in agro suo colendo vitam agentes habuit. Vnde ductum illud ap. *Macrob. V*, 2 *Vnde enim Veneto rusticis parentibus nato, inter silvas & frutices educto, vel levis Graecarum notitia litterarum*; cum ironia dictum, ut significet, immo vero longe maximam scientiam ei fuisse. Quod autem figulum patrem esse narrant, id vereor ne inepti monachi a filio carmina fingente duxerint: uti altera nar-

ratio de patre mercenario non aliunde nata, quam quod Tityrum in prima Ecloga Virgilii patrem nonnulli tradiderant.

V. C. 689.

L. Aurelius Cotta. L. Manlius Torquatus.

a. C. 65. Virgilii $\frac{5}{8}$.

Q. Horatius Flaccus nascitur VI. Id. Decemb. Sueton. in eius Vita.

V. C. 696.

L. Calpurnius Piso. A. Gabinius.

a. C. 58. Virgilii $\frac{1}{3}$.

Hieronymus in Chron. Euseb. p. 151 ad Olymp. 180, 3 adeoque h. a. *Virgilius Cremonae studiis eruditur.* Aliter Donatus § 2. Profectum tamen hinc esse videtur, quod recentiores nonnulli scriptores de ludo litterario publico, qui Romanorum tempore Cremonae floruerit, memorant, v. c. Ludou. Cautel-
lius Cremonenf. Annal. p. 1262. A. T. III. Thes. Ant. Ital.

De magistris Virgilii vix quicquam certi tradi potest. Quae siue Grammaticorum fidei;

siue doctorem virorum coniecturis debentur,
ad Donatum reiecta sunt ad § 2 & 19.

Ceterum etsi de magistris Virgilii & disciplina non satis constet, & eum obscuro loco natum esse satis appareat, liberali tamen institutione eum usum & cum viris doctis & elegantibus versatum esse, tota ingenii eius in carminibus expressa venustas satis prodit. Ex humili enim & fordida vita & consuetudine nemo facile generosi poetae spiritus sumit.

V. C. 699.

*Cn. Pompeius Magnus II. M. Licinius
Crassus II. a. C. 55. Virgilii $\frac{1}{2}$.*

Hoc anno virilem togam sumsit Virgilius,
si verum est, quod a Donato § 2. memoratur,
iisdem, quibus natus erat, Coss. id factum esse.
Et anno fere XV vel XVI ea sumebatur. v.
Noris. Cenotaph. Pisan. p. 115 sq. & passim
alios. vt Masson. in Vita Horatii & Ovidii.

V. C. 701.

*Cn. Domitius Calvinus. M. Valerius Messala**a. C. 53. Virgilii $\frac{1}{2}$.*

Hieronymus Chron. Euseb. ad Olymp. 181,
4: *Virgilius sumpta toga Mediolanum trans-*
greditur; & post breue tempus Romam pergit.
At Donatus § 2: *Sed Virgilius Cremona Me-*
diolanum, & inde paullo post Neapolin trans-
it — se in Urbem contulit. Vter verius
dixerit, quis definire auit? Forte ne Romam
quidem omnino tum adiit; aut, si adiit, in
agrum suum mox se contulit, quod inter belli
ciuilis initia factum esse probabile fit.

De iuuenilibus Virgilii poematibus v. su-
pra ad Donatum § 7.

V. C. 709.

*C. Iulius Caesar IV. sine Collega.**a. C. 45. Virgilii $\frac{2}{3}$.*

Alexis hoc anno scriptum coniicit, pri-
mam certe omnium eclogarum fuisse contendit
Martinus in vita Virg. p. XXXIV & ad Ecl.
V, 86. Ex verbis enim huius eclogae: *Hac te*

nos fragili donabimus ante cicuta ; Haec nos, formosum Corydon ardebat Alexin, Haec eadem docuit : Cuium pecus, an Meliboei ? eclogam secundam & tertiam ante quintam fuisse scriptam apparet. Videtur autem quinta anno 712 edita esse, ut mox videbimus, ut adeo hoc certe anno anterior sit Alexis. Iam autem Martinus & hoc ponit, Virgilium Caesari notum fuisse, idque haud dubie carmine aliquo, quod ipsum carmen *Alexin* fuisse suspicatur, adeoque in hunc annum reiicit ; sequenti enim anno occisus fuit Caesar. Vides, ut suspicio ex suspicione nesti soleat. Est tamen Eclogae II quum argumentum tum tota tractatio, quod facile, si sensum tuum, non opinionem, audias, eiusmodi, ut non facile, nisi in iuvenile ingenium, cadere possit.

V. C. 710.

C. Iulius Caesar V. M. Antonius.

a. C. 44. Virgilii 2⁶/₇.

Idibus Martiis Caesar occiditur. Varia post eius mortem prodigia, in primis sol toto anno,

pallidior. v. Plutarch. Caes. extr. Ea commemorat Virgilius G. I, 466 sqq. vbi cf. not. Octavius testamento Caesaris ex dodrante heres institutus & in familiam Caesaris nomenque adoptatus Apollonia Romam rediit, quum autem Antonium iniquiorem in se esse videret, Optimatibus sese adiunxit. Apolloniae, quae Epiri vrbs est, quo a Caesare ad Parthos profecturo praemissus fuerat, substiterat, studiisque vacauerat. Sueton. Octau. c. 8.

V. C. 711.

C. Vibius Pansa. A. Hirtius.

C. Iulius Caesar Octavianus. Q. Pedius suffecti. a. C. 43. Virgilii $\frac{27}{8}$.

Bellum Mutinense, quo, quum totam Galliam Cisalpinam, tum agrum Mantuanum, adeoque Virgilii possessiones valde afflictas fuisse necesse est. Ex V. Kal. Decembr. M. Lepidus, M. Antonius, C. Caesar Octavianus Triumviros reip. constituendae in quinque annos se renuntiant, proscriptorum tabulas propo-

nunt, inter quos a. d. VII. Id. Dec. Cicero occiditur.

In prouinciarum distributione, quum Africam, Siciliam, Sardiniam reliquasque eius maris insulas Caesar Octavianus, Hispanias cum Gallia Narbonensi Lepidus, reliquas Gallias Antonius obtinuisset, v. Appian. Ciuil. IV, p. 953, 954. ager Mantuanus M. Antonii forti accesserat. Miserat hic in has terras Asinium Pollionem, qui vsque ad a. 714. Galliam Cisalpinam in Antonii fide continuit. cf. inf. ad 713.

Ad hunc porro annum *Palaemonem*, *Eclagam* III refert Martinus *Life of Virgil* p. XLIV & ad Ecl. V, 86. quoniam in ea Pollio & primus & solus poetae laudibus ornatur. Ex iis, quae modo dicta sunt, coniecturam elegantissimi viri alioqui leuissimam firmare possis, certe hoc impetrare, mature in Asinii Pollionis notitiam venisse poetam, quum is per eos annos in illis Italiae partibus degeret. Cur mihi inter prima poetae tentamina referenda videatur.

Ecloga III. ea est causa, quod iuuenilem meditationem & exercitationem non obscure prodat; est enim ex Theocriteis Idyllis IV & V unice conuersa aut adumbrata.

Iulio Caesari Virgilium innotuisse & carum fuisse; ex Ecl. V, 52. *amavit nos quoque Daphnis*, contendunt; Daphnidem enim Iulium Caesarem esse volunt. cf. ibid. argument. item Martinum in Vita Virgil. p. XXXIV & ad Ecl. V, 52. Idem vir doctus versum illum ad studium Caesaris in Mantuanos referebat, quibus, cum ceteris Galliae Transpadanae urbibus, ciuitatem dedisse memorat Dio XLI, 36.

Lepida Grammaticorum fabula est de Ecloga sexta *in theatro a Cytheride mima cantata*, quam quum Cicero audiret, magnam Virgiliti famam praefagisse fertur. v. Donat. § II. Seru. ad Ecl. VI, II.

Hoc anno ad XIII Kal. April. (XX Martii) Ovidius natus est; nec multo ante Propertius; Tibullus autem iam ante 705 natus erat;

quanquam alii eius natales ad a. 690. Propertii autem ad a. 697 referre volunt.

V. C. 712.

M. Aemilius Lepidus II. L. Munatius Plancus. a. C. 42. Virgilii $\frac{2}{2} \frac{8}{9}$.

Triumviri Caesari diuinos honores decernunt. Kal. Ianuariis in eius acta iurant. Sacellum ei tanquam heroi in foro faciunt, & quae id genus plura apud Dionem XLVII, 18, 19 memorantur. A quo inde tempore *Diui filius* Octavianus dici coepit, de quo nomine satis copiose agit Heinf. ad Aen. VI, 793. Anno fere exeunte pugnatur ad Philippos in ea Macedoniae parte sitos, quae olim ad Thraciam pertinebat. Brutus & Cassius se sua manu interficiunt. M. Antonius ad res Asiae constituendas discedit. Octavianus in Italiam redit, ad agros & praemia inter veteranos distribuenda.

Ad Caesaris consecrationem nobiles illi versus spectant Aen. I, 290-294. *Nascetur pulchra Troianus origine Caesar &c. & VI, 790.*

*hic Caesar, & omnis Iuli Progenies magnum
caeli ventura sub axem.*

De eadem consecratione seu apotheosi quum
agere vulgo existimetur *Daphnis*, Ecloga V.
Martino *Life of Virgil* p. XLVI & ad Ecl. V,
86. 20. 52. IX, 10. hoc ipso anno ea scripta
fuisse videtur; vt adeo Octauiano Caesari iam
tum commendatus esse videri debeat; id quod
hoc ipso carmine factum coniicit Martinus ib.
p. LI. Si mihi haec coniectura de anno, quo
scripta sit Ecloga V. firmanda esset, aliud ali-
quanto firmitus argumentum afferre possem. In
IX Ecl. v. 19, 20. *Quis caneret nymphas?*
quis humum florentibus herbis Spargeret? aut
viridi fontes induceret umbra? haud dubie ad
Ecl. V, 20, 40 respicitur; eam itaque nona,
quam a. 713 scriptam esse liquido constat, prio-
rem esse, necesse est.

De pugna ad Philippos v. Ge. I, 489 sqq.

V. C. 713.

P. Seruilius Vatia Isauricus II. L. Antonius.

a. C. 41. Virgilii $\frac{2}{3}$ 2.

Octavianus Caesar Romam reuersus dum

veteranis praemia perfoluere eosque in agro-
 municipales Italiae a Triumviris promissos de-
 ducere instituit, ingentes per Italiam turbas,
 partim eorum, qui possessionibus suis eiicie-
 bantur, indignatione, partim militum effreni
 cupiditate & audacia, de qua v. Appian. p.
 1082 sqq. Dionem Cass. XLVII. 17. excitari
 videt. Qua de re v. Argumentum Ecl. I. La-
 tissime autem calamitas illa & ad quampluri-
 mos pertinere debuit, maximaeque fortunarum
 conuerfiones videntur esse insequutae, unde
 & Antonius apud Appianum p. 1075 dicere
 potuit, Octavianum in Italiam isse, si res di-
 cenda sit, tamquam omnem Italiam fedibus
 suis emoturum, ἀνασῆσαν τὴν Ἰταλίαν. Vix
 enim est ex ea aetate poeta, aut scriptor, qui
 non communi clade afflictum se memoret. Hinc
 Tibulli *felix quondam, nunc pauper ager*, I,
 1, 19 - 23. cf. IV, 1, 183 - 190. Propertius
 de se IV, 1, 129. *Nam tua quum multi versa-*
rent rura iuueni, Abstulit excultas pertica tris-
tis opes. Valerius Cato in Diris v. 45. *Pertica,*

quae nostros metata est impia agellos. Dum Fulvia, M. Antonii vxor, coloniarum deductionem in viri aduentum differendam esse contendit, L. Antonius, Marci frater, Consul, nouas & ipse res molitur, & partim iis, qui praediis & agris suis exciderant, opem suam pollicendo, partim Caesarem ad veteranos criminando, magnum exercitum comparat, bellumque in Caesarem mouet.

In illa agraria largitione (non enim ad aliam trahi posse, quamquam res probatione vix eget, Ruaeus probauit ad Virgilii Vitam 713) etiam Virgilius agros suos paternos amisit. Et si enim Mantuani nihil in Triumuiros commiserant, magna tamen agrorum suorum parte multati sunt, quoniam, vt aiunt, Cremonensium, qui Bruti & Cassii partes sequuti erant, agri proscripti veteranorum cohortibus, quae eo deductae erant, non sufficiebant. Iam Virgilium Romam profectum Octauiani liberalitate agros suos recepisse, quum autem Mantuam rediisset, nouam veteranorum iniuriam expertum esse,

ex Ecloga I & IX satis apparet. Confirmat Martialis VIII, 56. *Iugera perdiderat* (Virgilius) *miserac vicina Cremonae, Flebat & abductas Tityrus aeger oves. Risit Tuscus eques &c.* Videamus nunc ea, quae a Grammaticis, pleraque fide incerta, traduntur.

Si Seruianus laciniis ad Ecl. IX, 7 fides habenda, in his Italiae partibus *Octavius Musa*, limitator ab Augusto datus — quindecim millia passuum agri Mantuani militibus assignarat, quum Cremonensis non sufficeret; offensus a Mantuanis, quod pecora eius in agro publico aliquando clausissent. Alphenum tamen Varum metatorem edit alia in iisdem alterius, ut videtur, Grammatici lacinia ad v. 10. Quod alii dicunt Virgilium ostendere voluisse, quod Mantuanis per iniquitatem Alpheni Vari, qui agros diuisit, praeter palustria nihil relictum sit; sicut ex oratione Cornelii in Alphenum ostenditur. „Quum iussus tria millia passuum a muro „in diuersa relinquere, ut octingentos passus „aquae, qua circumdata est, admetireris, re-

„liquisti.„ Praeclarus locus, modo non esset mutilus. Asinium Pollionem in his terris cum imperio esse supra vidimus. Et sane hunc distribuendis agris praefuisse, alia Seruianae compilationis loca affirmant: ad Ecl. II, 1: *Pollio, qui eo tempore Transpadanam Italiae partem tenebat & agris praeeerat diuidendis.* Et Donatus in Vita Virgilii § 10: *Hic Pollio Transpadanam prouinciam regebat, cuius favore, quum veteranis — agri distribuerentur, suos Virgilius non amisit. Facta enim distributione, suos seu Claudio seu Arrio datos recuperavit.* Non facile itaque assequaris, quemadmodum idem negotium ad Alphenum Varum referri aliis in locis possit. Sed forte ea loca rem expedient, in quibus Alphenus Varus Pollioni fugato successisse traditur. Seru. ad Ecl. IX, 29. *Sane blanditur Alpheni Varo, qui, Pollione fugato, legatus Transpadanis praepositus est ab Augusto & ad Ecl. VI, 6. Alii fuso fugatoque Asinio Pollione, ab Augusto Alphenum Varum legatum substitutum, qui Transpadanae*

provinciae & agris diuidendis praeesset, qui curauit, ne ager, qui Virgilio restitutus fuerat, a veteranis auferretur. Habere nos putabo aliquid, quod sequi possimus, modo Pollio- nem eo anno fugatum esse probabile fieri poterit. Erat is M. Antonii amicus; & statim a triumuiratus inde pactione V. C. 711. Gal- liae Cisalpinae ab Antonio praefectus fuerat. (cf. Martin. p. XLIII.) hoc anno, 713 Osta- uiani copias ab Alpium transitu prohibuisse memoratur, v. Appian. p. 1088 & in bello Perusiano eius fit inter duces Antonianos men- tio, qui Saluidienum e Galliis Octauiano co- pias adducentem persequabantur, & L. Anto- nio suppetias ferre cunctabantur ibid. p. 1097 sqq. Quum L. Antonius anno sequenti se de- didisset, cum iis, quas habebat, copiis Pol- lio profectus est, vt Antonio in Italiam veni- enti occurreret; in itinere Domitium cum copiis sibi adiunxit. v. Appian. p. 1113, 1114. Vellei. II, 76. Nam Pollio Asinius cum sep- tem legionibus diu retenta in potestate Antonii

Venetia, magnis speciosisque rebus circa Altinum aliasque eius regionis urbes editis Antonium petens, vagum adhuc Domitium — iunxit Antonio. Potuit itaque inter has rerum vicissitudines fieri, ut Pollio ex agris Transpadanis expelleretur.

Haberet hoc aliquam veri speciem; sed tum in Alphenio Varo nouae difficultates oriuntur, quem nobilem Ictum male nobis Grammatici in haec tempora intrudere videntur. v. argum. Ecl. VI. si tamen satis se vel de quocunque alio Varo ea narratio probauerit, tum alius ex Seruiano centone locus non tam falsi conuincitur, quam innuere videtur, plures in iis regionibus Triumvirorum negotia curasse: ad Ecl. VI, 64. *Gallus — qui & a Triumviris praepositus fuit ad exigendas pecunias ab his municipiis, quorum agri in Transpadana regione non diuidebantur. Ceterum vides, hic omnem illam licentiam iam tum viguisse, quam nos superiori bello nouo aliquo militum acumine ad despoliandos homines increbuisse putabamus.*

Virgilium Romam discedentem, nam ipsum Romam abiisse, ex iis, quae Tityrus de se narrat Ecl. I, 20 sqq. contendunt, ut agros recuperaret, Octauiano Caesari commendatum esse, omnes fere tradunt; sed alii ab Asinio Pollione, v. Seru. ad Ecl. IX, II. Donat. Vit. § 10. alii ab Alpheno Varo, alii a Gallo, ut modo vidimus, cf. Donat. § 8, 22. alii cum Martiale VIII, 56. nisi is crassius loquutus esse videri potest, a Maecenate id factum esse memorant. Scilicet, ut iam Ruaeo visum est, quum Pollioni primum poeta innotuisset, ab hoc Maecenati commendari, huiusque studio in Octauiani amicitiam venire potuit. Sed satis est, si teneas, poetam his viris omnibus mature gratum & carum fuisse.

Recuperato agro, Eclogam loco non tempore primam, si supra memorata recte se habent, scriptam esse, dubitari nequit. Obtinet tamen vulgaris opinio, anno hoc 713. aetatis 29. eum bucolica scribere aggressum esse. Quod quidem consilium poetam Pollionis maxime.

auctoritate & hortatu suscepisse, inter Grammaticos fama tenet. v. Donat. Vit. § 10. Iidem ex loco primo, quem Ecloga Tityrus tenet, omnium etiam tempore primam scriptam, & calamitate amissi agri adductum Virgilium primum poeticen aggressum (v. Phocas v. 67 sqq. Donatus § 22 &c.) esse putabant; scilicet ut ne vnus aliquis poeta esset, quem non fames & miseria ad versus scribendos impulisset.

Quum Virgilius Mantuam redux agros suos a veteranis, qui eos occupant, vindicaret, nouam iniuriam accepit, ut adeo fuga vitae consulere necesse haberet. Patet id ex Ecl. IX, quam tum Romam, ut aiunt, regressus, ut denuo Octauiani opem imploraret, Varo obtulisse videri potest; quanquam in ipso carmine nihil ea de re praeter honorificam Vari mentionem v. 27, 35 occurrit. v. Argum. Ecl. IX. Non male hoc Ruaeus ipsa carminis forma, quae subitariam operam satis prodit, confirmari putat. Menalcan in eo carmine

Virgilium intelligendum esse, iam Quintilianus monuit Inst. VIII, 6, 47. Veteranus, cuius audaciae & furori Virgilius vix fuga se subducere potuit, ab aliis Arrius centurio, ab aliis Clodius, a Probo Milenus seu Milienus. Toro primipilaris fuisse traditur. Sed de his Donatus § 8.

Iniuriam hanc poetam non nisi Asinio Pollione fugato, expertum esse, narratur in Seru. ad Ecl. IX, II. *quo, Pollione, fugato, rursus de praediis suis fuerat Virgilius expulsus.*

Si quaeras, qua ratione poeta iterum in agros suos reductus fuerit, Seruium habes Comment. in Bucol. pr. § 14 narrantem: *Postea ab Augusto missis triumuiris, & ipsi integer ager est redditus, & Mantuanis pro parte.* In quam sententiam idem ibid. interpretatur versus II sqq. Ecl. IX. Vix tamen illud hoc ipso anno fieri potuit, quo bellum Perusinum exarsit, quo late Italia conflagraret; itaque rebus demum pacatione Brundisina a. 714 compositis id esse factum, rectius ponit Martinus p. LI.

Mantuanis autem simul in Virgilii gratiam agrorum partem restitutam fuisse, satis probabile fit ex Ecl. IX, 7 — 10. cf. Seru. ad v. 10.

V. C. 714.

Cn. Domitius Calvinus II. C. Asinius Pollio.

Suffecti sub exitum anni: *

L. Cornelius Balbus. P. Canidius.

a. C. 40. Virgilii $\frac{3}{2}$.

Bellum Perusinum. Octavianus L. Antonium Perusiamque urbem deditione accipit. Quum, M. Antonii in Italiam aduentu, maxima omnium, ne bellum recrudesceret, sollicitudo esset, L. Cocceio, communi amico, cum utroque agente, & Maecenate & Pollio-ne adhibitis, (Appian. p. 1126. Dio XLVII, 28) pace Brundisina, amicitia inter Octavianum & Antonium iterum coaluit; ad quam tanto magis firmandam M. Antonius Octaviam, Octaviani sororem, cuius maritus nuper obierat, uxorem duxit. Mox quum Sext.

* Apud Gruter. p. C. 8. Marmor visitur, ad d. IV. Id. Octobr. Cn. Domitio & C. Asinio Coll. Inscriptum.

Pompeius, qui classibus mare tenebat, com-
 meatu urbem intercluderet, fame urgente, de
 pace cum Sexto agi coeptum est. Iam quae
 ex his huius anni actis ad Virgilium perti-
 neant, paullo curatius videamus.

Perusia capta, tota simul Gallia Cisalpina
 cum reliquis Galliis & Hispaniis in Caesaris
 ditionem venit. v. Appian. p. III4 extr. Ita-
 que tum demum Virgilio agros suos, postquam
 eos iterum amiserat, restitutos esse, credere
 licet. Testificandae suae laetitiae grataeque
 voluntatis causa in Vari honorem, cuius opera
 secundum Ecl. IX, 27 sqq. ea res perfecta fu-
 erat, *Eclogam sextam* tum scriptam esse, opi-
 natur Martinus *Life of Virgil* p. LVI & p. 149.
 Fuisse, qui sextam omnium primo loco scrip-
 tam esse dicerent, Donatus in Vita § 24 nar-
 rat; sed eos mala primi versus: *Prima Syra-
 cossio dignata est ludere versu* — acceptione in-
 ductos fuisse vix dubites. Aliam rationem,
 quare ante Tityrum Silenus scriptus esse de-
 buerit, Catroeus ex eo petebat, quoniam se-

cundum Donatum & Seruium a Cytheride in scena Cicerone adhuc audiente ea recitata fuerit. Sic eam ante a. 711 quo Cicero ex proscriptione interfectus est, editam fuisse, necesse esset. At de Cicerone illam Eclogam recitari audiente explosa iam dudum est fabula.

Ad firmandam pacem Brundisii inter Caesarem & M. Antonium factam Octauiam Antonio in matrimonium datam esse diximus. v. Dio XLVIII, 31. Appian. p. 1126 sqq. Erat autem Octauia e priore marito, C. Claudio Marcello, grauida, vt Dio l. l. memorat. Cuius laudatissimae feminae, (de qua v. Baylium, nec non Froelichium in Mantissa Numism. rar. in Gorii Symbolis litt. T. VII, p. 123 vbi Tiberii Caesaris numus cum Octaviae & Augusti ore exhibetur) consilio & prudentia quum omnes boni pacem & concordiam tandem stabilitam & firmissimo vinculo coagmentatam crederent, quumque eius cum Antonio coniugium magna populi laetitia & acclamatione

exceptum esset, videtur sane *Eclogae IV* argumentum & scriptio ad h. a. referenda esse, ut infans ille nasciturus, cuius in eo carmine tam praeclara fata ominatur poeta, nullus alius sit, quam is, quem Octavia tum vtero gerebat. Quamvis autem difficile sit dicere, quomodo de Marcelli posthumo, siue is ex Caetoei, Martini & Spencii opinione Polymet. p. 189. 86. idem ille M. Marcellus, qui immatura morte V. C. 731 obiit, (ad quem annum vide) siue alius minor natus fuit, tot & tanta ad summam rerum spectantia augurari tum aliquis potuerit; quum tamen infans ille ex Octavianae sorore natus & ab Antonio aliquando adoptatus, de quo forte iam tum convenerat, ad summas opes peruenturus esse videretur, potuit poeta laetitiae publicae impetum sequi, & rem sententiis exornare & amplificare, quas poetica ratio suppeditabat, in primis, quum Sibyllinum oraculum, quod sequeretur, haberet, & Sileno, quae dicebat, tribueret. Hoc certe anno, pace iam confecta,

Eclogam hanc scriptam esse, dubitari nequit; quum Pollioni Consuli inscripta sit v. 3. 11. 12. orbe iam pacato v. 17. Cf. Argum. illius Eclogae vbi & illud notatum, male multos arbitrari, Pollioni filium natum eo carmine poetam gratulari. Secundum hos Hieronymus Chron. Euseb. MMXXX dixit: *C. Asinius Gallus, Orator, Asinii Pollionis filius*, cuius etiam Virgilius meminit, *diris a Tiberio suppliciis enecatur.*

Non modo Brundisiam, verum etiam Puteolanam pacem iam tum confectam fuisse, quum ea Ecloga scriberetur, Ruaeus cum aliis memorat, ut vere totus orbis pacatus videri posset. Enimuero non nisi ineunte anno sequenti, quum adeo Pollio iamdudum Consulatu abierat, illa pax est composita, quum Caesar & Antonius Pompeium apud Misenum conuenissent, v. Dio XLVIII, 31 extr. 36. Nam Appianus temporum ordinem non satis accurate sequitur, quum etiam post ista p. 1135 extr. ea commemoret, quae anno superiore peracta fuerant.

Antequam Antonius aduersus Parthos proficiscebatur, exercitus in hiberna deducendī partem aduersus Parthinos, populum Illyricum, qui loca circa Epidamnum infidebat, & Bruti causſae eximie fauerat, mittit. v. Appian: p. 1135. Praefecerat iis copiis Pollionem, qui rem in iis terris egregie gessit, & anno sequente triumphum de Parthinis egit. v. Dio XLVIII, 41. & ibi notam Fabric.

Quo in itinere aduersus Parthinos quum Pollio esset, Pharmaceutria, quae est Ecloga VIII. ei a Virgilio missa fuisse videtur. Namque v. 6. *Tu mihi seu magni superas iam saxa Timauī, Siue oram Illyrici legis aequoris.* cf. ibi notas. Ruaeus in reditu Pollionis scriptum carmen esse putabat, id quod verborum & sententiarum ordini repugnat. Qui enim a Timauo ad Illyricum procedit, is profectiōnem in Illyricum facere debet, non in Italiam redire. Pollionis etiam iussu Eclogam perscriptam esse, v. 11. 12 apparet: *iussis carmina coepta tuis.*

V. C. 715.

*L. Marcius Censorinus. C. Calvisius Sabinus**a. C. 39. Virgilii $\frac{3}{2}$.*

A. d. VIII. K3l. Nouembr. C. Asinius Pollio ex Parthinis triumphat. Fasti Capitol. Chronic. Euseb. &c. Est is *triumphus Dalmaticus*. cf. Flor. IV, 12. II. Horat. Carm. II, 1, 15. 16. De captis a Pollione Salonis, Dalmatiae vrbe v. Porphy. ad e. l. & Serv. ad Ecl. III, 88. IV, 1. VIII, 12. cf. Pighii Annal. h. a. De filio Pollionis, Salonino, seu Salonico, qui tamen nullus fuit, sed nepos, eo nomine, v. Ruaeus ad Ecl. IV. pr.

Dum Pollio in apparatu triumphi quum maximè esset, tertiam Eclogam a Virgilio factam ex v. 84 sqq. *Pollio amat nostram* &c. ingeniose colligit Ruaeus, vt de victimis triumphalibus in iis versibus agatur. Sed vide supra ad V. C. 711.

Hoc anno Horatium Maecenati a Virgilio & Vario commendatum esse, Sanadonius de coniectura ponit, ex Horat. Sat. I, 6, 55. quod

forte maturius factum, si Wesselingii sententia Obss. II, 15 vera est, vere huius anni, quum Antonius Athenis Brundisium appulisset, ut condicta die cum Caesare colloquium haberet, ab Agrippa & Maecenate, qui eo accurrebant, Horatium, Virgilium, Plotium ac Varium adductum fuisse. Qua de re v. Horat. Sat. I, 5. *Egressum magna &c.* in primis v. 40. Alii ad colloquii Tarenti habiti tempus a. 717. referunt. v. Masson. vita Horatii ad 716. quod & ipsum verno tempore incidit. v. Appian. p. 1149. ut adeo Wesselingio cur adstipuler, nondum habeam.

V. C. 716.

App. Claudius Pulcher. C. Norbanus Flavius. a. C. 38. Virgilii $\frac{3}{2}$.

Bucolicis hoc anno finem impositum & Eclogam adeo X conscriptam esse, Ruæus cum aliis existimat; ea scilicet causa inductus, quod Grammatici intra triennium bucolica absoluta fuisse memorant v. Donat. Vita § 10. Phocas v. 95. Sed hominum illorum vanitas quum re-

rum argumentis tum iis ipsis, quae aliis locis repugnantia tradunt, facile arguitur. Nihil itaque commento illi iam Martinus tribuit in *Life of Virgil* p. LXIV. g)

At idem vir doctissimus p. LXIII ad hunc annum, *Meliboëum VII Eclogam*, cuius aliqui incertum plane tempus est, refert, hoc vno argumento usus, ne is annus prorsus aliquo Virgiliani ingenii monumento vacet.

V. C. 717.

M. Vipsanius Agrippa. L. Caninius Gallus.

a. C. 37. *Virgilii* $\frac{3}{4}$.

Ad hunc annum *Eclogam* decimam referendam esse censet Martinus, hac de causa, quoniam in eo carmine Gallo inscripto v. 23 & 47 *Lycoris* in *Gallias* abiisse & alium amatorem, qui in aliquo exercitu ad *Rhenum* militabat, sequuta esse memoratur. — *Tua cura, Lycoris, Perque nives alium perque horrida castra sequuta est* — *Tu procul a patria, nec sis mihi credere! tantum Alpinas, ah dura! nives & frigora Rheni Me sine sola vides.* A Iulio

inde Caesare M. Agrippa primus fuit e Romanis, qui Rhenum traiecit; idque initio huius anni factum, quo Agrippa Cos. erat. v. Dio XLVIII, 49. Mox enim, hoc ipso anno, a Caesare in Italiam euocatus Agrippa, clasique aduersus Sext. Pompeium fabricandae exercendaeque praefectus fuit. Possit quidem aliquis haec alio Dionis loco labefactari putare, ubi anno 715 ineunte Octavianus Caesar in Gallias, ut excitatos in iis motus sedaret, profectus esse dicatur, lib. XLVIII, 20. cf. c. 28 pr. Appian. p. 1135. Sed primum an exercitum secum duxerit, non memoratum inuenias, tum nec Rhenum transiisse aut ad Rhenum quicquam rerum eum gessisse doceas. Quicquid sit, probabilior haec est sententia, quam illa Scaligeri, ad Hieronym. n. 1960. qui ante caedem Caesaris Eclogam decimam publice editam esse debere putat, dum illam opinionem amplectitur, quintam in Caesaris necem esse scriptam, intra triennium autem bucolica fuisse absoluta. Iam itaque si, quantum siue

ex temporum notatione definire, siue coniectura assequi possis, ordinem Eclogarum ac tempus constituere velis, ante eam, quae nunc primo loco posita est, *secundam, tertiam & quintam* scriptam esse probabile fit. Tum *prima & nona* anno 713. Collocat post hanc *sextam* coniectura Martini. Tum anno 714 *quartam, 715 octauam*, vulgatam fuisse in confesso est; intra idem forte tempus *nona*, & 717 *decima* ultimo loco scripta fuit; vt adeo ad temporis rationem ordo hic constitui forte possit

I Ecloga II.	6 Ecloga VI.
2 — III.	7 — IV. 714.
3 — V.	8 — VIII. 715.
4 — I. 713.	9 — VII.
5 — IX. eod.	10 — X. 717.

Laudata & commendata sunt Virgilii bucolica iam ab iis ipsis poetis, qui eadem aetate viuebant. Propertius ad eorum argumenta alludit El. II, 34, 67 sqq: vbi: *Vtque decem possint corrumpere mala puellam, Missus & impressis haedus ab uberibus. Felix, qui viles*

Pomis mercaris amores! Huic licet ingratae Tityrus ipse canat h. huic puellae, licet ea ingrata sit, quum tamen amores eius tam paruo emantur, ipse Tityrus canat, qui Galateam amabat, nullo ad peculium fructu, vt Ecl. I, 31 sqq. *Felix intactum Corydon qui tentat Alexin Agricolae domini carpere delicias. Quamuis ille suam lassus requiescat auenam* (igitur tum desierat scribere bucolica) *Laudatur facilis inter Hamadryades.* Ouidius autem Am. I, 15, 25. *Tityrum* laudat, & Trist. II, 537. *Phyllidis hic idem tenerosque Amaryllidis ignes Bucolicis iuuenis luserat ante modis.*

Hoc etiam anno Maecenatis iussu Virgilium Georgica exorsum esse, communis est opinio, quam tamen, si molestior sis, non facile nisi Grammaticorum auctoritate probes.

De tempore absoluti operis paullo certior nobis fides fit ex Georgicorum extr. vers. v. ad 724. Eo consilio poetam de re rustica carmen condidisse, vt hominum animos ad agro-

rum cultum per bella ciuilia neglectum reuocaret, docti viri coniiciunt.

Eodem anno ab Agrippa, vt recens aedificatae classes tutum receptum haberent, lacu Auerno & Lucrino cum mari commisso, portus Iulius factus est, de quo v. in primis apud Dionem XLVIII, 50. 51. Huius operis Virgilius meminit Ge. II, 161 — 164 *An memorem portus Lucrinaque addita claustra &c.*

Antonius cum classe ex Athenis Tarentum appulit. Tandem Octauia arbitra, Octavius vt eum conueniret, adducitur. Noua inter eos pactio fit. v. Dio XLVIII. extr. Appian. p. 1149 sqq. Eodem Maecenas properans Horatium, Virgilium, Plotium ac Varium secum adduxerat. vide supra ad a. 715.

V. C. 718.

L. Gellius Poplicola. M. Cocceius Nerva.

a. C. 36. Virgilii 34.

Octavianus Caesar, Sext. Pompeio pugna nauali inter Mylas & Naulochum, ad Siciliae littus, victo & Lepido in deditionem recepto,

Romam reuerfus immodicis honoribus affectus est. Anno suo XXVIII. inquit Appian. p. II78, oppidatim inter deos tutelares coli coepit. Haec prima diuini honoris in eum colati mentio v. Noris. Cenotaph. Pisan. p. 51 sqq. Quod itaque iam ante hoc tempus a Virgilio *Deus* appellatur, Ecl. I, id sine dubio eo pertinet, quod *Dium Iulium* patrem habebat. *Diui genus* Aen. VI, 739. cf. sup. ad 712. Summi tamen illi & exquisiti honores annis demum 724 & 725 fuere decreti v. Dio LI, 19. 20.

V. C. 720.

L. Scribonius Libo. M. Antonius.

a. C. 34. *Virgilii* $\frac{3}{2}$.

M. Baius poeta, quem Virgilius Bucolicis notat, in Cappadocia moritur. Hieronym. Chron. Euseb. Olymp. 186, 3.

V. C. 722.

Cn. Domitius Ahenobarbus. C. Sossus.

a. C. 32. *Virgilii* $\frac{3}{2}$.

Inimicitiae inter Caesarem & M. Antonium ad bellum spectant. Magni vtriusque apparatus;

de quibus versus Ge. I, 509 sqq. agere videntur: *Hinc mouet Euphrates, illinc Germania bellum; Vicinae ruptis inter se legibus urbes Arma ferunt, saeuit toto Mars impius orbe.*

V. C. 723.

Caesar Octavianus III. M. Valerius Messala. a. C. 31. Virgilii $\frac{3}{4}$.

Pugna apud Actium, Epiri promontorium, a. d. IV. Non. Septembr. cuius magnifica illa est in scuto Aeneae descriptio Aen. VIII, 671 sqq. M. Antonius victus in Aegyptum fugit.

Virgilium sequi voluisse Augustum contra Antonium ad Actiaca bella properantem, ait aliquis in Seruianis ad Ecl. III, 74. scilicet, quemadmodum Horatius Maecenati comes esse volebat Epod. I.

V. C. 724.

Caesar Octavianus V. M. Licinius Crassus. a. C. 30. Virgilii $\frac{4}{5}$.

Caesar post Actiacam pugnam quum Samum insulam in hiberna se recepisset, turbatus nuntiis de seditione militum, quos confecta victo-

etia Brundisium praemiserat, media hyeme repetit Italiam, tempestate in traiectu bis conflictatus. Nec amplius quam XXVII dies Brundisii commoratus in Asiam reuertitur. Inde spretis Antonii & Cleopatrae legationibus, Aegyptum petit, obfessaque Alexandria, quo Antonius & Cleopatra confugerant, breui positus est.

Itaque narratio illa Donati Vita Virgilii § II de praelectis Caesari Atellae decumbenti Georgicis nullam fidem habet.

Aegypto in prouinciae formam redactae Cornelium Gallum, equitem R. Praefectum dedit; de quo v. ad Ecl. X & VI, 64. 72. Fontanini hist. litt. Aquilei. p. 14. 15. Fuerat huius Galli insignis opera in Aegypto recipienda vid. Dio LI, 9. Plutarch. Anton. p. 952.

Caesar, rebus Aegypti constitutis *per Syriam in Asiam prouinciam profectus hiberna ibi egit, simulque & subditorum omnia negotia & Parthica composuit.* Ita Dio LI, 8. Tiridates regno a Phraate pulsus in Syriam confugerat.

&, vt Caesar se Romanis copiis restitueret, supplicabat, quum interea legati a Phraate missi & Tiridatem sibi reddi postularent & amicitiam cum Caesare iungerent, Caesar vtrique comiter respondit, & Phraatis filium, siue a Phraate siue a Tiridate acceptum, Romam secum abduxit & pro obside habuit, v. Dio l. l.

Iam hoc anno vltimam Georgicis manum adhibitam esse, vulgaris est opinio, inque eam sententiam versus libri IV extr. interpretantur, nec tamen sic, vt omnia satis expediant; *Caesar dum magnus ad altum Fulminat Euphratem bello, victorque volentes Per populos dat iura viamque affectat Olympo.* Verum quidem est, esse eum poetarum seculi Augustei perpetuum morem, vt, quamquam nihil Augustus, quod admodum memorabile esset, aduersus Parthos gesserit, magnifice tamen de rebus eius Parthicis loquantur. Constat porro e Dione, LI, 20. litteras de Parthicis rebus initio anni sequentis Romam allatas tantum ad publicam gratulationem momenti habuisse, vt

illustrare reliquam omnem Caesaris fortunam viderentur. Videtur tamen illud: *dum fulminat ad Euphratem*, pro re tam tenui, ae legatis auditis, nimis fastuosum esse; vt adeo, si quis cum Martino in annum 731 illos versus adeoque finem Georgicorum referat, equidem non intercedam. Nam illam narrationem, septennio Georgica absoluta a poeta fuisse, v. Donat. § II. vndecim autem annos fuisse Aeneidi impensos, vt adeo ab hac inde hieme eum ad Aeneida animum aduertisse necesse sit, inter Grammaticorum commenta referendam esse puto. Forte etiam in reliquis illis Georgicorum locis II, 170-173. III, 26-33 nonnulla sint, quae melius illius anni, quam huius, actis illustrata videas. A Tristano *Hist. generale des Empereurs* T. I. p. 137 conclusionem Georgicorum in annum expeditionis Caii Caesaris in Parthos, quae in a. 754 incidit, male referri, iam Norisius notauit. *Cenotaph. Pisan. Diss. II. p. 249.*

Virgilium Neapoli Georgicorum partem certe extremam pertexuisse, ex lib. IV extr. manifestum est, si versus illi ab eius manu sunt. Erat ea vrbs illustrium & doctorum virorum secessu illa aetate in primis celebris, ut otio ac leuioribus studiis se ibi committerent. *In otia natam Parthenopen* Ouidius appellat Met. 15, 712. v. Horat. Epod. V, 43 ibique Gefner. Statium Silu. III, 5, 85. Silium XII, 31. in primisque Strabonem V., p. 378. Cf. Camilli Peregrini Campaniam felic. Diss. II, § 21.

Etiam Aeneidis condendae paullo altius peti- tum fuisse consilium, post Spencium in Polymet. Dialog. III, p. 18 autumant viri docti, ut summum vnus imperium & gentem Iuliam fati ei imperio destinata Romanis commenderet.

V. C. 725.

Caesar Octavianus V. Sext. Apuleius

a. C. 29. *Virgilii* $\frac{4}{2} \frac{1}{2}$.

Decreto Senatus Ianus clausus est. v. Dio LI, 20 & ibi not. Quo Virgilius respexisse

creditur Aen. I, 295-300. *Aspera tum possis mitescent secula bellis* — *dirae Claudentur belli portae*: vti v. 296. *Cana Fides & Vesta, Rema cum fratre Quirinus Iura dabunt*, ad Censuram hoc anno a Caesare, assumpto M. Agrippa collega, actam. Dio LII, 42. A. d. VIII, VII. & VI. Id. Sext. tres Caesaris ex Asia & Graecia reducis triumphus habiti, unus ex Illyrico, alter ex Adriaca victoria, tertius de Cleopatra & Aegypto subacta. v. Dio LI, 21.

Ad hunc annum Caesaris de imperio deponendo habita cum Agrippa & Maecenatē consultatio pertinet. v. Dio LII. pr. Quas Virgilio ea in re partes dederint inepti Grammatici, v. in Donato § 19.

Hoc aut superiore anno Dacus trans Istrum cum Bastarnis, Moesis & aliis populis bellum adortus erat M. Crassus, de qua expeditione v. Dio LI, 22. 23 sqq. Unde versus Virgilii ductus Ge. II, 497 *aut coniurato descendens Dacus ab Istro*. A. M. Antonio ad societatem & auxilia ferenda pellecti fuerant isti po-

puli, quo factum esse videtur, ut in fines Romanos infestis mox armis incurrerent.

V. C. 726.

Caesar Octavianus VI. Agrippa II.

a. C. 28. Virgilii $\frac{4}{3}$.

Apollinis in Palatio templum cum bibliotheca Caesar perfecit & dedicavit. Ludos Aetiaeos quinquennales, propter victoriam Aetiacam iam ante decretos, cum Agrippa exhibuit. Tunc gymnici quoque ludi acti sunt. Dio LIII, I.

Hos ludos adumbravit poeta sub iis, quos Aeneam suum facit instituere Aen. III, 280. *Aetiaque Iliacis celebramus littora ludis. Exercent patrias oleo labente palaestras Nudati socii.*

V. C. 727.

Caesar Octavianus VII. M. Agrippa III.

a. C. 27. Virgilii $\frac{4}{4}$.

Caesar ex, ante diem XVI Kal. Februarii, sententia L. Munatii Planci, a senatu ceterisque civibus Augustus appellatus est, sese septi-

mum, & M. Vipfano Agrippa tertium Confu-
libus. Cenforinus c. 22. v. Dio LIII, 16 ibi-
que Fabric. Romuli nomen a nonnullis propo-
fitum, & ab ipfo Augufto magnopere efle ap-
petitum, fatis conftat. v. Dio ibid. Sueton.
Aug. 7. Itaque verfum Ge. III, 27. *viſtorisque*
arma Quirini hinc interpretandum efle existi-
mant viri docti; quod fi recte faciunt, patet
& ex hoc, Georgica ferius, quam 724 abſo-
luta, faltem edita & vulgata fuiſſe. Namque
illud nonnullorum commentum, de verſibus
ferius & ſecunda aliqua recenſione infertis,
quod forte ex Donato § 13 petitum eſt, non
admodum probamus. Nec Harduini ſomnia
nos tenebunt, quum in reliquis, tum in iis,
quae ex temporum anguſtia contra Aeneidis
a Virgilio ſuſceptum opus diſputat in *Pſeudo-*
uirgilio (inter Opera varia p. 280.) Talia re-
fellere, noſtri otii non eſt. Poſt hoc itaque
tempus etiam ille locus Aen. VI, 792 ſcriptus
eſſe debet; *Hic vir, hic eſt, tibi quem promittē*
ſaepe audis, Auguſtus Caesar, Diui genus,

Hunc porro annum assignant viri docti Sattyrae decimae libri I Horatii, in qua v. 45 *molle atque facetum Virgilio adnuerunt gaudentes rure Camoenae*. Quod iudicium quum vnice ad Bucolica & Georgica spectet, quumque ibidem: *forte epos acer*, vt nemo, *Varius ducit*, adiectum sit, nihil adhuc de Aeneide tum poetam cogitasse, nihil certe vulgasse, probabile sit.

V. C. 728.

Caesar Augustus VIII. T. Statilius Taurus II. a. C. 26. Virgilii $\frac{44}{3}$.

Cornelius Gallus primus Aegypti praefectus Augustalis, quum propter multa flagitiose acta infamia ab Augusto notatus, mox & senatus iudicio damnatus esset, dolorem non ferens, poenam morte voluntaria anteuertit. Dio LIII, 23. Eius laudes quarto Georgicorum libro Augusti iussu tum sublatas Aristaei fabulae locum fecisse, narrant Grammatici. v. Donat. § 10. Seruius ad Ecl. X, 1.

V. C. 729.

*Caesar Augustus IX. M. Iunius Silanus.**a. C. 25. Virgilii $\frac{4}{4}\frac{3}{4}$.*

Expediſio Auguſti in Cantabros. Abſentem eum a Virgilio litteris ſuis Aeneidem ſta-
gitaffe, Donatus memorat § 12.

V. C. 730.

*Caesar Augustus X. C. Norbanus Flaccus.**a. C. 24. Virgilii $\frac{4}{4}\frac{6}{7}$.*

Hieronymus Chron. Euseb. ad Olymp. 189,
I. *Quintilius Cremonensis, Virgilii & Hora-*
tii familiaris, moritur. De eius obitu con-
ſolatur Virgilium Horatius noto carmine lib. I.
Od. 24. Quis ille Quintilius fuerit, ignora-
tur: nam Grammaticorum commenta audien-
da non ſunt. cf. Maſſon. Vita Horatii ad h. a.

V. C. 731.

Caesar Augustus XI. A. Terentius Varro
Muraena ſuff. Cn. Calpurnius Piſo.

a. C. 23. Virgilii $\frac{4}{4}\frac{7}{8}$.

Augustus e graui morbo Antonii Muſae

opera conualefcens femestri fpatio interiecto M. Marcellum fororis filium, quum aedilitatem anno fuperiore fufcepiffet, & Augufto vulgo imperii heres deftinaretur, e morbo dededere videt. Grauis tunc totius populi luctus. Dio LIII, 30. Virgilius eius mortem pulcherrimis verfibus ornat Aen. VI, 861-887. De quibus verfibus lectis & lauta remuneratione honeftatis v. fupra Donat. § 12. De M. Marcello & eius numo v. Fortunati Mandelli Commentarium in *Nuova Raccolta d' Opufc. fcient. T. XII.*

Tiridates ipfe, a Phraate vero legati, controuerfiarum fuarum cauffa Romam venere. Quibus in fenatum introductis, quum Augufto cauffae cognitio decreta effet, Tiridatem Phraati nequaquam tradidit, filium tamen Phraatis, quem in poteflate fua habebat, patri remifit hac lege, ut pro eo captiuos fignaue militaria, Crassi & Antonii cladibus amiffa, reciperet. Dio LIII, 33. Res tamen non perfecta ante annum 734. Ad hoc Augufti postulatam, quo negato bel-

lum in Parthos susceptum iri suspicio esset, respexisse creditur Virgilius Aen. VII, 605. 606. *Siue Getis inferre manu lacrimabile bellum Hyrcanisue Arabisue parant seu tendere ad Indos Auroramque sequi, Parthosque reposcere signa.* Addebat Ruæus sub h. a. „Igitur annis minus quatuor sex fere ultimos operis libros poeta perfecit; nec vero tanta in iis elucet, quanta in superioribus, cura. „ Atqui poterant & hæc secundis curis operi inserta esse, si semel hoc admiseris.

V. C. 732.

M. Claudius Marcellus Aeserninus. L. Aruntius. a. C. 22. Virgilii $\frac{4}{2} \frac{8}{9}$.

Augustus in Siciliam profectus est, ut eam ac omnes alias ad Syriam usque prouincias constitueret. Dio LIV, 6. Factum id sub finem anni videtur. Videri potest de hoc itinere Noris. Cenotaph. Pisan. p. 292-294.

Aethiopes, duce regina, Candace, impressionem in Aegyptum faciunt, & Elephantinam urbem diripiunt. Reuertentes eos ad terras

suas C. Petronius, Aegypti praefectus, caedit, regiam euertit, & terram eorum praefidiis occupat. v. Dio LIV, 5. Strabo lib. XVII ubi de Aethiopibus agit. Haec Virgilius respicere videtur Aen. VI, 795 — *super & Garamantas & Indos Proferet imperium.*

V. C. 733.

M. Lollius. Q. Aemilius Lepidus.

a. C. 21. Virgilii $\frac{4}{8}$.

Augustus rebus in Sicilia ordinatis in Graeciam transmissit. Rebus in Graecia confectis in Samum nauigauit, ibique hiemauit. Dio LIV, 7.

V. C. 734.

M. Apuleius. P. Silius Nerva.

a. C. 20. Virgilii $\frac{5}{8}$.

Vere Augustus in Asiam perrexit, ibique & in Bithynia omnia constituit, Dio LIV, 7. etiam Syriam adiit. ibid. Iustin. XLII, 5. Hanc Augusti in prouinciis adeundis dignam principe tanto industriam praedicat Virgilius

Aen. VI, 802-806. *Nec vero Alcides tantum telluris obiuit* &c. cf. Sueton. c. 47.

Quum in Syriam aduenisset, Phraates, veritus, ne bello peteretur, signa Augusto cum captiuis & exercituum Rom. spoliis remisit. Qua re nihil ad Augusti gloriam illustrius unquam factum visum est. v. Dio LIV, 8. & ibi Fabric. Itaque magnopere in primis a poetis ea res extollitur & magnificis verbis ornatur, ut de profligatis Parthis, euerso eorum imperio, victo Oriente, India debellata, eos loqui videas. Ad hunc itaque annum versus poetae nostri Ge. IV, extr. II, 170 - 173. III, 26-33 non male referri, supra ad a. 724 significauimus.

Occiso Artaxia, qui aliis Artabazes siue Artauasdes, per dolum propinquorum, datus a Caesare Armeniis (maiori Armeniae) Tigranes, deductusque in regnum a Tiberio Nerone Tacit. Annal. II, 3. v. Dio LIV, 9 & ibi Fabric. Hinc Virgilii illud Ge. III, 30. *pulsumque Niphaten*; qui Armeniae mons est, male

a poetis nonnullis pro flumine habitus, quorum loca v. apud Masson. Vita Horatii p. 306 sqq.

E Syria Augustus in Samum reuersus ibidem iterum hiemauit. Frequentes hic ad eum legationes conuenerunt, & Indi pacem, quam antea per oratores petierant, tunc interposito foedere sanxerunt & dona miserunt. Dio LIV, 9. Hoc paullo fastuosius forte extulisse videri potest poeta Ge. III, 26. *In foribus pugnam ex auro solidoque elephanto Gangaridum faciam*; nisi, quod malim, de Augusto ea omnino vaticinatur, quae ab eo iamdudum expectabantur, vt Parthos & Indos imperio Romano adderet.

V. C. 735.

C. Sentius Saturninus. Q. Lucretius Vespillo. a. C. 19. Virgilii $\frac{5}{2}$.

Donatus in Vita § 13. *Anno quinquagesimo secundo, ut ultimam manum Aeneidi imponeret, statuit in Graeciam & Asiam decedere, triennioque continuo omnem operam limationi dare,*

ut reliqua vita tantum philosophiae vacaret. Sed quum ingressus iter Athenis occurrisset Augusto, ab Oriente Romam reuertenti; (quod verum est v. Dio LIV, 10.) una cum Caesare redire statuit. Ac quum Megara, vicinum Athenis oppidum, visendi gratia peteret, languorem nactus est: quem non intermissa nauigatio auxit, ita, ut grauior indies, tandem Brundisum (alii Tarentum memorant) aduentarit, ubi diebus paucis obiit, X Kal. Octobr. C. Sentio, Q. Lucretio Coss.

Annum obitus confirmat Hieronymus Chron. Euseb. ad Olymp. 190, 2. *Virgilius Brundisii moritur, Sentio Saturnino & Lucretio Cinna (hoc nullum Lucretiorum cognomen) Coss. Plin. XIV, 1. Haec (vitis per se in vino picem resiplens) Virgilii vatis aetate incognita, a cuius obitu XC aguntur anni: numero retundo; quum XCV essent. v. Baylium Dictionn. Virgile litt. H. Harduin. ad Plin. ibid. & XIV. sect. 5.*

Quum in Graeciam proficisceretur Virgilius, scriptum fuisse creditur ab Horatio Carmen III libri I. *Sic te Dina potens Cypri.*

Dum in Graecia fuit, tertio Georgicorum libro splendidum illud exordium: *Primus Idumeas referam tibi, Mantua, palmas*, additum fuisse cum Catroeo Wartonus putabat *Life of Virgil* p. 27 ex interpretatione scilicet parum subtili.

Fuerunt, qui eum in itinere Tarenti vita excessisse tradebant, quae vrbs quum ad Calabriam referatur, hinc intelligendus versus Epitaphii: *Mantua me genuit, Calabri rapuere*, h. in Calabria vitae ereptum se significat. cf. Phocas v. 105. *ut Calabros tetigit — vehemens luxauit corpora morbus.*

Ossa Virgilii Neapolin translata & ibi in via Puteolana sepulta. v. Donat. §. 14, 15. Apud Hieronymum l. l. *Ossa eius Neapolin translata in secundo ab urbe miliario sepeliuntur, titulo istiusmodi supra scripto, quem*

moriens ipse dictauerat: MANTVA ME GENVIT; quod apud Donatum § 14 legas, & in Eusebianum Chronicon haud dubie ab interpolatore venit; repetitum inde a Vincent. Bellouac. Specul. hist. VII, 60.

De testamento Virgilii v. Donatum § 15.

Eum paullo ante mortem scrinia adeoque omnia sua scripta, (vt etiam Grammaticus in Antholog. lat. II, 184, 10-14 accepit) comburere voluisse, mox, vt Aeneis saltem combureretur, tanquam imperfectum opus, testamento iubere voluisse, tandem, amicorum precibus victum, Vario ac Tuccae, de quibus v. ad Donat. § 14. scripta sua legasse, ea sub conditione ne emendarent, narrat Donatus § 14. ab iis tamen, iussu Caesaris, Aeneidem emendatam fuisse, in eadem farragine memoratur § 15. quod tamen ita intelligas, vt emendarint quidem tollendo, non autem addendo. Ita fere Hieronymus Chron. Euseb. ad Olymp. 190, 4. *Varius & Tucca, Virgilii & Horatii contubernales, poetae habentur illu-*

ſres, qui Aeneidum poſtea libros emendarunt ſub ea lege, ut nihil adderent.

Reliqui Grammatici modo hoc modo illud ſequuntur. At veteres ſcriptores, Plin. VII, 30. ſ. 31. *D. Auguſtus carmina Virgilii cremari contra teſtamenti eius verecundiam vetuit; ma-
iusque ita vati teſtimonium contigit, quam ſi ipſe ſua probaſſet.* Gell. XVII, 10 — *ſed quae procrasti-
nata ſunt ab eo, ut poſt recenſerentur, & abſolui, quoniam mors praeuerterat, ne-
quiuerunt, nequaquam poetarum elegantiffimi nomine atque iudicio digna ſunt: itaque, quum morbo oppreſſus, aduentare mortem videret, pe-
tiuit orauitque a ſuis amiciſſimis impenſe, ut Aeneida, quam nondum ſatis elimauiffet, abo-
lerent.* Macrob. Sat. I, 24. *qui enim moriens poema ſuum legauit igni, quid niſi famae ſuae vulnera poſteritati ſubſtrahenda curauit? nec immerito.* Multa in eam rem variorum Epi-
grammata v. in Catalectis Scaligeri & Burmanni Anthologia.

Ceterum Virgilio mox comitem ad Elyſios

o campos mors misit Tibullum iuuenem. v. Domitii Marfi Epigramma ad calcem Tibulli. Ovidius tum annum XXV agebat, itaque Virgilium *tantum se vidisse* testatur Trist. IV, 10, 51. Horatius annum ingressus erat XLVII.

Aeneidem quum viuo Virgilio multis hominum desideriiis expectatam, tum eo mortuo magno fauore & praedicatione acceptam fuisse, ex poetis eius temporis colligas. Ovidius Rem. 395, 396. *Tantum se nobis Elegi debere fatentur Quantum Virgilio nobile debet epos* *. Sed idem Aeneidis iam meminit Am. I, 15, 25. quod carmen ad annum 736, proximum a Virgilii morte, Massonus retulit: *Tityrus & segetes Aeneiaque arma legentur, Roma triumphati dum caput orbis erit.* Et in Arte 751 edita lib. III, 337. *Et profugum Aenean, altae primordia Romae, Quo nullum Latio clarius extat opus.* Nondum absoluta & edita erat Aeneis, quum Propertius nobiles illos ver-

* Ita leg. nam *opus nobile* esset quidem carmen epicum, non poesis epica.

sus scriberet lib. II. Eleg. extr. 61 sqq. *Qui
nunc Aeneae Troiani suscitāt arma &c.*

Virgilium paullo post, & adhuc aevo Augusteo, in scholis praelectum & enarratum fuisse, e Suetonio scimus de ill. Grammat. c. 16. Q. Caecilius Epirota Cornelii Galli familiaris — *primus dicitur latine ex tempore disputasse, primusque Virgilium & alios poetas novos praelegere coepisse.*

Caligula Virgilii memoriae admodum infestus fuit. *Sed & Virgilii & T. Liuii scripta & imagines, paullum afuit, quin ex omnibus bibliothecis amoueret, quorum alterum, ut nullius ingenii minimaeque doctrinae — carpebat* Sueton. Calig. 34. Itaque Virgilii Codices ad paruum tum numerum redactos fuisse necesse est. An forte inde in tanto nunc apographorum numero mirus ille librorum etiam vetustiorum in corruptelas consensus repetendus est? vt, quum post haec Virgiliana carmina ex paucis, nec forte emendatissimis exemplaribus describerentur, vera iam tum lectio periisset;

quo factum, vt frustra nunc a libris auxilium, vbi haereas, expectetur. Exstabat tamen Virgilii manus adhuc Plinii maioris aetate H. N. XIII, 12. extr. & Quintiliani, Inst. I, 7, 20. Virgilii idiographum librum inspectum, sed ab aliis, Gellius memorat N. A. XI, 14. cf. eundem II, 3. XIII, 19. I, 21.

Magnam copiam versuum & lusuum in Virgilium eiusque carmina quum bona tum mala, vetustiorum & seriorum poetarum, v. post Pithoeum & Ios. Scaligerum in Catalectis apud Burmann. V. Cl. in Antholog. Lat. lib. II. ep. 173 sqq.






P. VIRGILII M.
B V C O L I C O N
L I B E R

TITYRVS. ECLOGA I.

Argumentum.

Meliboeus, agris suis exutus, dum patria extorris capellarum gregem ante se agit, in Tityrum incidit, quem quum in communi calamitate summa securitate & otio frui videret, miratus hominis sortem, cui acceptam eam ferat, rogat. Narrat Tityrus, quomodo & a quo agros suos gregesque saluos recuperauerit. Interea alter de malis ac molestiis migrationis suae conqueritur. Sub Tityri persona suam fortunam Virgilius adumbravit, quum facta illa agrorum inter veteranos distributione, & ipse suo agello spoliatus, tandem quod amiserat, per Maecenatem in Caesaris Octauiani gratiam inductus recuperavit. Meliboeus Mantuanos repraesentat, eorumque sortem describit. Vide Vitam Virgilii pag. 61 & seq.



MELIBOEVUS. TITYRVS.

MELIBOEVUS.

Tityre, tu patulae recubans sub tegmine fagi
Siluestrem tenui Musam meditaris auena :

Nos patriae fines, & dulcia linquimus arua ;
Nos patriam fugimus : tu, Tityre, lentus in vmbra
Formosam resonare doces Amaryllida siluas. §

TITYRVS.

O Meliboe, Deus nobis haec otia fecit.

Namque erit ille mihi semper deus : illius aram
Saepe tener nostris ab ouilibus imbuet agnus.
Ille meas errare boues, vt cernis, & ipsum
Ludere, quae vellem, calamo permisit agresti. 10

MELIBOEVUS.

Non equidem inuideo : miror magis. vndique totis
Vsq; adeo turbatur agris. en, ipse capellas
Protenus aeger ago : hanc etiam vix, Tityre, duco.
Hic inter densas corulos modo namque gemellos,
Spem gregis, ah ! silice in nuda connixa reliquit. 15
Saepe malum hoc nobis, si mens non laeua fuisset,
De caelo tactas memini praedicere quercus :
(Saepe sinistra caua praedixit ab ilice cornix.)
Sed tamen, iste deus qui sit, da, Tityre, nobis.)

TITYRVS.

Vrbem, quam dicunt Romam, Meliboeae, putauit 20
Stultus ego huic nostrae similem, quo saepe solemus
Pastores ouium teneros depellere foetus.
Sic canibus catulos similis, sic matribus haedos
Noram: sic paruis componere magna solebam.
Verum haec tantum alias inter caput extulit vrbis, 25
Quantum lenta solent inter viburna cupressi.

MELIBOEVS.

Et quae tanta fuit Romam tibi caussa videndi?

TITYRVS.

Libertas: quae, fera, tamen respexit inertem;
Candidior postquam tondenti barba cadebat;
Respexit tamen, & longo post tempore venit, 30
Postquam nos Amaryllis habet, Galatea reliquit.
Namque (fatebor enim) dum me Galatea tenebat,
Nec spes libertatis erat, nec cura peculi:
Quamuis multa meis exiret victima saeptis,
Pinguis & ingratae premeretur caseus vrbi, 35
Non vmquam grauis aere domum mihi dextra redibat.

MELIBOEVS.

Mirabar, quid moesta deos, Amarylli, vocares:
Cui pendere sua patereris in arbore poma.

Tityrus hinc aberat. ipsae te, Tityre, pinus,
 Ipsi te fontes, ipsa haec arbuta, vocabant. 40

TITYRVS.

Quid facerem? neque seruitio me exire licebat,
 Nec tam praesentis alibi cognoscere diuos.
 Hic illum vidi iuuenem, Meliboeae, quotannis
 Bis senos cui nostra dies altaria fumant.
 Hic mihi responsum primus dedit ille petenti: 45
 Pascite, ut ante boues, pueri: submitte tauros.

MELIBOEVVS.

Fortunate senex, ergo tua rura manebunt?
 Et tibi magna satis? quamuis lapis omnia nudus,
 Limosoque palus obducatur pascua iunco:
 Non insueta grauis tentabunt pabula foetas: 50
 Nec mala vicini pecoris contagia laedent?
 Fortunate senex, hic inter flumina nota,
 Et fontes sacros, frigus captabis opacum.
 Hinc tibi, quae semper vicino ab limite sepes,
 Hyblaeis apibus florem depasta salicti, 55
 Saepe levi somnum suadebit inire susurro.
 Hinc alta sub rupe canet frondator ad auras.
 Nec tamen interea raucae, tua cura, palumbes,
 Nec gemere aerea cessabit turtur ab ulmo.

TITYRVS.

Ante leues ergo pascentur in aethere cerui, 60
Et freta destituent nudos in littore pisces :
Ante, pererratis amborum finibus, exul,
Aut Ararim Parthus bibet, aut Germania Tigrim,
Quam nostro illius labatur pectore vultus.


MELIBOEVS.

At nos hinc alii sitientes ibimus Afros : 65
Pars Scythiam, & rapidum Cretae veniemus Oaxem,
Et penitus toto diuisos orbe Britannos.
En, umquam patrios longo post tempore fines,
Pauperis & tuguri congestum cespite culmen,
Post aliquot, mea regna videns, mirabor aristas ? 70
Impius haec tam culta noualia miles habebit ?
Barbarus has segetes ? En, quo discordia ciues
Produxit miseros ! en queis conseruimus agros !
Inferre nunc, Meliboe, piros, pone ordine vites.
Ite meae, felix quondam pecus, ite capellae. 75
Non ego vos posthac, viridi proiectus in antro,
Dumosa pendere procul de rupe videbo :
Carmina nulla canam : non, me pascente, capellae,
Florentem cytisum, & salices carpētis amaras.

TITYRVS.

Hic tamen hanc mecum poteras requiescere
noctem 80

Fronde super viridi: sunt nobis mitia poma,
Castaneae molles, & pressi copia lactis.
Et iam summa procul villarum culmina fumant,
Maioresque cadunt altis de montibus umbrae.



ALEXIS. ECLOGA II.

Argumentum.

Corydon pastor, Alexidis pueri, qui a communi
vtriusque domino amabatur, infano amore quum
fureret, miserum sui animi affectum hoc carmine
exponit. Alii Alexin Pollionis, alii Maecenatis
puerum fuisse autumant; quem Virgilius infano
amore deperierat. Quae ita secusne se habeant, scire
vtique nihil refert. Qui tamen castos Virgilii mo-
res depraedicare malunt, mea pace dicant, Virgi-
lium aut in gratiam alicuius amici, aut ingenii
caussa, forte vt Theocritum imitatione exprimeret,
hanc eclogam scripssisse. De tempore huius eclogae .
v. Vit. Virgilii pag. 66 & 80.



Formosum pastor Corydon ardebat Alexim,
 Delicias domini: nec, quid speraret, habebat.
 Tantum inter densas, vmbrosa cacumina, fagos
 Assidue veniebat. Ibi haec incondita solus
 Montibus & siluis studio iactabat inani: 5

O crudelis Alexi, nihil mea carmina curas?
 Nil nostri miserere? mori me denique coges.
 Nunc etiam pecudes vmbrae & frigora captant:
 Nunc virides etiam occultant spineta lacertos:
 Thestylis & rapido fessis messoribus aestu 10
 Allia Serpyllumque herbas contundit olentes.
 At mecum raucis, tua dum vestigia lustro,
 Sole sub ardenti resonant arbuta cicadis.
 Nonne fuit fatius, tristes Amaryllidis iras,
 Atque superba pati fastidia? nonne Menalcan? 15
 Quamuis ille niger, quamuis tu candidus esses.
 O formose puer, nimium ne crede colori.
 Alba ligustra cadunt, vaccinia nigra leguntur.

Despectus tibi sum, nec qui sim quaeris, Alexi:
 Quam diues pecoris niuei, quam lactis abun-
 dans. 20

Mille meae Siculis errant in montibus agnae.

Lac mihi non aestate, nouum non frigore deficit.

Canto, quae solitus, si quando armenta vocabat,

Amphion Dircaeus in Aëtaeo Aracyntho.

Nec sum adeo informis: nuper me in littore vidi, 25

Quum placidum ventis staret mare. Non ego Daphnim

Iudice te metuam, si nunquam fallat imago.

O tantum libeat mecum tibi sordida rura,

Atque humiles habitare casae, & figere ceruos,

Haedorumque gregem viridi compellere hibisco! 30

Mecum vna in siluis imitabere Pana canendo.

Pan primus calamos cera coniungere plures

Instituit: Pan curat oves, ouiumque magistros.

Nec te poeniteat calamo triuisse labellum.

Haec eadem ut sciret, quid non faciebat Amyntas? 35

Est mihi disparibus septem compacta cicutis

Fistula, Damoetas dono mihi quam dedit olim:

Et dixit moriens: Te nunc habet ista secundum.

Dixit Damoetas: inuidit stultus Amyntas.

Praeterea duo, nec tuta mihi valle reperti, 40

Capreoli, sparsis etiam nunc pellibus albo,

Bina die siccant ovis vbera: quos tibi seruo.

Iam pridem a me illos abducere Thestylis orat:

Et faciet: quoniam fordent tibi munera nostra,

Huc ades, o formose puer: tibi lilia plenis 45
Ecce ferunt Nymphae calathis: tibi candida Nais,
Pallentes violas & summa papauera carpens,
Narcissum & florem iungit bene olentis anethi.
Tum, casia, atque aliis intexens suauibus herbis,
Mollia luteola pingit vaccinia caltha. 50

Ipse ego cana legam tenera lanugine mala,
Castaneasque nuces, mea quas Amaryllis amabat.
Addam cerea pruna: honos erit huic quoque pomo.
Et vos, o lauri, carpam, & te, proxima myrte:
Sic positae quoniam suaves miscetis odores. 55


Rusticus es, Corydon; nec munera curat Alexis:
Nec, si muneribus certes, concedat Iolas.
Heu, heu, quid volui misero mihi? Floribus Austrum
Perditus, & liquidis immisi fontibus apros.

Quem fugis, ah demens! habitarunt Dii quoque
siluas, 60

Dardaniusque Paris. Pallas, quas condidit, arces
Ipsa colat: nobis placeant ante omnia silvae.
Torua leaena lupum sequitur: lupus ipse capellam:
Florentem cytisum sequitur lasciuia capella:
Te Corydon, o Alexi. trahit sua quemque voluptas. 65
Aspice, aratra iugo referunt suspensa iuueni,
Et sol crescentes decedens duplicat umbras:
Me tamen vrit amor: quis enim modus adsit amori?

Ah Corydon, Corydon, quae te dementia cepit!
Semiputata tibi frondosa vitis in ulmo est. 70


Quin tu aliquid saltem, potius quorum indiget usus,
 Viminibus, mollique paras detexere iunco?
 Inuenies alium, si te hic fastidit, Alexin.



PALAEMON. ECLOGA III.

Argumentum.

Disceptant hoc carmine alternis versibus duo pastores, Domoetas & Menalcas; cuius carminis, *amoebatum* dicitur, ea lex est, ut is, qui respondet, iisdem versibus ac numeris aut contrarium aut maius aut pulchrius aliquod dicat, aut vlla alia ratione simile quid subiiciat; neque ex eodem omnia argumento petita, sed a variis ac diuersis plane rebus arcessita. De tempore huius carminis v. Virg. pag. 57.



MENALCAS, DAMOETAS, PALAEMON.

MENALCAS.

Dic mihi, Damoeta, cuium pecus? an Meliboei?

DAMOETAS.

Non; verum Aegonis: nuper mihi tradidit Aegon.

MENALCAS.

Infelix o semper, oues, pecus! ipse Neaeram

Dum fouet, ac, ne me sibi praeferat illa, veretur,
Hic alienus oues custos bis mulget in hora: 5
Et succus pecori, & lac subducitur agnis.

DAMOETAS.

Parcius ista viris tamen obiiicienda memento.
Nouimus & qui te, transuersa tuentibus hircis:
Et quo, sed faciles Nymphae, rifere, facello.

MENALCAS.

Tum, credo, quum me arbutum videre Myconis, 10
Atque mala vites incidere falce nouellas.

DAMOETAS.

Aut hic ad veteres fagos, quum Daphnidis arcum,
Fregisti & calamos: quae tu, peruerse Menalca,
Et quum vidisti puero donata, dolebas:
Et, si non aliqua nocuisses, mortuus esses. 15

MENALCAS.

Quid domini faciant, audent quum talia fures?
Non ego te vidi Damonis, pessime, caprum
Excipere insidiis, multum latrante Lycisca?
Et quum clamarem: quo nunc se proripit ille?
Tityre, coge pecus, tu post carecta latebas. 20

DAMOETAS.

An mihi cantando victus non redderet ille,
Quem mea carminibus meruisset fistula, caprum?
Si nescis, meus ille caper fuit: & mihi Damon
Ipse fatebatur; sed reddere posse negabat.

MENALCAS.

Cantando tu illum? aut vnquam tibi fistula cera 25
Iuncta fuit? non tu in triuiis, indocte, solebas
Stridenti miserum stipula disperdere carmen?

DAMOETAS.

Vis ergo, inter nos, quid possit vterque, vicissim
Experiamur? ego hanc vitulam (ne forte recuses,
Bis venit ad mulctram, binos alit vbera foetus) 30
Depono: tu dic, mecum quo pignore certes.

MENALCAS.

De grege non ausim quicquam deponere tecum:
Est mihi namque domi pater; est iniusta nouerca:
Bisque die numerant ambo pecus, alter & haedos.
Verum id, quod multo tute ipse fatebere maius, 35
(Insanire libet quoniam tibi) pocula ponam
Fagina, caelatum diuini opus Alcimedontis:
Lenta quibus torno facili superaddita vitis
Diffusos hedera vestit pallente corymbos.
In medio duo signa, Conon: & quis fuit alter? 40
Descripsit radio totum qui gentibus orbem:
Tempora quae messor, quae curuus arator haberet:
Necdum illis labra admouî, sed condita feruo.

DAMOETAS.

Et nobis idem Alcimedon duo pocula fecit:
Et molli circum est ansas amplexus acantho: 45
Orpheaue in medio posuit; siluasque sequentes.

Nec dum illis labra admoui, sed condita seruo.
Si ad vitulam spectas, nihil est, quod pocula laudes.

MENALCAS.

Numquam hodie effugies: veniam, quocumque
vocarís.

Audiat haec tantum, vel qui venit: ecce, Palaemon. 50
Efficiam posthac, ne quemquam voce laceffas.

DAMOETAS.

Quin age, si quid habes, in memora non erit vlla:
Nec quemquam fugio: tantum, vicine Palaemon,
Sensibus haec imis (res est non parua) reponas.

PALAEMON.

Dicite: quandequidem in molli confedimus
herba. 55

Et nunc omnis ager, nunc omnis parturit arbos:
Nunc frondent silvae: nunc formosissimus annus.
Incipe, Damoeta: tu deinde sequere, Menalca,
Alternis dicetis: amant alterna Camoenae.

DAMOETAS.

Ab Ioue principium Musae: Iouis omnia plena: 60
Ille colit terras: illi mea carmina curae.

MENALCAS.

Et me Phoebus amat: Phoebosua semper apud me
Munera sunt, lauri, & suaue rubens hyacinthus.

DAMOETAS.

Malo me Galatea petit lasciua puella:
Et fugit ad salices, & se cupit ante videri. 65

MENALCAS.

At mihi sese offert vltro, meus ignis, Amyntas:
Notior vt iam sit canibus non Delia nostris.

DAMOETAS.

Parta meae Veneri sunt munera: namque notauit
Ipse locum, aeriae quo congersere palumbes.

MENALCAS.

Quod potui, puero siluestri ex arbore lecta 70
Aurea mala decem misi: cras altera mittam.

DAMOETAS.

O quoties, & quae nobis Galatea locuta est!
Partem aliquam venti diuum referatis ad aures.

MENALCAS.

Quid prodest, quod me ipse animo non spernis,
Amynta,
Si, dum tu sectaris apros, ego retia seruo? 75

DAMOETAS.

Phyllida mitte mihi: meus est natalis, Iola:
Quum faciam vitula pro frugibus, ipse venito.

MENALCAS.

Phyllida amo ante alias: nam me discedere fleuit:
Et, longum formose vale, vale, inquit, Iola.

DAMOETAS.

Triste lupus stabulis, maturis frugibus imbres, 80
Arboribus venti, nobis Amaryllidis irae.

MENALCAS.

Dulce fatis humor, depulsis arbutus haedis,
Lenta falix foeto pecori, mihi solus Amyntas.

DAMOETAS.

Pollio amat nostram, quamvis est rustica, Musam:
Pierides, vitulam lectori pascite vestro. 85

MENALCAS.

Pollio & ipse facit noua carmina: pascite taurum,
Iam cornu petat, & pedibus qui spargat arenam.

DAMOETAS.

Qui te, Pollio, amat, veniat, quo te quoque gaudet,
Mella fluant illi, ferat & rubus asper amomum.

MENALCAS.

Qui Bauium non odit, amet tua carmina, Maeui: 90
Atque idem iungat vulpes, & mulgeat hircos.

DAMOETAS.

Qui legitis flores & humi nascentia fraga,
Frigidus, o pueri, fugite hinc, latet anguis in herba.

MENALCAS.

Parcite oues nimium procedere: non bene ripae
Creditor: ipse aries etiam nunc vellera ficcet. 95

DAMOETAS.

Tityre, pascentes a flumine reice capellas:
Ipse, vbi tempus erit, omnes in fonte lauabo.

MENALCAS.

Cogite oues, pueri: si lac praeceperit aestus,
Vt nuper, frustra pressabimus vbera palmis.

DAMOETAS.

Heu, heu, quam pingui macer est mihi taurus
in aruo! 100
Idem amor exitium pecori, pecorisque magistro.

MENALCAS.

His, certe neque amor caussa est: vix ossibus
haerent.
Nescio, quis teneros oculus mihi fascinat agnos.

DAMOETAS.


Dic, quibus in terris, & eris mihi magnus Apollo,
Tres pateat caeli spatium non amplius vlnas. 105

MENALCAS.

Dic, quibus in terris inscripti nomina regum
Nascantur flores: & Phyllida solus habeto.

PALAEMON.

Non nostrum inter vos tantas componere lites:
Et vitula tu dignus, & hic: & quisquis amores
Aut metuet dulces, aut experietur amaros. 110
Claudite iam riuos, pueri: sat prata biberunt.



POLLIO. ECLOGA IV.

Argumentum.

In hac ecloga interpretanda dici vix potest, quam inanem operam viri docti vana religione capti nauauerint. Vaticinationem Sibyllae de Christi natalibus expressam esse, quam Virgilius ingeniose ad natales nobilis pueri transfulerit, iam Lactantius, & Constantinus M. in Orat. ad Sanctorum coetum, vt Eusebius refert, demonstrare voluerunt. Alii cum maiori veri specie, Pollionis filio genethliacon Virgilium cecinisse asserunt. Longissime aberrant ii, qui hanc eclogam de M. Tullio Cicerone accipiunt, & *Tullio* pro *Pollio* legunt. Veritati propius accedunt ii, qui hanc Eclogam ad a. V. c. 714 referunt, vbi Maecenatis & Pollionis opera Brundusii pax composita fuit, cuius quasi pignus Octauia, Octauiani soror, Antonio in matrimonium tradita est, quae e priore Marito grauida erat, cuius infantis, quem tum vtero gerebat, praeclara fata ominatur poeta. Vide vit. Virg. pag. 72, 73.



Sicelides Musae, paullo maiora canamus;
 Non omnes arbuta iuuant, humilesque myricae.
 Si canimus siluas, siluae sint consule dignae.

Ultima Cumaei venit iam carminis aetas :

Magnus ab integro seclorum nascitur ordo. 5

Iam redit & Virgo: redeunt Saturnia regna:

Iam noua progenies coelo dimittitur alto.

Tu modo nascenti puero, quo ferrea primum

Desinet, ac toto surget gens aurea mundo,

Castra faue Lucina: tuus iam regnat Apollo. 10

Teque adeo decus hoc aevi, te consule, inibit

Pollio: & incipient magni procedere menses.

Te duce, si qua manent, sceleris vestigia nostri

Irrita perpetua soluent formidine terras.

Ille Deum vitam accipiet, Diuisque videbit 15

Permixtos heroas, & ipse videbitur illis,

Pacatumque reget patriis virtutibus orbem.

At tibi prima, puer, nullo munuscula cultu,

Errantes hederas passim cum baccare tellus,

Mixtaque ridenti colocasia fundet acantho. 20

Ipsae lacte domum referent distenta capellae

Ubera: nec magnos metuent armenta leones.

Ipsa tibi blandos fundent cunabula flores.

Occidet & serpens, & fallax herba veneni

Occidet: Assyrium vulgo nascetur amomum. 25

At simul heroum laudes & facta parentis

Iam legere, & quae sit poteris cognoscere virtus;

Molli paullatim flauescet campus arista,

Incultisque rubens pendebit sentibus vua:

Et durae quercus sudabunt roscida mella. 30

Pauca tamen suberunt priscae vestigia fraudis,
Quae tentare Thetim ratibus, quae cingere muris
Oppida, quae iubeant telluri infundere fulcos.
Alter erit tum Tiphys, & altera quae vehat Argo
Delectos heroas: erunt etiam altera bella: 35
Atque iterum ad Troiam magnus mittetur Achilles.
Hinc, vbi iam firmata virum te fecerit aetas,
Cedet & ipse mari vector; nec nautica pinus
Mutabit merces: omnis feret omnia tellus.
Non rastros patietur humus, non vinea falcem. 40
Robustus quoque iam tauris iuga soluet arator.
Nec varios discet mentiri lana colores.
Ipse sed in pratis aries iam suaue rubenti
Murice, iam croceo mutabit vellera luto.
Sponte sua sandyx pascentes vestiet agnos. 45
Talia secla, suis dixerunt, currite, fuis
Concordes stabili fatorum numine Parcae.

Aggredere o magnos (aderit iam tempus) honores,
Cara Deum soboles, magnum Iouis incrementum!
Aspice conuexo nutantem pondere mundum, 50
Terrasque, tractusque maris, caelumque profundum:
Aspice, venturo laetentur ut omnia seculo.


O mihi tam longae maneat pars vltima vitae,
Spiritus &, quantum fat' erit tua dicere facta!
Non me carminibus vincet nec Thracius Orpheus, 55
Nec Linus: huic mater quamuis, atque huic pater adsit:
Orphei Calliopea, Lino formosus Apollo.

Pan etiam, Arcadia mecum si iudice certet;

Pán etiam Arcadia dicat se iudice victum.

Incipe, parue puer, risu cognoscere matrem: 60
Matri longa decem tulerunt fastidia menses.

Incipe, parue puer: cui non risere parentes,
Nec Deus hunc mensa, Dea nec dignata cubili est.




DAPHNIS. ECLOGA V.

Argumentum.

Etiam in huius eclogae allegoria exsculpenda molesti fuere & putidi interpretes. In Daphnide plerique Iulium Caesarem, eiusque necem & apotheosin, nonnulli, iam ex antiquioribus, Maronis fratrem Flaccum, mox etiam Quintilium Cremonensem, siue etiam Quintilium Varum, item Salonium, Pollionis filium, quaesiverunt; ut aliorum somnia taceam. Quod si altiore, quam verborum ratio fert, sententiam quaerendam putes, ad Caesarem ut referas, feram equidem; nihil tamen mihi aliud poeta spectasse videri potest, quam ut Theocritei idyllii I & XIX imitationem exhiberet, & ut ecloga tertia duos pastores a conuiciis ad cantum progressos, ita hic idque multo elegantius, duos alios pastores a mutuis laudibus ad cantus certamen procedentes induceret. Carminis Argumen-

tum sunt Daphnidis laudes, nobile haud dubie in
vetustis carminibus pastoritiis argumentum. Car-
men ad annum 712 referri posse videtur. V. Vit.
pag. 59, 60.



MENALCAS, MOPSVS.

MENALCAS.

Cur non, Mopse, boni quoniam conuenimus ambo,
Tu calamos inflare leues, ego dicere versus,
Hic corulis mixtas inter confedimus vltimos?

MOPSVS.

Tu maior: tibi me est aequum parere, Menalca:
Siue sub incertas Zephyris mutantibus umbras, 5
Siue antro potius succedimus: aspice, vt antrum
Siluestris raris sparsit labrusca racemis.

MENALCAS.

Montibus in nostris solus tibi certet Amyntas.

MOPSVS.

Quid, si idem certet Phoebum superare canendo?

MENALCAS.

Incipe, Mopse, prior: siquos aut Phyllidis ignes, 10
Aut Alconis habes laudes, aut iurgia Codri.
Incipe: pascentes seruabit Tityrus haedos.

MOPSVS.

Immo haec, in viridi nuper quae cortice fagi
Carmina descripsi, & modulans alterna notavi,
Experiar: tu deinde iubeto certet Amyntas. 15

MENALCAS.

Lenta falix quantum pallenti cedit oliuae,
Puniceis humilis quantum saliuuca rosetis:
Iudicio nostro tantum tibi cedit Amyntas.

MOPSVS.

Sed tu define plura, puer: successimus antro.
Extinctum Nymphae crudeli funere Daphnim 20
Flebant: vos coruli testes, & flumina, Nymphis:
Quum, complexa fui corpus miserabile nati,
Atque Deos atque astra vocat crudelia mater.
Non vlli pastos illis egere diebus
Frigida, Daphni, boues ad flumina: nulla neque
amnem 25

Libavit quadrupes, nec graminis attigit herbam.
Daphni, tuum Poenos etiam ingemuisse leones
Interitum, montesque feri, silvaeque loquuntur.
Daphnis & Armenias curru subiungere tigres
Instituit, Daphnis thiasos inducere Bacchi, 30
Et foliis lentas intexere mollibus hastas.
Vitis ut arboribus decori est, ut vitibus vuae,
Ut gregibus tauri, segetes ut pinguibus aruis,
Tu decus omne tuis: postquam te fata tulerunt,
Ipsa Pales agros, atque ipse reliquit Apollo. 35

Grandia saepe quibus mandauimus hordea fulcis,
 Infelix lolium, & steriles nascuntur auenae.
 Pro molli viola, pro purpureo narcisso,
 Carduus & spinis surgit paliurus acutis.
 Spargite humum foliis: inducite fontibus umbras, 40
 Pastores: mandat fieri sibi talia Daphnis.
 Et tumulum facite, & tumulo superaddite carmen:
 Daphnis ego in siluis. Hinc usque ad sidera notus,
 Formosi pecoris custos, formosior ipse.

MENALCAS.

Tale tuum carmen nobis, diuine poeta, 45
 Quale sopor fessis in gramine: quale per aestum
 Dulcis aquae saliente sitim restinguere riuo.
 Nec calamis solum aequiparas, sed voce magistrum;
 Fortunate puer, tu nunc eris alter ab illo.
 Nos tamen haec quocunque modo tibi nostra vi-
 cissim 50
 Dicemus: Daphninque tuum tollemus ad astra:
 Daphnin ad astra feremus: amauit nos quoque Daphnis.

MOPSVS.

An quidquam nobis tali sit munere maius?
 Et puer ipse fuit cantari dignus: & ista
 Iam pridem Stimicon laudauit carmina nobis. 55

MENALCAS.

Candidus insuetum miratur limen Olympi,
 Sub pedibusque videt nubes & sidera Daphnis.

Ergo alacris siluas, & cetera rura voluptas,
 Panaque, pastoresque tenet, Dryadasque puellas.
 Nec lupo insidias pecori, nec retia ceruis 60
 Vlla dolum meditantur: amat bonus otia Daphnis.
 Ipsi laetitia voces ad sidera iactant
 Intonsi montes: ipsae iam carmina rupes,
 Ipsa sonant arbuta, Deus, Deus ille, Menalca.
 Sis bonus o felixque tuis! en quatuor aras: 65
 Ecce duas tibi, Daphni, duas altaria Phoebos;
 Pocula bina nouo spumantia lacte quot annis,
 Craterasque duo statuam tibi pinguis oliui:
 Et multo in primis hilarans conuiuia Baccho,
 Ante focum, si frigus erit, si messis, in umbra, 70
 Vina nouum fundam calathis Ariusia nectar.
 Cantabunt mihi Damoetas, & Lyctius Aegon:
 Saltantes Satyros imitabitur Alphesiboeus.
 Haec tibi semper erunt, & quum solemnia vota
 Reddemus Nymphis, & quum lustrabimus agros. 75
 Dum iuga montis aper, fluuios dum piscis amabit,
 Dumque thymo pascentur apes, dum rore cicadae,
 Semper honos, nomenque tuum, laudesque manebunt.
 Vt Baccho Cererique, tibi sic vota quot annis
 Agricolae facient: damnabis tu quoque votis. 80

M O P S V S.

Quae tibi, quae tali reddam pro carmine dona?
 Nam neque me tantum venientis sibilus Austri,


Nec percussa iuuant fluctu tam littora, nec quæ
Saxosæ inter decurrunt flumina vallis.

MENALCAS.

Hac te nos fragili donabimus ante cicuta. 85
Haec nos, Formosum Corydon ardebat Alexin:
Haec eadem docuit, Cuium pecus? an Meliboei?

MOPSVS.

At tu fume pedum, quod, me quum saepe rogaret,
Non tulit Antigenes (& erat tum dignus amari)
Formosum paribus nodis atque aere, Menalca. 90



SILENVS. ECLOGA VI.

Argumentum.

Felicissimus in huius Eclogae argumento & in eius tractatione fuit poeta. Iucundissimis enim, dulcissimis, ac pulcherrimis rerum imaginibus omnis haec narratio distincta est, qua Silenus ex antiquissimorum poetarum ac philosophorum rationibus originem rerum canit, atque inde per fabulas ornatum poeticum maxime admittentes vagatur. Quo ordine haec ecloga inter reliquas ponenda sit. Vid. Vitam pag. 80.



Prima Syracosio dignata est ludere versu
 Nostra, nec erubuit filuas habitare, Thalia.
 Quum canerem reges & proelia, Cynthus aurem
 Vellit, & admonuit: Pastorem, Tityre, pingues
 Pascere oportet oues, deductum dicere carmen. 5
 Nunc ego (namque super tibi erunt qui dicere laudes,
 Vare, tuas cupiant, & tristia condere bella)
 Agrestem tenui meditabor arundine Musam.
 Non iniussa cano, si quis tamen haec quoque, si quis
 Captus amore leget; te nostrae, Vare, myricae, 10
 Te nemus omne canet: nec Phoebo gratior vlla est,
 Quam sibi quae Vari praescripsit pagina nomen.

Pergite, Píerides. Chromis & Mnasylos in antro
 Silenum pueri somno videre iacentem,
 Inflatum hesterno venas, vt semper, Iaccho: 15
 Serta procul tantum capiti delapsa iacebant:
 Et grauis adtrita pendebat cantharus ansa.
 Adgressi (nam saepe senex spe carminis ambo
 Luferat) iniiciunt ipsis ex vincula fertis.
 Addit se sociam, timidisque superuenit Aegle: 20
 Aegle, Naiadum pulcherrima: iamque videnti
 Sanguineis frontem moris & tempora pingit.
 Ille dolum ridens, quo vincula nectitis? inquit.
 Soluite me, pueri: satis est potuisse videri.
 Carmina, quae vultis, cognoscite: carmina vobis; 25

Huic aliud mercedis erit: simul incipit ipse.

Tum vero in numerum Faunosque, ferasque videres

Ludere, tum rigidas motare cacumina quercus.

Nec tantum Phoebo gaudet Parnassia rupes:

Nec tantum Rhodope mirantur & Ismarus Orphea. 30

Namque canebat, vti magnum per inane coacta

Semina terrarumque, animaeque, marisue fuissent,

Et liquidi simul ignis: vt his exordia primis

Omnia, & ipse tener mundi concreuerit orbis.

Tum durare solum, & discludere Nerea ponto 35

Coeperit, & rerum paullatim sumere formas.

Iamque nouum terrae stupeant lucefcere solem,

Altius atque cadant submotis nubibus imbres.

Incipiant siluae quum primum furgere, quumque

Rara per ignotos errent animalia montes. 40

Hinc lapides Pyrrhae iactos, Saturnia regna,

Caucasiasque refert volucres, furtumque Promethei.

His adiungit, Hylan nautae quo fonte relictum

Clamassent: vt littus, Hyla, Hyla, omne sonaret.

Et fortunatam, si numquam armenta fuissent, 45

Pasiphaen niuei solatur amore iuuenci.

Ah, virgo infelix, quae te dementia cepit?

Proetides implerunt falsis mugitibus agros:

At non tam turpes pecudum tamen vlla secuta est

Concubitus, quamuis collo timuisset aratrum, 50

Et saepe in leui quaesisset cornua fronte.

Ah, virgo infelix, tu nunc in montibus erras:


Ille, latus niueum molli fultus hyacintho,
Ilicè sub nigra pallentes ruminat herbas:
Aut aliquam in magno sequitur grege. Claudite
Nymphae, 55

Diſtaeae Nymphae, nemorum iam claudite saltus:
Siqua forte ferant oculis sese obuia nostris
Errabunda bouis vestigia. Forsitan illum
Aut herba captum viridi, aut armenta secutum,
Perducant aliquae stabula ad Gortynia vaccae. 60
Tum canit Hesperidum miratam mala puellam:
Tum Phaethontidas musco circumdat amarae
Corticis, atque solo proceras erigit alnos.

Tum canit, errantem Permessi ad flumina Gallum
Aonas in montes ut duxerit vna sororum: 65
Utque viro Phoebi chorus adsurrexerit omnis;
Ut Linus haec illi diuino carmine pastor,
Floribus atque apio crines ornatus amaro,
Dixerit: Hos tibi dant calamos (en accipe) Musae,
Ascraeo quos ante feni: quibus ille solebat 70
Cantando rigidas deducere montibus ornos.
His tibi Grynei nemoris dicatur origo:
Ne quis sit lucus, quo se plus iactet Apollo.

Quid loquar aut Scyllam Nisi, quam fama secuta est,
Candida succinctam latrantibus inguina monstris 75
Dulichias vexasse rates, & gurgite in alto
(Ah) timidos nautas canibus lacerasse marinis?


Aut vt mutatos Terej narrauerit artus :
 Quas illi Philomela dapes, quae dona pararit?
 Quò cursu deferta petiuerit, & quibus ante 80
 Infelix sua testâ superuolitauerit alis?
 Omnia quae, Phoebò quondam meditante, beatus
 Audiit Eurotas, iussitque ediscere lauros,
 Ille canit: pulsae referunt ad sidera valles.
 Cogere donec oues stabulis, numerumque referre 85
 Iussit, & inuito processit vesper Olympo.



MELIBOEVS. ECLOGA VII.

Argumentum.

Et hoc carmen e genere dramatico, amoebaeo dicto, est. Corydon & Thyrsis cantu certant, adfidente Daphnide, & arcesso ad arbitrium ferendum Meliboeo, vnde etiam ecloga nomen duxit. Etiam in hoc carmine putidum est referre, quas allegorias commenti sint interpretes, quum haud dubie nihil aliud spectarit poeta, quam vt ad Theocritei Idyllii VI imitationem illud carminis amoebaei genus exprimeret, quod narratione alicuius pastoris, qui interfuerat certamini, continetur. Temporis ordinem huius eclogae vid. in Vita pag. 80.



MELIBOEVS, CORYDON, THYRSIS.

MELIBOEVS.

Forte sub arguta confederat ilice Daphnis,
Compulerantque greges Corydon & Thyrsis in vnum;
Thyrsis oues, Corydon distentas lacte capellas.

Ambo florentes aetatibus, Arcades ambo,

Et cantare pares, & respondere parati. §

Huc mihi, dum teneras defendo a frigore myrtos,

Vir gregis ipse caper deerrauerat : atque ego Daphnim

Adspicio: ille vbi me contra videt: Ocius, inquit,

Huc ades, o Meliboeë: caper tibi saluus, & haedi.

Et, si quid cessare potes, requiesce sub vmbra. IO

Huc ipsi potum venient per prata iuuenti :

Hic viridis tenera praetexit arundine ripas

Mincius, eque sacra resonant examina quercu.

Quid facerem? neque ego Alcippen, nec Phyllida,
habebam,

Depulſos a lacte domi quae clauderet agnos: 15

Et certamen erat, Corydon cum Thyrside, magnum.

Posthabui tamen illorum mea feria ludo.

Alternis igitur contendere versibus ambo

Coepere: alternos Mufae meminiffe volebant.

Hos Corydon, illos referebat in ordine Thyrsis. 20

CORYDON.

Nymphae, noster amor, Libethrides, aut mihi
carmen,

Quale meo Codro, concedite; proxima Phoebi
Versibus ille facit: aut, si non possumus omnes,
Hic arguta sacra pendebit fistula pluu.

THYRSIS.

Pastores, hederâ crescentem ornate poëtam, 25
Arcades, inuidia rumpantur ut ilia Codro.
Aut, si ultra placitum laudarit, baccare frontem
Cingite, ne vati noceat mala lingua futuro.

CORYDON.

Saetosi caput hoc apri, tibi Delia, parvus
Et ramosa Mycon viuacis cornua cerui. 30
Si proprium hoc fuerit, leui de marmore tota
Puniceo stabis furas euincta cothurno.

THYRSIS.

Sinum lactis, & haec te liba, Priape, quot annis
Exspectare sat est: custos es pauperis horti.
Nunc te marmoreum pro tempore fecimus: at tu, 35
Si foetura gregem suppleuerit, aureus esto.

CORYDON.

Nerine Galatea, thymo mihi dulcior Hyblae,
Candidior cycnis, hederâ formosior alba:
Quum primum pastl repetent praesepia tauri,
Si qua tui Corydoni. habet te cura, venito. 40

THYRSIS.

Immo ego Sardois videar tibi amarior herbis,
 Horrîdior rusco, projecta vilior alga;
 Si mihi non haec lux toto iam longior anno est.
 Ite domum passi, si quis pudor, ite iuenci.

CORYDON.

Muscosi fontes, & somno mollior herba, 45
 Et quae vos rara viridis tegit arbutus umbra,
 Solstitium pecori defendite, iam venit aestas
 Torrida: iam laeto turgent in palmite gemmae.

THYRSIS.

Hic focus, & taedae pingues, hic plurimus ignis.
 Semper, & assidua postes fuligine nigri. 50
 Hic tantum Boreae curamus frigora, quantum
 Aut numerum lupus, aut torrentia flumina ripas.

CORYDON.

Stant & iuniperi, & castaneae hirsutae;
 Strata iacent passim sua quaeque sub arbore poma.
 Omnia nunc rident, at si formosus Alexis 55
 Montibus his abeat, videas & flumina sicca.

THYRSIS.

Aret ager: vitio moriens sitit aeris herba:
 Liber pampineas invidit collibus umbras.
 Phyllidis aduentu nostrae nemus omne virebit:
 Iuppiter & laeto descendet plurimus imbri. 60

CORYDON.


Populus Alcidae gratissima, vitis Iaccho,
 Formosae myrtus Veneri, sua laurea Phoebus.
 Phyllis amat corulos: illas dum Phyllis amabit.
 Nec myrtus vincet corulos, nec laurea Phoebi.

THYRSIS.

Fraxinus in silvis pulcherrima, pinus in hortis, 65
 Populus in fluviis, abies in montibus altis:
 Saepius at si me, Lycida formosae, reuistas,
 Fraxinus in silvis cedat tibi, pinus in hortis.

MELIBOEVUS.


Haec memini, & victum frustra contendere
 Thyrsin,
 Ex illo Corydon, Corydon est tempore nobis. 70



PHARMACEVTRIA. ECLOGA VIII.

Argumentum.

Duorum pastorum carmina, alterum ex Theocrit. Idyll. III, alterum ex Idyll. II expressa recitantur. In Damonis carmine grauis dolor & aegritudo alicuius pastoris, cui Nisa, amata puella, Mopsuam riualem praetulisset, egregie exponitur; in Alphesiboei carmine mulier Daphnin, amantem suum, a quo se desertam esse putat, incantationibus magicis ad se reuocat. Quando scripta sit haec ecloga vid. Vitam pag. 75, 80.



DAMON, ALPHESIBOEVS.

Pastorum Musam Damonis & Alpheſiboei,
 Immemor herbarum quos eſt mirata iuuenca
 Certantes, quorum ſtupeſactae carmine lynceſ,
 Et mutata ſuos requierunt flumina curſus:

Damonis Muſam dicemus, & Alpheſiboei. 5

Tu mihi, ſeu magni ſuperas iam ſaxa Timaui,
 Siue oram Illyrici legis aequoris; en erit vñquam
 Ille dies, mihi quum liceat tua dicere facta?
 En erit, vt liceat totum mihi ferre per orbem
 Sola Sophocleo tua carmina digna cothurno? 10
 A te principium: tibi deſinet; accipe iuſſis
 Carmina coepta tuis: atque hanc ſine tempora
 circum

Inter viſtrices hederam tibi ſerpere lauros.

Frigida vix caelo noctis deceſſerat vmbra,
 Quum ros in tenera pecori gratiſſimus herba: 15
 Incumbens tereti Damon ſic coepit oliuae.

DAMON,

Nſcere, praeque diem veniens age, Lucifer, alnum.
 Coniugis indigno Niſae deceptus amore
 Dum queror, & Diuos (quamquam nil teſtibus illis
 Proſeci) extrema moriens tamen adloquor hora. 20
 Incipe Maenalios mecum, mea tibia, verſus.

Maenalus argutumque nemus pinosque loquentes

Semper habet; semper pastorum ille audit amores,
Panaque, qui primus calamos non passus inertes.
Incipe Maenalios mecum, mea tibia, versus. 25

Mopso Nisa datur; quid non speremus amantes?
Iungentur iam gryphes equis: aeuoque sequenti
Cum canibus timidi venient ad pocula damae,
Mopse, novas incide faces: tibi ducitur vxor.
Sparge, marite, nuces: tibi deferit Hesperus
Oetam. 30

Incipe Maenalios mecum, mea tibia, versus.

O digno coniuncta viro! dum despicias omnes,
Dumque tibi est odio mea fistula, dumque capellae,
Hirsutumque supercilium, promissaque barba:
Nec curare Deum credis mortalia quemquam. 35
Incipe Maenalios mecum, mea tibia, versus.

Sepibus in nostris paruum te roscida mala
(Dux ego vester eram) vidi cum matre legentem.
Alter ab undecimo tum me iam ceperat annus:
Iam fragiles poteram a terra contingere ramos. 40
Vt vidi, vt perii, vt me malus abstulit error!
Incipe Maenalios mecum, mea tibia, versus.

Nunc scio, quid sit amor: duris in cotibus illum
Aut Tmaros, aut Rhodope, aut extremi Garamantes,
Nec generis nostri puerum, nec sanguinis edunt. 45
Incipe Maenalios mecum, mea tibia, versus.

Saeuus amor docuit, natorum sanguine matrem
Commaculare manus; crudelis tu quoque, mater;

Crudelis mater magis, an puer improbus ille?

Improbus ille puer: crudelis tu quoque, mater. 50

Incipe Maenalius tecum, mea tibia, versus.

Nunc & oves vltro fugiat lupus; aurea duræ

Mala ferant quercus: narcisso floreat alnus:

Pingua corticibus sudent electra myricæ:

Certent & cynis vlulæ: sit Tityrus Orpheus: 55

Orpheus in filuis, inter delphinas Arion.

Incipe Maenalius tecum, mea tibia, versus.

Omnia vel medium fiant mare: viuite gluae.

Praeceptis aerii specula de montis in vndas

Deferar. extremum hoc munus morientis habeto. 60

Desine, Maenalius iam desine, tibia, versus.

Haec Damon: vos, quæ responderit Alphesiboeus,
Dicite, Pierides: non omnia possumus omnes.

ALPHESIBOEVUS.

Effer aquam, & molli cinge haec altaria vitta;

Verbenasque adole pingues, & mascula thura: 65

Coniugis vt magicis fanos auertere sacris

Experiar sensus. nihil hic nisi carmina desunt.

Ducite ab vrbe domum, mea carmina, ducite

Daphnim.

Carmina vel caelo possunt deducere Lunam:

Carminibus Circe socios mutauit Vlyxi: 70

Frigidus in pratis cantando rumpitur anguis.

Ducite ab vrbe domum, mea carmina, ducite

Daphnim.

Tèrna tibi haec primum triplici diuersa colore
 Licia circumdo, terque haec altaria circum
 Effigiem duco. Numero Deus impare gaudet. 75
 Ducite ab vrbe domum, mea carmina, ducite
 Daphnim.

Necte tribus nodis ternos, Amarylli, colores:
 Necte, Amarylli, modo: &, Veneris, dic, vin-
 cula necto.

Ducite ab vrbe domum, mea carmina, ducite
 Daphnim.

Limus ut hic durescit, & haec ut cera liquefcit 80
 Vno eodemque igni; sic nostro Daphnis amore.
 Sparge molam, & fragiles incende bitumine lauros.
 Daphnis me malus vrit: ego hanc in Daphnide
 laurum.

Ducite ab vrbe domum, mea carmina, ducite
 Daphnim.

Talis amor Daphnim, qualis, quum fessa iuuenctum 85
 Per nemora atque altis quaerendo bucula lucos
 Propter aquae riuum viridi procumbit in vlua
 Perdita, nec ferae meminit decedere nocti:
 Talis amor teneat, nec sit mihi cura mederi.
 Ducite ab vrbe domum, mea carmina, ducite
 Daphnim. 90

Has olim exuias mihi perfidus ille reliquit,
 Pignora cara fui: quae nunc ego limine in ipso,
 Terra, tibi mando. debent haec pignora Daphnim.

Ducite ab vrbe domum , mea carmina , ducite
Daphnim.


Has herbas, atque haec Ponto mihi lecta venena 95
Ipse dedit Moeris. nascuntur plurima Ponto.
His ego saepe lupum fieri, & se condere siluis
Moerim, saepe animas imis excire sepulchris,
Atque fatas alio vidi traducere messes.

Ducite ab vrbe domum , mea carmina , ducite
Daphnim. 100

Fer cineres, Amarylli, foras: riuoque fluenti,
Transque caput iace: ne respexeris. His ego
Daphnim

Adgrediar, nihil ille Deos, nil carmina curat.
Ducite ab vrbe domum , mea carmina , ducite
Daphnim.

Adspice: corripuit tremulis altaria flammis 105
Sponte sua, dum ferre moror, cinis ipse. bonum sit!
Nescio quid certe est: & Hylax in limine latrat.
Credimus? an, qui amant, ipsi sibi somnia fingunt?
Parcite, ab vrbe venit, iam parcite carmina, Daphnis.




MOERIS. ECLOGA IX.

Argumentum.

Ad urbem Mantuam haedulos deportanti Moeri
villico, qui homines & ipsi serui erant, adiungit

se in itinere Lycidas, a quo viae causam rogatus, calamitates suas, dominique Menalcae iniurias ac pericula inter eundem, id quod aliquantum iucunditatis habet, commemorat; quumque sermo ad Menalcae carmina deductus esset, recitat vterque nonnulla ex iis fragmenta, ac locos, qui fere ex Theocrito conuersi sunt, vti tota carminis forma ex eius Idyllio septimo deducta est. Ex ipso carmine id augurari licet: scriptum illud esse eo anno, quo agri Cremonenses & Mantuani inter Veteranos diuisi essent V. C. 713 adeoque paullo post primam eclogam; Virgilique fortunam sub Menalcae persona adumbrari, qui quidem agros suos recuperandi spem habebat, suis tamen possessionibus eiectus fuit, neque id sine magno periculo.



LYCIDAS, MOERIS.

LYCIDAS.

Quo te, Moeri, pedes? an, quo via ducit, in urbem?

MOERIS.

O Lycida, viui peruenimus, aduena nostri,
 Quod numquam veriti sumus, vt possessor agelli
 Diceret: haec mea sunt: veteres migrate coloni.
 Nunc victi, tristes, quoniam Fors omnia versat, 5
 Hos illi (quod nec bene vertat) mittimus haedos.

LYCIDAS.

Certe equidem audieram, qua se subducere colles
Incipiunt, mollique iugum demittere cliuo,
Vsque ad aquam, & veteres, iam fracta cacumina;
fagos,

Omnia carminibus vestrum feruasse Menalcan. 10

MOERIS.

Audieras, & fama fuit: sed carmina tantum
Nostra valent, Lycida, tela inter Martia, quantum
Chaonias dicunt, aquila veniente, columbas.
Quod nisi me quacumque novas incidere lites
Ante sinistra caua monuisset ab ilice cornix, 15
Nec tuus hic Moeris, nec viueret ipse Menalcas.

LYCIDAS.

Heu! cadit in quemquam tantum scelus? heu,
tua nobis

Paene simul tecum folatia rapta, Menalca!
Quis caneret Nymphas? quis humum florentibus
herbis

Spargeret? aut viridi fontes induceret umbra? 20
Vel quae sublegi tacitus tibi carmina nuper,
Quum te ad delicias ferres, Amaryllida, nostras?
Tityre, dum redeo (brevis est via) pascere capellas:
Et potum pastas age, Tityre: & inter agendum
Occurrere capro, cornu ferit ille, cauto.

MOERIS.

Immo haec, quae Varo nec dum perfecta canebat.
 Vare, tuum nomen (superet modo Mantua nobis,
 Mantua vae miserae nimium vicina Cremonae!)
 Cantantes sublime ferent ad sidera cycni.

LYCIDAS.

Sic tua Cyrneas fugiant examina taxos: 30
 Sic cytiso pastae distentant vbera vaccae.
 Incipe, si quid habes, & me fecere poetam
 Pierides: sunt & mihi carmina, me quoque dicunt
 Vatem pastores: sed non ego credulus illis.
 Nam neque adhuc Varo videor, nec dicere Cinna 35
 Digna, sed argutos inter strepere anser olores.

MOERIS.

Id quidem ago; & tacitus, Lycida, mecum ipse
 voluto,
 Si valeam meminisse: neque est ignobile carmen.
 Huc ades, o Galatea: quis est nam ludus in vndis?
 Hic ver purpureum: varios hic flumina circum 40
 Fundit humus flores: hic candida populus antro
 Imminet, & lentae texunt vmbracula vites.
 Huc ades: infani feriant, sine, littora fluctus.

LYCIDAS.

Quid, quae te pura solum sub nocte canentem
 Audieram? numeros memini, si verba tenerem. 45

MOERIS.


Daphni, quid antiquos signorum suspicis ortus?
Ecce Dionaei processit Caesaris astrum:
Astrum, quo segetes gauderent frugibus: & quo
Duceret apricis in collibus vua colorem.
Infere, Daphni, piros: carpent tua poma nepotes. 50
Omnia fert aetas, animum quoque: saepe ego longos
Cantando puerum memini me condere soles.
Nunc oblita mihi tot carmina: vox quoque Moerim
Iam fugit ipsa: lupi Moerim videre priores.
Sed tamen ista satis referet tibi saepe Menalcas. 55

LYCIDAS.

Causando nostros in longum ducis amore.
Et nunc omne tibi stratum filet aequor: & omnes
(Adspice) ventosi ceciderunt murmuris aurae.
Hinc adeo media est nobis via: namque sepulchrum
Incipit adparere Bianoris: hic, vbi densas 60
Agricolae stringunt frondes, hic, Moeri, canamus:
Hic haedos depone, tamen veniemus in urbem.
Aut, si, nox pluuiam ne colligat ante, veremur,
Cantantes licet vsque (minus via laedat) eamus.
Cantantes vt eamus, ego hoc te fasce leuabo. 65

MOERIS.


Desine plura, puer: &, quod nunc instat,
agamus.
Carmina tum melius, quum venerit ipse, canemus.



GALLVS. ECLOGA X.

Argumentum:

C. Cornelius Gallus, de quo vide vitam pag. 78, 92, amicam Lycoridem habuit; desertus a perfida, & magno dolore oppressus, in hoc carmine tanquam pastor aliquis in Arcadiae montibus ac siluis, sub antro aliquo proiectus, amores suos deslere fingitur. Habet hoc carmen miram artem ac suauitatem; primum in eo, quod omnia ad maiorem Galli dignitatem, non modo ad vitam pastoritiam, sed ad tempora heroica, in quibus permisti mortalibus diui viuerent, relata ex sensibus & opinionibus istorum seculorum adumbrata sunt, quare etiam ferre debemus, si quae paullo altiore ac grauiore spiritu hic dicta reperiamus; deinde vero quoniam impotentis & sprete amoris aestus ille ac furor, in omnes partes animum rapiens, ipsum legentis animum commouere videtur. Vniuerse vero a simplicitate & venustate pastoritii carminis poeta in plerisque recessit.



Extremum hunc, Arethusa, mihi concede laborem.
 Pauca meo Gallo, sed quae legat ipsa Lycoris,
 Carmina sunt dicenda. Neget quis carmina Gallo?

Sic tibi, quum fluctus subterlabere Sicanos,
Doris amara suam non intermisceat vndam. 5
Incipe; sollicitos Galli dicamus amores,
Dum tenera attendent simae virgulta capellae.
Non canimus surdis: respondent omnia siluae.

Quae nemora, aut qui vos saltus habuere, puellae
Naiides, indigno quum Gallus amore periret? 10
Nam neque Parnassi vobis iuga, nam neque Pindi
Vlla moram fecere, neque Aoniae Aganippae.
Illum etiam lauri, etiam fleuere myricae:
Pinifer illum etiam sola sub rupe iacentem
Maenalus, & gelidi fleuerunt faxes Lycae. 15
Stant & oues circum: nostri nec poenitet illas:

Nec te poeniteat pecoris, diuine poeta;
Et formosus oues ad flumina pauit Adonis.

Venit & vtilio: tardi venere bubulci:
Vuidus hyberna venit de glande Menalcas. 20
Omnes, vnde amor iste, rogant, tibi? Venit Apollo:
Galle, quid insanis? inquit, tua cura Lycoris
Perque niues alium, perque horrida castra secuta est.
Venit & agresti capitis Siluanus honore,
Florentes ferulas & grandia lilia quassans. 25
Pan Deus Arcadiae venit: quem vidimus ipsi
Sanguineis ebuli baccis minioque rubentem.
Ecquis erit modus? inquit. Amor non talia curat.
Nec lacrimis crudelis amor, nec gramina riuus,
Nec cytiso saturantur apes, nec fronde capellae. 30

Tristis at ille: Tamen cantabitis, Arcades, inquit,
Montibus haec vestris: soli cantare periti
Arcades. O mihi tum quam molliter ossa quiescant,
Vestra meos olim si fistula dicat amores!

Atque utinam ex vobis vnus, vestrique fuisssem 35

Aut custos gregis, aut maturae vinitor vuae!

Certe siue mihi Phyllis, siue esset Amyntas,

Seu quicumque furor, (quid tum, si fuscus Amyntas?

Et nigrae violae sunt, & vaccinia nigra)

Mecum inter salices lenta sub vite iaceret. 40

Serta mihi Phyllis legeret, cantaret Amyntas.

Hic gelidi fontes: hic mollia prata, Lycori:

Hic nemus, hic ipso tecum consumerer aeuo.

Nunc infanus amor duri te Martis in armis,

Tela inter media, atque aduersos detinet hostes. 45

Tu procul a patria (nec sit mihi credere) tantum

Alpinas, ah dura, niues & frigora Rheni

Me sine sola vides. Ah te ne frigore laedant!

Ah tibi ne teneras glacies secet aspera plantas!

Ibo, & Chalcidico quae sunt mihi condita versu 50

Carmina, pastoris Siculi modulabor auena.

Certum est in siluis, inter spelaea ferarum,

Malle pati, tenerisque meos incidere amores

Arboribus: crescent illae: crescetis, amores.

Interea mixtis lustrabo Maenala Nymphis: 55

Aut acres venabor apros: non me vlla vetabunt

Frigora Parthenios canibus circumdare saltus.

Iam mihi per rupes videor lucosque sonantes
Ire: libet Partho torquere Cydonia cornu
Spicula: tanquam haec sint nostri medicina furo-
ris, 60


Aut Deus ille malis hominum mitescere discat.
Iam neque Hamadryades rursum, nec carmina
nobis

Ipsa placent: ipsae rursum concedite silvae.
Non illum nostri possunt mutare labores:
Nec si frigoribus mediis Hebrumque bibamus, 65
Sithoniasque niues hiemis subeamus aquosae,
Nec si, quum moriens alta liber aret in ulmo,
Aethiopum versemus oves sub sidere Cancri.
Omnia vincit amor: & nos cedamus amori.

Haec sat erit, Diuae, vestrum cecinisse poe-
tam, 70

Dum sedet, & gracili fiscellam texit hibisco,
Pierides: vos haec facietis maxima Gallo:
Gallo, cuius amor tantum mihi crescit in horas,
Quantum vere nouo viridis se subiicit alnus.
Surgamus: solet esse grauis cantantibus umbra, 75
Iuniperi grauis umbra: nocent & frugibus umbrae.
Ite domum faturae, venit Hesperus, ite, capellae.





P. VIRGILII M.
G E O R G I C O N

AD

C. CILNIUM MAECENATEM.


LIBER I.

A r g u m e n t u m.

Continet hic liber propositionem totius operis, eiusque diuisionem quadruplicem. Tum sequitur Deorum inuocatio, quotquot rusticae praesident rei, quos inter Octauiano Caesari locus tribuitur: nouo sane illis temporibus adulationis exemplo; quo deinde Lucanus in Pharsalia, & Statius in Thebaide, ad laudem Neronis & Domitiani immodestius abusi sunt. Atque haec exordio comprehenduntur. Liber vero ipse sex habet partes. I. Multiplicem agri colendi rationem, iuxta variam eius naturam. II. Agriculturae originem. III. Agricolarum instrumenta. IV. Rusticorum operum tempora. V. Tempestatum prognostica. VI. Digressionem ad varia prodigia, quae caedem Iulii Caesaris, aut praecesserunt, aut subsequuta sunt. Denique, Epi-

logi loco, Deos pro incolumitate Octauiani, & pro salute populi Romani precatur. Tamen ex iis, aliorumque librorum praeceptis, non pauca obsoleuere, contrario vsu posteriorum temporum, nostrorum in primis, quae multa, vt artibus ceteris, ita huic quoque addidere.

Maecenas, cui Georgica inscripta sunt, primos in Octauiani gratia cum Agrippa tenuit gradus. Genere Tuscus, ex antiquis Etruriae regibus: quorum posterì, post multas gentis clades, Romanam in ciuitatem admissi equestri dignitate vixerunt. Eruditos complexus est, in primis Virgilium, & Horatium. Scripsit & ipse Prometheum, & Octauiam tragoedias, carminum libros decem: soluta oratione commentarios de rebus ab Augusto gestis, item de animalibus & gemmis dialogos: omnia periere. Decessit Anno V. C. 746.



Quid faciat laetas fegetes, quo fidere terram
 Vertere, Maecenas, vlmisque adiungere vites
 Conueniat: quae cura bouum, qui cultus habendo
 Sit pecori, apibus quanta experientia parcis,
 Hinc canere incipiam. Vos, o clarissima mundi
 Lumina, labentem caelo quae ducitis annum,
 Liber, & alma Ceres; vestro si munere tellus
 Chaoniam pingui glandem mutauit arista,

Poculaque inuentis Acheloia miscuit vuis:

Et vos, agrestum praesentia numina, Fauni, 10

Ferte simul Faunisque pedem Dryadesque puellae:

Munera vestra cano. Tuque o, cui prima frementem

Fudit equum, magno tellus percussa tridenti,

Neptune: & cultor nemorum, cui pingua Caeae

Ter centum niuei tondent dumeta iuuenti: 15

Ipse nemus linquens patrium saltusque Lycae,

Pan ouium custos, tua si tibi Maenala curae,

Adsis o Tegeae fauens, oleaeque Minerua

Inuentrix, vncique puer monstrator aratri,

Et teneram ab radice ferens, Siluane, cupressum: 20

Dique Deaeque omnes, studium quibus arua tueri,

Quique nouas alitis non vlllo semine fruges:

Quique satis largum caelo demittitis imbrem.

Tuque adeo, quem mox quae sint habitura Deorum

Concilia, incertum est, vrbsne inuisere, Caesar, 25

Terrarumque velis curam: & te maximus orbis

Auctorem frugum tempestatumque potentem

Accipiat, cingens materna tempora myrto:

An Deus immensi venias maris, ac tua nautae

Numina sola colant: tibi seruiat vltima Thule: 30

Teque sibi generum Tethys emat omnibus vndis:

Anne nouum tardis fidus te mensibus addas,

Qua locus Erigonen inter Chelasque sequentes

Panditur: ipse tibi iam brachia contrahit ardens

Scorpios, & caeli iusta plus parte relinquit. 35

Quidquid eris; (nam te nec sperent Tartara regem,
Nec tibi regnandi veniat tam dira cupido:

Quamuis Elyfios miretur Graecia campos,
Nec repetita sequi curet Proserpina matrem)

Da facilem cursum, atque audacibus adnue coeptis, 40

Ignarosque viae mecum miseratus agrestes

Ingredere, & votis iam nunc adfuesce vocari.

Vere nouo, gelidus canis quum montibus humor

Liquitur, & Zephyro putris se gleba resoluit;

Depresso incipiat iam tum mihi taurus aratro 45

Ingemere, & fulco adtritum splendere vomer.

Illa seges demum votis respondet auari

Agricolae, bis quae solem, bis frigora sensit:

Illius immensae ruperunt horrea messes.

At prius ignotum ferro quam scindimus aequor, 50

Ventos, & varium caeli praediscere morem

Cura sit, ac patrios cultusque habitusque locorum:

Et quid quaeque ferat regio, & quid quaeque recuset.

Hic segetes, illic veniunt felicius vuae:

Arborei foetus alibi, atque iniussa virescunt 55

Gramina. Nonne vides, croceos ut Tmolus odores,

India mittit ebur, molles sua thura Sabaei?

At Chalybes nudi ferrum, viroscum Pontus

Castorea, Eliadum palmas Epiros equarum?

Continuo has leges, aeternaque foedera certis 60

Imposuit natura locis, quo tempore primum

Deucalion vacuum lapides iactavit in orbem:

Vnde homines nati, durum genus. Ergo age, terrae
Pingue solum primis extemplo a mensibus anni
Fortes inuortant tauri, glebasque iacentes 65
Puluerulenta coquat maturis solibus aestas.
At si non fuerit tellus foecunda, sub ipsum
Arcturum tenui sat erit suspendere fulco:
Illic, officiant laetis ne frugibus herbae:
Hic, sterilem exiguus ne deferat humor arenam. 70

Alternis idem tonsas cessare nouales,
Et segnem patiēre situ durescere campum;
Aut ibi flaua serēs, mutato sidere, farra,
Vnde prius laetum siliqua quassante legumen,
Aut tēues foetus viciae, tristisque lupini 75
Sustuleris fragiles calamos, siluamque sonantem.
Vrit enim lini campum seges, vrit auenae:
Vrunt Lethaeo perfusa papauera somno.
Sed tamen alternis facilis labor: arida tantum
Ne saturare fimo pingui pudeat sola; neue 80
Effoetos cinerem immundum iactare per agros.
Sic quoque mutatis requiescunt foetibus arua,
Nec nulla interea est inaratae gratia terrae.

Saepe etiam steriles incendere profuit agros,
Atque leuem stipulam crepitantibus vrere flammis; 85
Sive inde occultas vires, & pabula terrae
Pinguia concipiunt: sive illis omne per ignem
Excoquitur vitium, atque exsudat inutilis humor:
Seu plures calor ille vias & caeca relaxat

Spiramenta, nouas veniat qua succus in herbas: 90
Seu durat magis, & venas adstringit hiantes:
Ne tenues pluuiæ, rapidiue potentia solis
Acrior, aut Boreæ penetrabile frigus adurat.

Multum adeo; rastris glebas qui frangit inertes,
Vimineasque trahit crates, iuuat arua: neque illum 95
Flaua Ceres alto nequicquam spectat Olympo;
Et qui, proscisso quæ suscitât aequore terga,
Rursus in obliquum verso perrumpit aratro,
Exercetque frequens tellurem, atque imperat aruis.

Humida solstitia atque hiemes orate serenas, 100
Agricolæ: hiberno lætissima puluere farra,
Lætus ager: nullo tantum se Mysia cultu
Iactat, & ipsa suas mirantur Gargara messes.

Quid dicam, iacto qui semine cominus arua
Insequitur, cumulosque ruit male pinguis arenæ? 105
Deinde satis fluuium inducit, riuosque sequentes?
Et, quum exustus ager morientibus aestuat herbis,
Ecce supercilio cliuosi tramitis vudam
Elicit: illa cadens raucum per leuia murmur
Saxa ciet, scatebrisque arentia temperat arua. 110
Quid, qui, ne grauidis procumbat culmus aristis,
Luxuriem segetum tenera depascit in herba,
Quum primum fulcos æquant sata? quique paludis
Collectum humorem bibula deducit arena?
Præsertim incertis si mensibus annis abundans 115

Exit, & obducto late tenet omnia limo :

Vnde cauae tepido fudant humore lacunae.

Nec tamen (haec quum sint hominumque boumque
labores

Verfando terram experti) nihil improbus anser,
Strymoniaeque grues, & amaris intuba fibris, 120

Officiunt, aut vmbra nocet. Pater ipse colendi

Haud facilem esse viam voluit, primusque per artem

Mouit agros, curis acuens mortalia corda :

Nec torpere graui passus sua regna veterno.

Ante Iouem nulli subigebant arua coloni: 125

Nec signare quidem, aut partiri limite campum

Fas erat: in medium quaerebant: ipsaque tellus

Omnia liberius, nullo poscente, ferebat:

Ille malum virus serpentibus addidit atris,

Praedarique lupos iussit, pontumque moueri: 130

Mellaque decussit foliis, ignemque remouit,

Et passim riuis currentia vina repressit:

Vt varias vsus meditando extunderet artes

Paullatim, & fulcis frumenti quaereret herbam:

Vt filicis venis abstrusum excuderet ignem. 135

Tunc alnos primum fluuii sensere cauatas:

Nauita tum stellis numeros & nomina fecit,

Pleiadas, Hyadas, claramque Lycaonis Arcton.

Tum laqueis captare feras, & fallere visco,

Inuentum, & magnos canibus circumdare saltus. 140

Atque alius latum funda iam verberat amnem,

Alta petens: pelagoque alius trahit humida lina.
Tum ferri rigor, atque argutae lamina ferrae:
(Nam primi cuneis scindebant fissile lignum)
Tum variae venere artes. Labor omnia vincit 145
Improbis, & duris urgens in rebus egestas.

Prima Ceres ferro mortales vertere terram
Instituit: quum iam glandes atque arbuta sacrae
Deficerent silvae, & victum Dodona negaret.
Mox & frumentis labor additus: ut mala culmos 150
Esset robigo, segnisque horreret in aruis
Carduus; intereunt segetes: subit aspera silva,
Lappaeque, tribulique: interque nitentia culta
Infelix lolium & steriles dominantur auenae.
Quod nisi & assiduis terram insectabare rastris, 155
Et sonitu terrebis aues, & ruris opaci
Falce premeas umbras, votisque vocaueris imbrem:
Heu, magnum alterius frustra spectabis aceruum:
Concussaue famem in silvis solabere quercu.

Dicendum, & quae sint duris agrestibus arma, 160
Queis sine nec potuere feri, nec surgere messes:
Vomis, & inflexi primum graue robur aratri,
Tardaue Eleusinae matris voluentia plaustra,
Tribulaque, traheaeque, & iniquo pondere rastris:
Virgea praeterea Celei vilisque supellex, 165
Arbuteae crates, & mystica vannus Iacchi;
Omnia quae multo ante memor prouisa repones;
Si te digna manet diuini gloria ruris.

Continuo in silvis magna vi flexa domatur
 In burim, & curvum formam accipit vlmus aratri: 170
 Huic a stirpe pedes temo protentus in octo;
 Binae aures, duplici aptantur dentalia dorso.
 Caeditur & tilia ante iugo levis, altaque fagus,
 Stiuoque, quae currus a tergo torqueat imos;
 Et suspensa focis explorat robora fumus. 175
 Possum multa tibi veterum praecepta referre;
 Ni refugis, tennesque piget cognoscere curas.

Area cum primis ingenti aequanda cylindro,
 Et vertenda manu, & creta solidanda tenaci:
 Ne subeant herbae, neu pulvere victa fatiscat; 180
 Tum variae illudant pestes: saepe exiguus mus
 Sub terris posuitque domos, atque horrea fecit:
 Aut oculis capti fodere cubilia talpae;
 Inventusque cauis bufo, & quae plurima terrae
 Monstra ferunt: populatque ingentem farris acer-
 uum 185

Curculio, atque inopi metuens formica senectae.

Contemplator item, quum se nux plurima silvis
 Induet in florem, & ramos curuabit olentes;
 Si superant foetus, pariter frumenta sequentur;
 Magnaque cum magno veniet tritura calore. 190
 At si luxuria foliorum exuberat umbra,
 Nequicquam pingues palea teret area culmos.

Semina vidi equidem multos medicare ferentes,
 Et nitro prius, & nigra perfundere amurca,

Grandior vt foetus filiquis fallacibus esset, 195
 Et, quamuis igni exiguo properata maderent,
 Vidi lecta diu, & multo spectata labore,
 Degenerare tamen: ni vis humana quot annis
 Maxima quaeque manu legeret: sic omnia fatis
 In peius ruere, ac retro sublapsa referri. 200
 Non aliter, quam qui aduerso vix flumine lembum
 Remigiis subigit, si brachia forte remisit,
 Atque illum in praeceps prono rapit alueus amni.

Praeterea tam sunt Arcturi sidera nobis,
 Haedorumque dies seruandi, & lucidus Anguis, 205
 Quam quibus in patriam ventosa per aequora vestis
 Pontus & ostriferi fauces tentantur Abydi.
 Libra die somnique pares vbi fecerit horas,
 Et medium luci atque umbris iam diuidit orbem:
 Exercete, viri, tauros: ferite hordea campis, 210
 Vsque sub extremum brumae intractabilis imbrem.
 Nec non & lini segetem, & Cereale papauer,
 Tempus humo tegere, & iam dudum incumbere
 aratri :

Dum sicca tellure licet, dum nubila pendent.
 Vere fabis satio: tum te quoque, Medica, putres 215
 Accipiunt sulci, & milio venit annua cura:
 Candidus auratis aperit quum cornibus annum
 Taurus, & auerso cedens Canis occidit astro.
 At si triticeam in messem robustaque farra
 Exercebis humum, solisque instabis aristis: 220

Ante tibi Eoae Atlantides abscondantur,
Gnosiaque ardentis decedat stella Coronae,
Debita quam fulcis committas semina, quamque
Inuitae properes anni spem credere terrae.
Multi ante occasum Maiæ coepere: sed illos 225
Expectata seges vanis elusit aristis.
Si vero viciamque feres, vilemque faselum;
Nec Pelusiæ curam aspernabere lentis;
Haud obscura cadens mittet tibi signa Bootes.
Incipe, & ad medias sementem extende pruinas. 230
Idcirco certis dimensum partibus orbem
Per duodena regit mundi sol aureus astra.
Quinque tenent caelum zonæ, quarum vna corusco
Semper sole rubens, & torrida semper ab igne:
Quam circum extremæ dextra laeuaque trahun-
tur, 235
Caerulea glaciæ concretae atque imbribus atris.
Has inter mediamque, duæ mortalibus aegris
Munere concessæ Diuum; via secta per ambas,
Obliquus qua se signorum verteret ordo.
Mundus ut ad Scythiam Rhipaeasque arduus artes 240
Confurgit; premitur Libyæ deexus in Austros.
Hic vertex nobis semper sublimis; at illum
Sub pedibus Styx atra videt, Manesque profundi:
Maximus hic flexu sinuoso elabitur anguis
Circum, perque duas in morem fluminis Arctos, 245
Arctos Oceani metuentes aequore tingi.

Illic, vt perhibent, aut intempeſta ſilet nox
Semper, & obtenta denſantur nocte tenebrae;
Aut redit a nobis aurora, diemque reducit:
Nosque vbi primus equis oriens adflauit anhelis, 250
Illic ſera rubens adcendit lumina Veſper.

Hinc tempeſtates dubio praediſcere caelo
Poſſumus, hinc meſſisque diem, tempusque ſerendi;
Et quando infidum remis impellere marmor
Conueniat: quando armatas deducere claſſes, 255
Aut tempeſtiuam ſiluis euertere pinum.
Nec fruſtra ſignorum obitus ſpeculamur & ortus,
Temporibusque parem diuerſis quatuor annum.

Frigidus agricolam ſi quando continet imber,
Multa, forent quae mox caelo properanda ſereno, 260
Maturare datur; durum procudit arator
Vomeris obtuſi dentem: cauat arbore lintres:
Aut pecori ſignum, aut numeros impreſſit aceruiſ.
Exacuunt alii vallos, furcasque bicornes,
Atque Amerina parant lentae retinacula viti. 265
Nunc facilis rubea texatur fiſcina virga:
Nunc torrete igni fruges, nunc frangite ſaxo.
Quippe etiam feſtis quaedam exercere diebus
Faſ & iura ſinunt; riuos deducere nulla
Religio vetuit, ſegeti praetendere ſaepem, 270
Inſidias auibus moliri, incendere vepres,
Balantumque gregem fluuio merſare ſalubri.
Saepe oleo tardi coſtas agitator aſelli,

Vilibus aut onerat pomis; lapidemque reuertens
Iucifum, aut atrae massam picis vrbe reportat. 275

Ipsa dies alios alio dedit ordine luna
Felices operum; quintam fuge: pallidus Orcus,
Eumenidesque fatae; tum partu Terra nefando
Coeumque Iapetumque creat, saeuumque Typhoea,
Et coniuratos caelum rescindere fratres. 280
Ter sunt conati imponere Pelio Ossam
Scilicet, atque Ossae frondosum inuoluere Olympum:
Ter Pater exstructos disiecit fulmine montes.

Septima post decimam felix, & ponere vitem,
Et preños domitare boues, & licia telae 285
Addere; nona fugae melior, contraria furtis.

Multa adeo gelida melius se nocte dedere,
Aut quum sole nouo terras irrorat Eous.
Nocte leues melius stipulae, nocte arida prata
Tondentur: noctes lentus non deficit humor. 290

Et quidam feros hiberni ad luminis ignes
Peruigilat, ferroque faces inspicat acuto.
Interea, longum cantu solata laborem,
Arguto coniux percurrit pectine telas:
Aut dulcis musti Vulcano decoquit humorem, 295
Et foliis vndam trepidi despumat aheni.

At rubicunda Ceres medio succiditur aestu:
Et medio tostas aestu terit area fruges,
Nudus ara, fere nudus; hiems ignaua colono:
Frigoribus parto agricolae plerumque fruuntur, 300

Mutuaque inter se laeti conuiuia curant.
Inuitat genialis hiems, curasque resoluit:
Ceu pressae quum iam portum tetigere carinae,
Puppibus & laeti nautae imposuere coronas.

Sed tamen & quernas glandes tum stringere ten-
pus, 305

Et lauri baccas, oleamque, cruentaque myrta.
Tunc gruibus pedicas & retia ponere ceruis,
Auritosque sequi lepores: tum figere damas,
Stupea torquentem Balearis verbera fundae,
Quum nix alta iacet, glaciem quum flumina tru-
dunt. 310

Quid tempestates autumnii & sidera dicam?

Atque, vbi iam breuiorque dies, & mollior aestas,
Quae vigilanda viris? Vel quum ruit imbriferum ver:
Spicea iam campis quum messis inhorruit, & quum
Frumenta in viridi stipula lactentia turgent? 315
Saepe ego, quum flauis messorum induceret aruis
Agricola, & fragili iam stringeret hordea culmo,
Omnia ventorum concurrere praelia vidi:

Quae grauidam late segetem ab radicibus imis
Sublime expulsam eruerent: ita turbine nigro 320
Ferret hiems culmumque leuem, stipulasque volantes.
Saepe etiam imminens caelo venit agmen aquarum,
Et foedam glomerant tempestatem imbris atris
Collectae ex alto nubes: ruit arduus aether,
Et pluuia ingenti fata laeta bouumque labores 325
Diluit: implentur fossae, & caua flumina crescunt

Cum sonitu, feruetque fretis spirantibus aequor.
Ipse pater, media nimborum in nocte, corusca
Fulmina molitur dextra: quo maxima motu
Terra tremit: fugere ferae; & mortalia corda 330
Per gentes humilis strauit pavor; ille flagranti
Aut Atho, aut Rhodopen, aut alta Ceraunia telo
Deiicit: ingeminant Austri, & densissimus imber:
Nunc nemora ingenti vento, nunc littora plangunt.
Hoc metuens, caeli menses & sidera serua, 335
Frigida Saturni sese quo stella receptet:
Quos ignis caeli Cyllenius erret in orbes.

In primis venerare Deos, atque annua magnae
Sacra refer Cereri laetis operatus in herbis,
Extremae sub casum hiemis, iam vere sereno. 340
Tunc pingues agni, & tunc mollissima vina:
Tunc somni dulces, densaeque in montibus umbrae,
Cuncta tibi Cererem pubes agrestis adoret.
Cui tu lacte fauos, & miti dilue Baccho:
Terque nouas circum felix eat hostia fruges; 345
Omnis quam chorus, & focii comitentur ouantes;
Et Cererem clamore vocent in tecta: neque ante
Falcem maturis quisquam supponat aristis,
Quam Cereri torta redimitus tempora quercu
Det motus incompósitos, & carmina dicat. 350

Atque haec ut certis possimus discere signis,
Aestusque, pluiasque, & agentes frigora ventos;
Ipse pater statuit, quid menstrua luna moneret:
Quo signo caderent Austri: quid saepe videntes

Agricolae, propius stabulis armenta tenerent. 355
Continuo ventis surgentibus, aut freta ponti
Incipiunt agitata tumescere, & aridus altis
Montibus audiri fragor: aut resonantia longe
Littora misceri, & nemorum increbescere murmur.
Iam sibi tum curuis male temperat vnda carinis, 360
Quum medio celeres reuolant ex aequore mergi,
Clamoremque ferunt ad littora: quumque marinae
In sicco ludunt fulicae: notasque paludes
Deferit, atque altam supra volat ardea nubem.

Saepe etiam stellas, vento impendente, videbis 365
Praecipites caelo labi, noctisque per vmbram
Flammarum longos a tergo albescere tractus:
Saepe leuem paleam & frondes volitare caducas,
Aut summa nantes in aqua colludere plumas.
At Boreae de parte trucid quum fulminat, & quum 370
Eurique Zephyrique tonat domus; omnia plenis
Rura natant fossis, atque omnis nauita ponto
Humida vela legit. Nunquam imprudentibus imber
Obfuit. Aut illum surgentem vallibus imis
Aeriae fugere grues: aut bucula caelum 375
Suspiciens patulis captauit naribus auras:
Aut arguta lacus circumuolitauit hirundo:
Et veterem in limo ranae cecinere querelam.
Saepius & testis penetralibus extulit oua
Angustum formica terens iter: & bibit ingens 380
Arcus: & e pastu decedens agmine magno

Coruorum increpuit densis exercitus alis.
Iam varias pelagi volucres, & quae Asia circum
Dulcibus in stagnis rimantur prata Caystri,
Certatim largos humeris infundere rores; 385
Nunc caput obiectare fretis, nunc currere in undas,
Et studio incassum videas gestire lauandi.
Tum cornix plena pluuiam vocat improba voce,
Et sola in sicca secum spatiaturo arena.
Nec nocturna quidem carpentes pensa puellae 390
Nesciuere hiemem: testa quum ardente viderent
Scintillare oleum, & putres concrefcere fungos.
Nec minus ex imbri soles & aperta serena
Prospicere, & certis poteris cognoscere signis:
Nam neque tum stellis acies obtusa videtur, 395
Nec fratris radiis obnoxia furgere Luna;
Tenuia nec lanae per caelum vellera ferri.
Non tepidum ad solem pennas in littore pandunt
Dilectae Thetidi Alcyones: non ore solutos
Immundi meminere fues iactare maniplos. 400

At nebulae magis ima petunt, campoque recumbunt:

Solis & occasum seruans de culmine summo
Nequidquam feros exercet noctua cantus.
Adparet liquido sublimis in aere Nifus,
Et pro purpureo poenas dat Scylla capillo. 405
Quacunque illa leuem fugiens secat aethera pennis,
Ecce inimicus, atrox, magno stridore per auras

Insequitur Nifus : qua se fert Nifus ad auras,
 Illa leuem fugiens raptim secat aethera pennis.
 Tum liquidas corui presso ter gutture voces, 410
 Aut quater iugeminant; & saepe cubilibus altis,
 Nescio qua praeter solitum dulcedine laeti,
 Inter se foliis strepitant: iuuat imbribus actis
 Progeniem paruam dulcesque reuifere nidos.
 Haud equidem credo, quia sit diuinitus illis 415
 Ingenium, aut rerum fato prudentia maior.
 Verum vbi tempestas & caeli mobilis humor
 Mutauere vias, & Iuppiter vuidus Austris
 Denfet, erant quae rara modo, & quae densa, relaxat;
 Vertuntur species animorum, & pectora motus 420
 Nunc alios, alios, dum nubila ventus agebat,
 Concipiunt; hinc ille auium concentus in agris,
 Et laetae pecudes, & ouantes gutture corui.

Si vero solem ad rapidum lunasque, sequentes
 Ordine, respicies; nunquam te craftina fallet 425
 Hora, neque insidiis noctis capiere ferenae.
 Luna reuertentes quum primum colligit ignes,
 Si nigrum obscuro comprehenderit aera cornu,
 Maximus agricolis pelagoque parabitur imber.
 At, si virgineum suffuderit ore ruborem, 430
 Ventus erit: vento semper rubet aurea Phoebe.
 Sin ortu quarto (namque is certissimus auctor)
 Pura, neque obtusis per caelum cornibus ibit;
 Totus & ille dies, & qui nascentur ab illo

Exactum ad mensem, pluuiæ ventisque carebunt: 435

Votaque seruati soluent in littore nautæ

Glauco, & Panopeæ, & Inoo Melicertæ.

Sol quoque & exoriens, & quum se condet in vndas,

Signa dabit: solem certissima signa sequuntur,

Et quæ mane refert, & quæ surgentibus astris. 440

Ille vbi nascentem maculis variauerit ortum

Conditus in nubem, medioque refugerit orbe;

Suspecti tibi sint imbres: namque vrget ab alto

Arboribusque satisque Notus pecorique sinister.

Aut vbi sub lucem densa inter nubila sese 445

Diuersi rumpent radii, aut vbi pallida surget

Tithoni croceum linquens aurora cubile;

Heu, male tum mites defendet pampinus vuas:

Tam multa in tectis crepitans salit horrida grando.

Hoc etiam, emenso quum iam decedet Olympo, 450

Profuerit meminisse magis: nam sæpe videmus

Ipsius in vultu varios errare colores.

Caeruleus pluuiam denuntiat, igneus Euros.

Sin maculae incipient rutilo immiscerier igni,

Omnia tunc pariter vento nimbisque videbis 455

Feruere. Non illa quisquam me nocte per altum

Ire, neque a terra moneat conuellere funem.

At si, quum referetque diem, condetque relatum,

Lucidus orbis erit, frustra terrebere nimbis,

Et claro filuas cernes Aquilone moueri. 460

Denique, quid vesper serus vehat, vnde serenas

Ventus agat nubes, quid cogitet humidus Auster,
Sol tibi signa dabit. Solem quis dicere falsum
Audeat? Ille etiam caecos instare tumultus
Saepe monet, fraudemque & operta tumescere
bella. 465

Ille etiam extincto miseratus Caesare Romam,
Quum caput obscura nitidum ferrugine textit,
Impiaque aeternam timuerunt secula noctem.
Tempore quamquam illo tellus quoque, & aequora
ponti,

Obscaenique canes, importunaeque volucres 470
Signa dabant. Quoties Cyclopum efferuere in agros
Vidimus vndantem ruptis fornacibus Aetnam,
Flammarumque globos, liquefactaque voluere saxa!
Armorum sonitum toto Germania caelo
Audiit: insolitis tremuerunt motibus Alpes. 475
Vox quoque per lucos vulgo exaudita silentes
Ingens: & simulacra modis pallentia miris
Visa sub obscurum noctis: pecudesque locutae,
Infandum! sistunt amnes, terraeque dehiscunt,
Et moestum illacrimat templis ebur, aeraque su-
dant. 480

Proluit infano contorquens vortice filuas
Fluuiorum rex Eridanus, camposque per omnes
Cum stabulis armenta tulit; nec tempore eodem
Tristibus aut extis fibrae adparere minaces,
Aut puteis manare cruor cessauit: & altae 485

Per noctem resonare, lupis vlulantibus, vrbes :
Non alias caelo ceciderunt plura sereno
Fulgura : nec diri toties arserē cometae.


Ergo inter sese paribus concurrere telis
Romanas acies iterum videre Philippi: 490
Nec fuit indignum superis, bis sanguine nostro
Emathiam & laetos Haemi pinguescere campos.
Scilicet & tempus veniet, quum finibus illis
Agricola, incuruo terram molitus aratro,
Exesa inueniet scabra robigine pila, 495
Aut grauib. rastris galeas pulsabit inanes,
Grandiaque effossis mirabitur ossa sepulcris.

Dī patrii Indigetes, & Romule, Vestaque mater,
Quae Tuscum Tiberim, & Romana palatia seruas,
Hunc saltem euerso iuuenem succurrere saeclo 500
Ne prohibete; satis iam pridem sanguine nostro
Laomedontae luimus periuria Troiae.

Iam pridem nobis caeli te regia, Caesar,
Inuidet, atque hominum queritur curare triumphos.
Quippe vbi fas versum atque nefas: tot bella per
orbem 505

Tam multae scelerum facies: non vllus aratro
Dignus honos: squalent abductis arua colonis,
Et curuae rigidum falces constantur in ensē.
Hinc mouet Euphrates, illinc Germania bellum:
Vicinae ruptis inter se legibus vrbes 510
Arma ferunt: saeuit toto Mars impius orbe.


Vt, quum carceribus sese effudere quadrigae,
Addunt in spatia, & frustra retinacula tendens
Fertur equis auriga, neque audit currus habenas.



P. VIRGILII M.
G E O R G I C O N
L I B E R II.

Argumentum.

Habet hic liber de plantatione partes septem.
I. Modos omnes producendarum arborum, tam ex
natura, quam ex arte. II. Varias earum species,
& quo singulae modò tractandae sint, naturali, an
artificiofo. III. Quibus singulae locis felicius pro-
ueniant: vbi excurritur in laudes Italici soli. IV. Ar-
tem discernendae naturae cuiusque soli. V. Culturam
vitis. VI. Culturam oleae, & aliarum aliquot ar-
borum. VII. Epilogum de vitae rusticae felicitate.



Haftenus aruorum cultus, & sidera caeli:
Nunc te, Bacche, canam, nec non siluestria tecum
Virgulta, & prolem tarde crescentis oliuae:
Huc, pater o Lenaeae, (tuis hic omnia plena

Muneribus: tibi pampineo grauidus autumnus 5

Floret ager, spumat plenis vindemia labris)

Huc, pater o Linaee, veni, nudataque musto

Tinge nouo mecum dereptis crura cothurnis.

Principio arboribus varia est natura creandis:

Namque aliae, nullis hominum cogentibus, ipsae 10

Sponte sua veniunt, camposque & flumina late

Curua tenent: vt molle filer, lentaeque genestae,

Populus, & glauca canentia fronde salicta.

Pars autem posito surgunt de femine: vt altae

Castaneae, nemorumque Ioui quae maxima frondet 15

Aesculus, atque habitae Graiis oracula quercus.

Pullulat ab radice aliis densissima silua:

Vt cerasis, vlmisque: etiam Parnassia laurus

Parua sub ingenti matris se subiicit vmbra.

Hos natura modos primum dedit: his genus omne 20

Siluarum fruticumque viret, nemorumque sacrorum.

Sunt alii, quos ipse via sibi reperit vsus.

Hic plantas tenero abscidens de corpore matrum

Deposuit fulcis: hic stirpes obruit aruo,

Quadrifidasque fudes, & acuto robore vallos: 25

Siluarumque aliae pressos propaginis arcus

Exspectant, & viua sua plantaria terra.

Nil radice egent aliae: summumque putator

Haud dubitat terrae referens mandare cacumen.

Quin & caudicibus sectis (mirabile dictu) 30

Truditur e sicco radix oleagina ligno.

Et saepe alterius ramos impune videmus
Vertere in alterius; mutatamque insita mala
Ferre pirum, & prunis lapidosa rubescere corna.
Quare agite o, proprios generatim discite cultus, 35
Agricolae, fructusque feros mollite colendo:
Neu segnes iaceant terrae. Iuuat Ismara Baccho
Conferere, atque olea magnum vestire Taburnum.
Tuque ades, inceptumque vna decurre laborem,
O decus, o famae merito pars maxima nostrae, 40
Maecenas, pelagoque volans da vela patenti.
Non ego cuncta meis amplecti versibus opto:
Non, mihi si linguae centum sint, oraque centum,
Ferre vox: ades, & primi lege littoris oram.
In manibus terrae: non hic te carmine ficto, 45
Atque per ambages & longa exorsa tenebo.

Sponte sua quae se tollunt in luminis auras,
Infoecunda quidem, sed laeta & fortia surgunt.
Quippe solo natura subest: tamen haec quoque siquis
Inferat, aut scrobibus mandet mutata subactis, 50
Exuerint siluestrem animum: cultuque frequenti
In quascunque voces artes haud tarda sequentur.
Nec non & sterilis, quae stirpibus exit ab imis,
Hoc faciet, vacuos si sit digesta per agros:
Nunc altae frondes, & rami matris opacant, 55
Crescentique adimunt foetus, vruntque ferentem.
Iam, quae feminibus iactis se sustulit arbor
Tarda venit, feris factura nepotibus umbram:

Pomaeque degenerant succos oblita priores:

Et turpes aubus praedam fert vva racemos. 60

Scilicet omnibus est labor impendendus; & omnes
Cogendae in fulcum, ac multa mercede domandae.

Sed truncis oleae melius; propagine vites

Respondent, solido Paphiae de robore myrtus.

Plantis & durae coruli nascuntur, & ingens 65

Fraxinus, Herculeaeque arbor vmbrosa coronae,

Chaoniiue patris glandes: etiam ardua palma

Nascitur, & casus abies visura marinos.

Inferitur vero & foetu nucis arbutus horrida:

Et steriles platani malos gessere valentes: 70

Castaneae fagus, ornusque incanuit albo

Flore piri, glandemque fues fregere sub vlmis.

Nec modus inferere atque oculos imponere simplex.

Nam quae se medio trudent de cortice gemmae,

Et tenues rumpunt tunicas, angustus in ipso 75

Fit nodo sinus: huc aliena ex arbore germen

Includunt, vdoque docent inolescere libro.

Aut rursum enodes trunci refecantur, & alte

Finditur in solidum cuneis via: deinde feraces

Plantae immittuntur: nec longum tempus, & in-
gens 80

Exiit ad caelum ramis felicibus arbor,

Miraturque novas frondes, & non sua poma.

Praeterea genus haud vnum, nec fortibus vlmis,
Nec salici, lotoque, nec Idaeis cyparissis.

Nec pingues vnam in faciem nascuntur oliuae, 85
 Orchades, & radii, & amara pausia bacca,
 Pomaque, & Alcinoi siluae: nec furculus idem
 Crustumis Syriisque piris, grauibusque volemis.
 Non eadem arboribus pendet vindemia nostris,
 Quam Methymnaeo carpit de palmite Lesbos. 90
 Sunt Thasiae vites, sunt & Mareotides albae:
 Pinguibus hae terris habiles, leuioribus illae.
 Et passo Pfythia vtilior, tenuisque Lageos,
 Tentatura pedes olim, vincturaque linguam:
 Purpureae, preciaeque: & quo te carmine dicam, 95
 Rhaetica? nec cellis ideo contende Falernis.
 Sunt etiam Amineae vites, firmissima vina:
 Tmolius adfurgit quibus, & rex ipse Phanaeus,
 Argitisque minor: cui non certauerit vlla,
 Aut tantum fluere, aut totidem durare per annos. 100
 Non ego te, Dis & mensis accepta secundis,
 Transierim, Rhodia, & tumidis, Bumaste, racemis.
 Sed neque quam multae species, nec nomina quae sint,
 Est numerus: neque enim numero comprehendere
 refert:

Quem qui scire velit, Libyci velit aequoris idem 105
 Discere quam multae Zephyro turbentur arenae:
 Aut, vbi nauigiis violentior incidit Eurus,
 Nosse, quot Ionii veniant ad littora fluctus.

Nec vero terrae ferre omnes omnia possunt.
 Fluminibus salices; crassisque paludibus alni 110

Nascuntur: steriles saxosis montibus orni:
Littora myrtetis laetissima: denique apertos
Bacchus amat colles, Aquilonem & frigora taxi.
Adspice & extremis domitum cultoribus orbem,
Eoasque domos Arabum, pictosque Gelonos. 115
Diuisae arboribus patriae. Sola India nigrum
Fert ebum: solis est turea virga Sabaeis.
Quid tibi odorato referam sudantia ligno
Balsamaque, & baccas fen-per frondentis acanthi?
Quid nemora Aethiopum, molli canentia lana? 120
Velleraque vt foliis depestant tenuia Seres?
Aut quos Oceano proprior gerit India lucos,
Extremi sinus orbis? vbi aera vincere summum
Arboris haud vllae iactu potuere sagittae.
Et gens illa quidem sumptis non tarda pharetris. 125

Media fert tristes succos, tardumque saporem
Felicis mali; quo non praesentius vllum,
Pocula siquando saeuae infecere nouercae,
Miscueruntque herbas, & non innoxia verba,
Auxilium venit, ac membris agit atra venena. 130
Ipsa ingens arbos, faciemque simillima lauro;
Et, si non alium late iactaret odorem,
Laurus erat; folia haud vllis labentia ventis:
Flos ad prima tenax, animas & olentia Medi
Ora fouent illo, & senibus medicantur anhelis. 135

Sed neque Medorum siluae, ditissima terra,
Nec pulcher Ganges, atque auro turbidus Hermus,

Laudibus Italiae certent: non Baëtra, neque Indi,
Totaque turiferis Panchaia pinguis arenis.
Haec loca non tauri spirantes naribus ignem 140
Inuertere, fatis immanis dentibus hydri;
Nec galeis densisque virum seges horruit hastis:
Sed grauidae fruges, & Bacchi Massicus humor
Impleuere: tenent oleae armentaque laeta.
Hinc bellator equus campo sese arduus infert: 145
Hinc albi, Clitumne, greges, & maxima taurus
Victima, saepe tuo perfusi flumine sacro,
Romanos ad templa Deum duxere triumphos.
Hic ver adsidium, atque alienis mensibus aestas:
Bis grauidae pecudes, bis pomis vtilis arbor. 150
At rabidae tigres absunt, & faeua leonum
Semina; nec miseros fallunt aconita legentes;
Nec rapit immensos orbes per humum, neque tanto
Squameus in spiram tractu se colligit anguis.
Adde tot egregias vrbes, operumque laborem, 155
Tot congesta manu praeruptis oppida saxis,
Fluminaque antiquos subterlabentia muros.
An mare, quod supra, memorem, quodque alluit
infra,
Anne lacus tantos? te, Lari maxime, teque
Fluctibus & fremitu adsurgens, Benace, marino? 160
An memorem portus, Lucrinoque addita claustra:
Atque indignatum magnis stridoribus aequor,
Iulia qua ponto longe sonat vnda refuso,

Tyrrhenusque fretis immittitur aestus Auernis?

Haec eadem argenti riuos aerisque metalla 165
Ostendit venis, atque auro plurima fluxit.

Haec genus acre virum Marfos, pubemque Sabellam,
Adfuerumque malo Ligurem, Volcosque verutos
Extulit: haec Decios, Marios, magnosque Camillos,
Scipiadas duos bello: & te, maxime Caesar, 170
Qui nunc extremis Asiae iam victor in oris
Imbellem avertis Romanis arcibus Indum.

Salve, magna parens frugum, Saturnia tellus;
Magna virum: tibi res antiquae laudis & artis
Ingredior, sanctos ausus recludere fontes, 175
Aesraeumque cano Romana per oppida carmen.

Nunc locus aruorum ingeniis: quae robora cuique,
Quis color, & quae sit rebus natura ferendis.
Difficiles primum terrae, collesque maligni,
Tenuis vbi argilla, & dumosis calculus aruis, 180
Palladia gaudent silua viuacis oliuae.

Indicio est, tractu surgens oleaster eodem
Plurimus, & strati baccis siluestribus agri.
At quae pinguis humus, dulcique vligine laeta,
Quique frequens herbis & fertilis vbere campus, 185
Qualem saepe caua montis conualle solemus
Displicere: huc summis liquuntur rupibus amnes,
Felicemque trahunt limum: quique editus Austro,
Et filicem curuis inuisam pascit aratris:
Hic tibi praevalidas olim multoque fluentes 190

Sufficiet Baccho vites: hic fertilis vuæ,
 Hic laticis, qualem pateris libamus & auro,
 Inflauit quum pinguis ebur Tyrrhenus ad aras,
 Lancibus & pandis fumantia reddimus exta.

Sin armenta magis studium vitulosque tueri, 195
 Aut foetus ouium, aut vrentes culta capellas:
 Saltus, & saturi petito longinqua Tarenti,
 Et qualem infelix amisit Mantua campum,
 Pascentem niueos herbofo flumine cycnos.
 Non liquidi gregibus fontes, non gramina deerunt. 200
 Et quantum longis carpent armenta diebus,
 Exigua tantum gelidus ros nocte reponet.

Nigra fere, & presso pinguis sub vomere terra,
 Et cui putre solum, (namque hoc imitamur arando)
 Optima frumentis; non vlllo ex aequore cernes 205
 Plura domum tardis decedere plaustra iuuentis:
 Aut vnde iratus siluam deuexit arator,
 Et nemora euertit multos ignaua per annos,
 Antiquasque domos auium cum stirpibus imis
 Eruit: illae altum nidis petiere relictis; 210
 At rudis enituit impulso vomere campus.
 Nam ieiuna quidem cliuosi glarea ruris
 Vix humiles apibus casias roremque ministrat:
 Et tophus scaber, & nigris exesa chelydri
 Creta, negant alios aequae serpentibus agros 215
 Dulcem ferre cibum, & curuas praebere latebras.
 Quae tenuem exhalat nebulam, fumosque volucres;

Et bibit humorem, & quum vult, ex se ipsa remittit :

Quaeque suo viridi semper se gramine vestit,

Nec scabie & salsa laedit robigine ferrum, 220

Illa tibi laetis intexet vitibus vltimos :

Illa ferax oleae est : illam experiere colendo,

Et facilem pecori, & patientem vomeris vinci.

Talem diues arat Capua, & vicina Veseuo

Ora iugo, & vacuis Clanius non aequus Acerris. 225

Nunc, quo quamque modo possis cognoscere, dicam.

Rara sit, an supra morem sit densa, requiras :

Altera frumentis quoniam fauet, altera Baccho :

Densa magis Cereri, rarissima quaeque Lyaeo :

Ante locum capies oculis, alteque iubebis 230

In solido puteum demitti, omnemque repones

Rursus humum, & pedibus summas aequabis arenas.

Si deerunt, rarum, pecorique & vitibus almis

Aptius vber erit ; sin in sua posse negabunt

Ire loca, & scrobibus superabit terra repletis, 235

Spissus ager : glebas cunctantes crassaque terga

Exspecta, & validis terram proscinde iuuentis.

Salsa autem tellus, & quae perhibetur amara,

Frugibus infelix (ea nec mansuescit arando,

Nec Baccho genus, aut pomis sua nomina seruat) 240

Tale dabit specimen. Tu spisso vimine qualos,

Colaue praelorum fumosis deripe testis.

Huc ager ille malus, dulcesque a fontibus undae

Ad plenum calcentur : aqua eluctabitur omnis

Scilicet, & grandes ibunt per vimina guttae; 245

At sapor indicium faciet manifestus, & ora

Tristia tentantum sensu torquebit amaror.

Pinguis item quae sit tellus, hoc denique pacto

Discimus: haud vnquam manibus iactata fatiscit,

Sed picis in morem ad digitos lentescit habendo. 250

Humida maiores herbas alit, ipsaque iusto

Laetior; ah nimium ne sit mihi fertilis illa,

Neu se praeualidam primis ostendat aristis!

Quae grauis est, ipso tacitam se pondere prodit,

Quaeque levis; promptum est oculis praediscere

nigram, 255

Et quis cui color: at sceleratum exquirere frigus

Difficile est: piceae tantum, taxique nocentes

Interdum, aut hederæ pandunt vestigia nigrae.

His animaduersis, terram multo ante memento

Excoquere, & magnos scrobibus concidere mon-

tes, 260

Ante supinatas Aquiloni ostendere glebas,

Quam laetum infodias vitis genus, optima putri

Arua solo: id venti curant, gelidaeque pruinae,

Et labefacta mouens robustus iugera fossor.

At, si quos haud vlla viros vigilantia fugit, 265

Ante locum similem exquirunt, vbi prima paretur

Arboribus seges, & quo mox digesta feratur;

Mutatam ignorent subito ne semina matrem.

Quin etiam caeli regionem in cortice signant:

Vt, quo quaeque modo steterit, qua parte calores 270
Austrinos tulerit, quae terga obuenterit axi,
Restituant. Adeo in teneris consuescere multum est.
Collibus, an plano melius sit ponere vitem,
Quaere prius. Si pinguis agros metabere campi,
Densa fere: in denso non segnior vberere Bacchus. 275
Sin, tumulis acclive solum, collesque supinos,
Indulge ordinibus: nec secius omnis in vnguem
Arboribus positis secto via limite quadret.

Vt saepe ingenti bello quum longa cohortes
Explicuit legio, & campo stetit agmen aperto, 280
Directaeque acies, ac late fluctuat omnis
Aere renidenti tellus, nec dum horrida miscent
Praelia, sed dubius mediis Mars errat in armis.
Omnia sint paribus numeris dimensa viarum,
Non animum modo vti pascat prospectus inanem; 285
Sed quia non aliter vires dabit omnibus aequas
Terra, neque in vacuum poterunt se extendere rami.

Forſitan & ſcrobibus quae ſint faſtigia quaeras.
Auſim vel tenui vitem committere fulco.
Altior ac penitus terrae deſigitur arboſ, 290
Aeſculus in primis: quae quantum vertice ad auras
Aethereas, tantum radice in Tartara tendit.
Ergo non hiemes illam, non flabra, neque imbres
Conuellunt: immota manet, multosque nepotes,
Multa virum voluens durando ſaecula vincit. 295
Tum fortes late ramos & brachia tendens

Huc illuc, media ipsa ingentem sustinet umbram.
Neue tibi ad solem vergant vineta cadentem:
Neue inter vites corulum fere: neue flagella
Summa pete, aut summa defringe ex arbore plan-
tas: 300

(Tantus amor terrae) neu ferro laede retuso
Semia: neue oleae siluestres infero truncos.
Nam saepe incautis pastoribus excidit ignis,
Qui furtim pingui primum sub cortice testus,
Robora comprehendit, frondesque elapsus in altis 305
Ingentem caelo sonitum dedit: inde secutus
Per ramos victor, perque alta cacumina regnat,
Et totum inuoluit flammis nemus, & ruit atram
Ad caelum picea crassus caligine nubem:
Praesertim si tempestas a vertice siluis 310
Incubuit, glomeratque ferens incendia ventus.
Hoc ubi; non a stirpe valent, caesaeque reuerti
Possunt, atque ima similes reuirescere terra:
Infelix superat foliis oleaster amaris.

Nec tibi tam prudens quisquam persuadeat
auctor, 315

Tellurem Borea rigidam spirante moueri.
Rura gelu tum claudit hiems; nec semine iacto
Concretam patitur radicem adfigere terrae.
Optima vinetis satio, quum vere rubenti
Candida venit auis, longis inuisa colubris: 320
Prima vel autumnii sub frigora, quum rapidus sol

Nondum hiemem contingit equis, iam praeterit
aestas.

Ver adeo frondi nemorum, ver vtile silvis :
Vere tument terrae, & genitalia femina poscunt.
Tum pater omnipotens foecundis imbribus aether 325
Coniugis in gremium laetae descendit, & omnes
Magnus alit, magno commixtus corpore, foetus.
Auium tum resonant auiibus virgulta canoris,
Et Venerem certis repetunt armenta diebus :
Parturit almus ager: Zephyrique tepentibus auris 330
Laxant arua sinus: superat tener omnibus humor :
Inque novos soles audent se germina tuto
Credere: nec metuit surgentes pampinus Austros,
Aut actum caelo magnis Aquilonibus imbrem :
Sed trudit gemmas, & frondes explicat omnes. 335

Non alios prima crescentis origine mundi
Illuxisse dies, aliumue habuisse tenorem
Crediderim. Ver illud erat, ver magnus agebat
Orbis, & hibernis parcebant flatibus Euri:
Quum primum lucem pecudes hausere, virumque 340
Ferrea progenies duris caput extulit aruis,
Immissaeque ferae silvis, & sidera caelo.
Nec res hunc tenerae possent perferre laborem,
Si non tanta quies iret frigusque, caloremque
Inter, & exciperet caeli indulgentia terras. 345

Quod superest, quaecunque premes virgulta per
agros,

Sparge fimo pingui, & multa memor occule terra:
Aut lapidem bibulum, aut squalentes infode conchas:
Inter enim labentur aquae, tenuisque subibit
Halitus, atque animos tollent fata; iamque reperti, 350
Qui saxo super atque ingentis pondere testae
Urgerent: hoc effusos munimen ad imbres,
Hoc, vbi hiulca siti findit canis aestifer arua.

Seminibus positis, superest deducere terram
Saepius ad capita, & duros iactare bidentes: 355
Aut presso exercere solum sub vomere, & ipsa
Flectere luctantes inter vineta iuuenos.

Tum leues calamos & rasae hastilia virgae,
Fraxineasque aptare fudes, furcasque bicornes:
Viribus eniti quarum, & contemnere ventos 360
Adfuescant, summasque sequi tabulata per vltimos.

Ac, dum prima nouis adolescit frondibus aetas,
Parcendum teneris; & dum se laetus ad auras
Palmes agit, laxis per purum immissus habenis.
Ipsa acie non dum falcis tentanda: sed vncis 365
Carpendae manibus frondes, interque legendae.

Inde vbi iam validis amplexae stirpibus vltimos
Exierint, tum stringe comas, tum brachia tonde.
Ante reformidant ferrum: tum denique dura
Exerce imperia, & ramos compefce fluentes. 370

Texendae saepes etiam, & pecus omne tenendum,
Praecipue dum frons tenera imprudensque laborum;
Cui, super indignas hiemes, solemque potentem,

Siluestres vri adſidue capreaeque ſequaces
Illudunt, paſcuntur oues, auidaeque iuuencae. 375
Frigora nec tantum cana concreta pruina,
Aut grauis incumbens ſcopulis arentibus aeſtas,
Quantum illi nocuere greges, durique venenum
Dentis, & admorſo ſignata in ſtirpe cicatrix.

Non aliam ob culpam Baccho caper omnibus
aris 380

Caeditur, & veteres ineunt proſcena ludi:
Praemiaque ingeniis pagos & compita circum
Theſidae poſuere: atque inter pocula laeti
Mollibus in pratis vnctos ſaluere per vtres.
Nec non Aufonii, Troia gens miſſa, coloni 385
Verſibus incomptis ludunt, riſuque ſoluto;
Oraque corticibus ſumunt horrenda cauatis:
Et te, Bacche, vocant per carmina laeta, tibiſque
Oſcilla ex alta ſuſpndunt mollia pinu.
Hinc omnis largo pubeſcit vinea foetu: 390
Complentur vallesque cauae ſaltusque profundi,
Et quocunque Deus circum caput egit honeſtum.
Ergo rite ſuum Baccho dicemus honorem
Carminibus patriis, lancesque & liba feremus:
Et ductus cornu ſtabit ſacer hircus ad aram, 395
Pinguiaque in veribus torrebimus exta columnis.

Eſt etiam ille labor curandis vitibus alter,
Cui nunquam exhausti ſatis eſt: namque omne quot
annis

Terque quaterque solum scindendum, glebaque versis
Aeternum frangenda bidentibus; omne leuandum 400
Fronde nemus. Redit agricolis labor actus in orbem,
Atque in se sua per vestigia voluitur annus.

Et iam olim seras posuit quum vinea frondes,
Frigidus & siluis Aquilo decussit honorem;
Iam tum acer curas venientem extendit in annum 405
Rusticus, & curuo Saturni dente relictam
Persequitur vitem attondens, fingitque putando.
Primus humum fodito, primus deuecta cremato
Sarmenta, & vallos primus sub testa referto:
Postremus metito. Bis vitibus ingruit umbra: 410
Bis segetem densis obducunt sentibus herbae.
Durus vterque labor. Laudato ingentia rura,
Exiguum colito. Nec non etiam aspera rusci,
Vimina per siluam, & ripis fluuialis arundo
Caeditur, incultique exercet cura salicti. 415
Iam vinctae vites: iam falcem arbuta reponunt:
Iam canit extremos effoetus vinitor antes.
Sollicitanda tamen tellus, pulvisque mouendus.
Et iam maturis metuendus Iuppiter vuīs.

Contra, non vlla est oleis cultura: neque illae 420
Procuruam expectant falcem rastrosque tenaces;
Quum semel haeserunt aruis, aurasque tulerunt.
Ipsa satis tellus, quum dente recluditur vnco,
Sufficit humorem, & grauidas cum vomere fruges.
Hoc pinguem & placitam paci nutritor oliuam. 425

Poma quoque, vt primum truncos fenfere valentes;
Et vires habuere fuas; ad fidera raptim
Vi propria nituntur, opisque haud indiga noſtrae.
Nec minus interea foetu nemus omne graueſcit,
Sanguineisque inculta rubent auiaria baccis. 430
Tondentur cytiſi, taedas ſilua alta miniſtrat,
Paſcunturque ignes nocturni, & lumina fundunt.
Et dubitant homines ferere, atque impendere curam?
Quid maiora ſequar? falices, humilesque geneſtae,
Aut illae pecori frondem, aut paſtoribus vmbras 435
Sufficiunt, ſaepemque ſatis, & pabula melli.
Et iuuat vndantem buxo ſpectare Cytorum,
Naryciaeque picis lucos: iuuat arua videre,
Non raſtris, hominum non vlli obnoxia curae.
Ipſae Caucaſeo ſteriles in vertice ſiluae, 440
Quas animoſi Euri adſidue franguntque feruntque,
Dant alios aliae foetus: dant vtile lignum
Nauigiis pinos, domibus cedrumque cupreſſosque:
Hinc radios triuere rotis, hinc tympana plauſtris
Agricolae, & pandas ratibus poſuere carinas. 445
Viminibus falices foecundae, frondibus vلمي:
At myrtus validis haſtilibus, & bona bello
Cornus: Ityraeos taxi torquentur in arcus.
Nec tiliae leues aut torno raſile buxum
Non formam accipiunt, ferroque cauantur acuto: 450
Nec non & torrentem vndam leuis innatat alnus
Miſſa Pado: nec non & apes examina condunt

Corticibusque cauis, vitiofaeque ilicis alueo.
Quid memorandum aequae Baccheia dona tulerunt?
Bacchus & ad culpam causas dedit; ille furens 455
Centauros leto domuit, Rhoetumque, Pholumque,
Et magno Hylaeum Lapithis cratere minantem.

O fortunatos nimium, sua si bona norint,
Agricolae! quibus ipsa, procul discordibus armis,
Fundit humo facilem victum iustissima tellus. 460
Si non ingentem foribus domus alta superbis
Mane salutantum totis vomit aedibus undam;
Nec varios inhiant pulchra testudine postes,
Illusasque auro vestes, Ephyreiaque aera;
Alba neque Assyrio fucatur lana veneno, 465
Nec casia liquidi corrumpitur usus oliui:
At secura quies, & nescia fallere vita,
Diues opum variarum; at latis otia fundis,
Speluncae, viuique lacus; at frigida Tempe,
Mugitusque bouum, mollesque sub arbore somni 470
Non absunt. Illic saltus ac lustra ferarum,
Et patiens operum, exiguoque adsueta iuuentus,
Sacra Deum, sanctique patres: extrema per illos
Iustitia excedens terris vestigia fecit.

Me vero primum dulces ante omnia Musae, 475
Quarum sacra fero ingenti percussus amore,
Accipiant; caelique vias, & sidera monstrent:
Defectus solis varios, lunaeque labores:
Vnde tremor terris: qua vi maria alta tumescant

Obiicibus ruptis, rursusque in se ipsa residant: 480
Quid tantum Oceano properent se tingere soles
Hiberni, vel quae tardis mora noctibus obstet.
Sin, has ne possim naturae accedere partes,
Frigidus obstiterit circum praecordia sanguis;
Rura mihi & rigui placeant in vallibus amnes; 485
Flumina amem, silvasque inglorius. O, vbi campi,
Spercheosque, & virginibus bacchata Lacaenis
Taygeta: o, qui me gelidis in vallibus Haemi
Sistat, & ingenti ramorum protegat vmbra!

Felix, qui potuit rerum cognoscere causas: 490
Atque metus omnes & inexorabile fatum
Subiecit pedibus, strepitumque Acherontis auari!
Fortunatus & ille, Deos qui nouit agrestes,
Panaque, Siluanumque fenem: Nymphasque sorores!
Illum non populi fasces, non purpura regum 495
Flexit, & infidos agitans discordia fratres;
Aut coniurato descendens Dacus ab Histro:
Non res Romanae, perituraque regna: neque ille,
Aut doluit miserans inopem, aut inuidit habenti.
Quos rami fructus, quos ipsa voluntia rura 500
Sponte tulere sua, carpfit: nec ferrea iura,
Infanumque forum, aut populi tabularia vidit.

Sollicitant alii remis freta caeca, ruuntque
In ferrum, penetrant aulas, & limina regum:
Hic petit excidiis urbem, miserosque Penates, 505
Vt gemma bihat, & Sarrano indormiat ostro:


Condit opes alius, defossoque incubat auro.
Hic stupet attonitus Rostris: hunc plausus hiantem
Per cuneos (geminatus enim) plebisque patrumque
Corripuit: gaudent perfusi sanguine fratrum, 510
Exilioque domos & dulcia limina mutant;
Atque alio patriam quaerunt sub sole iacentem.
Agricola incuruo terram dimouit aratro:
Hinc anni labor: hinc patriam paruosque nepotes
Sustinet; hinc armenta boum, meritosque iu-
uencos. 515

Nec requies, quin aut pomis exuberet annus,
Aut foetu pecorum, aut Cerealis mergite culmi:
Prouentuque oneret fulcos, atque horrea vincat.
Venit hiems, teritur Sicyonia bacca trapetis:
Glande fues laeti redeunt: dant arbuta siluae: 520
Et varios ponit foetus autumnus: & alte
Mitis in apricis coquitur vindemia faxis.

Interea dulces pendent circum oscula nati:
Casta pudicitiam seruat domus: vbera vaccae
Lactea demittunt: pinguesque in gramine laeto 525
Inter se aduersis luctantur cornibus haedi.
Ipse dies agitat festos: fususque per herbam,
Ignis vbi in medio, & focii cratera coronant,
Te, libans, Lenaeae, vocat: pecorisque magistris
Velocis iaculi certamina ponit in vlmo: 530
Corporaque agresti nudant praedura palaestra.

Hanc olim veteres vitam coluere Sabini:

Hanc Remus & frater: sic fortis Etruria creuit:
 Scilicet & rerum facta est pulcherrima Roma,
 Septemque vna sibi muro circumdedit arces. 535
 Ante etiam sceptrum Dictaei regis, & ante
 Impia quam caesis gens est epulata iuencis,
 Aureus hanc vitam in terris Saturnus agebat.
 Nec dum etiam audierant inflari classica, nec dum
 Impositos duris crepitare incudibus enses. 540
 Sed nos immensum spatiiis confecimus aequor:
 Et iam tempus equum fumantia soluere colla.




P. VIRGILII M.
 G E O R G I C O N
 LIBER III.

A r g u m e n t u m.

Exordium tria continet: inuocationem Deorum, qui pabulo & pecorum pastui praesident: deinde laudes Octauiani: denique inuitationem Maecenatis, cuius iussu susceptum id operis fuisse, rursus testatur. Sequuntur praeceptiones de cultura pecorum, quatuor in partes distinctae. I. Agit de bobus & equis. II. De ouibus & capris. III. De

canibus. IV. De rebus pecori infestis; nempe serpentibus, scabie, febris, ac peste: quae pestis descriptio epilogi locum obtinet. Sparsae sunt praeterea toto libro fusiores, oblectationis causa, descriptiones: quasi quaedam diuerticula. Talis est descriptio cursus equestris, v. 103. Asili siue oestri, v. 146. Taurorum amantium, v. 217. Furiarum amoris, v. 242. Scythicae hiemis, v. 349.



Te quoque, magna Pales, & te memorande canemus

Pastor ab Amphryso: vos, silvae amnesque Lycei.
 Cetera, quae vacuas tenuissent carmine mentes,
 Omnia iam vulgata. Quis aut Eurysthea durum,
 Aut ihaudati nescit Busiridis aras? 5
 Cui non dictus Hylas puer, & Latonia Delos?
 Hippodameque, humeroque Pelops insignis eburno,
 Acer equis? Tentanda via est, qua me quoque possim
 Tollere humo, victorque virum volitare per ora.
 Primus ego in patriam mecum, modo vita superfit, 10
 Aonio rediens deducam vertice Musas:
 Primus Idumaeas referam tibi, Mantua, palmas:
 Et viridi in campo templum de marmore ponam
 Propter aquam, tardis ingens vbi flexibus errat
 Mincius, & tenera praetexit arundine ripas. 15

In medio mihi Caesar erit, templumque tenebit.
Illi victor ego, & Tyrio conspectus in ostro
Centum quadriiugos agitabo ad flumina currus.
Cuncta mihi, Alpheum linquens lacosque Molorchi,
Curfibus & crudo decernet Graecia cestu. 20
Ipse caput tonsae foliis ornatus oliuae,
Dona feram. Iam nunc sollemnes ducere pompas
Ad delubra iuuat, caesosque videre iuuenos:
Vel scena ut versis discedat frontibus, utque
Purpurea intexti tollant aulaea Britanni. 25
In foribus pugnam ex auro solidoque elephanto
Gangaridum faciam, victorisque arma Quirini:
Atque hic vndantem bello, magnumque fluentem
Nilum, ac uuali surgentes aere columnas.
Addam vrbes Asiae domitas, pulsumque Niphaten, 30
Fidentemque fuga Parthum versisque sagittis,
Et duo rapta manu diuerso ex hoste tropaea,
Bisque triumphatas utroque ab littore gentes.
Stabunt & Parii lapides, spirantia signa,
Assaraci proles, demissaeque ab Ioue gentis 35
Nomina, Trosque parens, & Troiae Cynthius auctor.
Inuidia infelix furias amnemque feuerum
Cocyti metuet, tortosque Ixionis angues,
Immanemque rotam, & non exsuperabile saxum.
Interea Dryadum siluas saltusque sequamur 40
Intactos, tua, Maecenas, haud mollia iussa.
Te sine nil altum mens inchoat. En age segnes

Rumpe moras: vocat ingenti clamore Cithaeron,
 Taygetique canes, domitrixque Epidaurus equorum:
 Et vox ad sensu nemorum ingeminata remugit. 45
 Mox tamen ardentes adcingar dicere pugnas
 Caesaris, & nomen fama tot ferre per annos,
 Tithoni prima quot abest ab origine Caesar.

Seu quis, Olympiacae miratus praemia palmae,
 Pascit equos; seu quis fortes ad aratra iuuenkos, 50
 Corpora praecipue matrum legat. Optima torvae
 Forma bouis, cui turpe caput, cui plurima ceruix,
 Et crurum tenuis a mento palcaria pendent.

Tum longo nullus lateri modus: omnia magna:
 Pes etiam, & camuris hirtae sub cornibus aures. 55
 Nec mihi displiceat maculis insignis & albo,
 Aut iuga detrectans; interdumque aspera cornu,
 Et faciem tauro propior, quaeque ardua tota,
 Et gradiens ima verrit vestigia cauda.

Aetas Lucinam iustosque pati hymenaeos 60
 Desinit ante decem, post quatuor incipit annos:
 Cetera nec foeturae habilis; nec fortis aratri.
 Interea, superat gregibus dum laeta iuuentas,
 Solue mares: mitte in Venerem pecuaria primus,
 Atque aliam ex alia generando suffice prolem. 65
 Optima quaeque dies miseris mortalibus aevi
 Prima fugit: subeunt morbi, tristisque senectus:
 Et labor, & durae rapit inclementia mortis.

Semper erunt, quarum mutari corpora malis.

Semper enim refice: ac, ne post amissa requiras, 70
Anteueni, & sobolem armento fortire quot annis.
Nec non & pecori est idem delectus equino.
Tu modo, quos in spem statues submittere gentis,
Praecipuum iam inde a teneris impende laborem.
Continuo pecoris generosi pullus in aruis 75
Altius ingreditur, & mollia crura reponit:
Primus & ire viam, & fluuios tentare minaces
Audet, & ignoto sese committere ponti:
Nec vanos horret strepitus. Illi ardua ceruix,
Argutumque caput, brevis aluus, obesaque terga: 80
Luxuriatque toris animosum pectus: honesti
Spadices, glaucique; color deterrimus albis,
Et giluo. Tum si qua sonum procul arma dedere,
Stare loco nescit; micat auribus, & tremit artus;
Collectumque premens voluit sub naribus ignem: 85
Densa iuba, & dextro iactata recumbit in armo.
At duplex agitur per lumbos spina; cauatque
Tellurem, & solido grauitè sonat vngula cornu.
Talis Amyclaei domitus Pollucis habenis
Cyllarus, &, quorum Graii meminere poetae, 90
Martis equi biuges, & magni currus Achilli.
Talis & ipse iubam ceruice effudit equina
Coniugis aduentu pernix Saturnus, & altum
Pelion hinnitu fugiens impleuit acuto.

Hunc quoque, vbi aut morbo grauis, aut iam
segnior annis 95

Deficit, abde domo, nec turpi ignosce fenestae.
Frigidus in Venerem senior, frustraue laborem
Ingratum trahit: &, si quando ad praelia ventum est.
Vt quondam in stipulis magnus sine viribus ignis,
Incaustum furit. Ergo animos aeuumque notabis 100
Praecipue: Hinc alias artes, prolemque parentum:
Et quis cuique dolor victo, quae gloria palmae.
Nonne vides, quum praecipiti certamine campum
Corripuere, ruuntque effusi carcere currus,
Quum spes arrectae iuuenum, exultantiaque haurit 105
Corda pauor pulsans: illi instant verbere torto,
Et proni dant lora: volat vi feruidus axis.
Iamque humiles, iamque elati sublime videntur
Aera per vacuum ferri, atque adfurgere in auras.
Nec mora, nec requies. At fulvae nimbus arenae 110
Tollitur: humescunt spumis, flatuque sequentum.
Tantus amor laudum, tantae est victoria curae.

Primus Erichthonius currus & quatuor ausus
Iungere equos, rapidusque rotis insilire victor.
Frena Pelethronii Lapithae, gyrosque dedere 115
Impositi dorso, atque equitem docuere sub armis
Insultare solo, & gressus glomerare superbos.
Aequus vterque labor: aequae iuuenemque magistri
Exquirunt, calidumque animis, & cursibus acrem.
Quamuis saepe fuga versos ille egerit hostes, 120
Et patriam Epirum referat, fortesque Mycenae;
Neptunique ipsa deducat origine gentem.

His animaduerfis instant sub tempus, & omnes
Impendunt curas denso distendere pingui,
Quem legere ducem, & pecori dixere maritum: 125
Pubentesque secant herbas, fluuiosque ministrant,
Farraque: ne blando nequeat superesse labori;
Inualidique patrum referant ieiunia nati:
Ipfa autem macie tenuant armenta volentes.
Atque, vbi concubitus primos iam nota voluptas 130
Sollicitat, frondesque negant, & fontibus arcant:
Saepe etiam cursu quatiunt, & sole fatigant,
Quum grauitur tunsis gemit area frugibus, & quum
Surgentem ad Zephyrum paleae iactantur inanes.
Hoc faciunt, nimio ne luxu obtusior vsus 135
Sit genitali aruo & sulcos oblimet inertes:
Sed rapiat sitiens Venerem, interiusque recondat.
Rursus cura patrum cadere, & succedere matrum
Incipit. Exactis grauidae quum mensibus errant,
Non illas grauibz quisquam iuga ducere plaustris, 140
Non saltu superare viam sit passus, & acri
Carpere prata fuga, fluuiosque innare rapaces.
Saltibus in vacuis pascant, & plena secundum
Flumina: muscus vbi, & viridissima gramine ripa,
Speluncaeque tegant, & faxea procubet vmbra. 145
Est lucos Silari circa ilicibusque virentem
Pluribus Alburnum volitans, cui nomen asilo.
Romanum est, oestrum Graii vertere vocantes;
Asper, acerba sonans: quo tota exterrita filuis

Diffugiunt armenta; furit mugitibus aether 150
Concussus, silvaeque, & sicci ripa Tanagri.

Hoc quondam monstro horribiles exercuit iras
Inachiae Iuno pestem meditata iuuencae.

Hunc quoque, nam mediis feruoribus acrior instat,
Arcebis grauido pecori, armentaque pasces 155
Sole recens orto, aut noctem ducentibus astris.

Post partum cura in vitulos traducitur omnis:

Continuoque notas & nomina gentis inurunt:

Et quos aut pecori malint submittere habendo,
Aut aris feruare sacros, aut scindere terram, 160
Et campum horrentem fractis inuertere glebis.

Cetera pascuntur virides armenta per herbas:

Tu quos ad studium atque vsum formabis agrestem,
Iam vitulos hortare, viamque insiste domandi,
Dum faciles animi iuuenum, dum mobilis aetas. 165

Ac primum laxos tenui de vimine circlos

Ceruici subnecte: dehinc, vbi libera colla

Seruitio adsuerint, ipsis e torquibus aptos

Iunge pares, & coge gradum conferre iuuenkos:

Atque illis iam saepe rotae ducantur inanes 170

Per terram, & summo vestigia puluere signent.

Post valido nitens sub pondere faginus axis

Instrepat, & iunctos temo trahat aereus orbes.

Interea pubi indomitae non gramina tantum,

Nec vefcas salicum frondes, vluamque palustrem, 175

Sed frumenta manu carpes fata: nec tibi foetae

More patrum niuea implebunt mulctraria vaccae,
Sed tota in dulces confument vbera natos.

Sin ad bella magis studium, turmasque feroces,
Aut Alphea rotis praelabi flumina Pisæ, 180
Et Iouis in luco currus agitare volantes;
Primus equi labor est, animos atque arma videre
Bellantum, lituosque pati; tractuque gementem
Ferre rotam, & stabulo frenos audire sonantes.
Tum magis atque magis blandis gaudere magistri 185
Laudibus, & plausæ sonitum ceruicis amare.
Atque hæc iam primo depulsus ab vbere matris
Audeat, inque vicem det mollibus ora capistris
Inualidus, & iamque tremens, & iam inscius æui.
At, tribus exactis, vbi quarta accesserit æstas, 190
Carpere mox gyrum incipiat, gradibusque sonare
Compositis, sinuetque alterna volumina crurum;
Sitque laboranti similis: tum cursibus auras
Tum vocet, ac per aperta volans, ceu liber habenis,
Aequora, vix summa vestigia ponat arena: 195
Qualis, Hyperboreis Aquilo quum densus ab oris
Incubuit, Scythiæque hiemes atque arida differt
Nubila: tum segetes altae campique natantes
Lenibus horrescunt flabris, summaeque sonorem
Dant. silvæ, longique vrgent ad littora fluctus: 200
Ille volat, simul arua fuga, simul aequora verrens.
Hic vel ad Elei metas, & maxima campi
Sudabit spatia, & spumas aget ore cruentas:

Belgica vel molli melius feret effeda collo.
Tum demum crassa magnum farragine corpus 205
Crescere iam domitis finito : namque ante domandum
Ingentes tollent animos ; prenſique negabunt
Verbera lenta pati, & duris parere lupatis.

Sed non ylla magis vires industria firmat,
Quam Venerem & caeci ſtimulos auertere amoris, 210
Siue boum, ſiue eſt cui gratior uſus equorum.
Atque ideo tauros procul atque in ſola relegant
Paſcua, poſt montem oppoſitum, & trans flumina lata :
Aut intus clauſos ſatura ad praeſepia ſeruant.
Carpit enim vires paullatim, vritque videndo 215
Femina : nec nemorum patitur meminiffe, nec
herbae.

Dulcibus illa quidem illecebris & ſaepe ſuperbos
Cornibus inter ſe ſubigit decernere amantes.
Paſcitur in magna ſilua formoſa iuuenca :
Illi alternantes multa vi praelia miſcent 220
Vulneribus crebris : lauit ater corpora ſanguis,
Verſaque in obnixos vrgentur cornua vaſto
Cum gemitu : reboant ſilvaeque & longus Olympus.
Nec mos bellantes vna ſtabulare : ſed alter
Viſtus abit, longeque ignotis exulat oris ; 225
Multa gemens, ignominiam, plagasque ſuperbi
Victoris ; tum, quos amiſit inultus, amores ;
Et ſtabula adſpectans regnis exceſſit auitis.
Ergo omni cura vires exercet, & inter

Dura iacet pernox instrato faxa cubili, 230
Frondeb. hirsutis & carice pastus acuta:
Et tentat sese, atque irasci in cornua discit
Arboris obnixus trunco: ventosque laceffit,
Ictibus, & sparsa ad pugnam proludit arena.
Post, ubi collectum robur, viresque resectae, 235
Signa mouet; praecepsque oblitum fertur in hostem:
Fluctus ut, in medio coepit quum albescere ponto,
Longius, ex altoque sinum trahit; utque volutus
Ad terras, immane sonat per saxa, neque ipso
Monte minor procumbit: at ima exaequat vnda 240
Verticibus, nigramque alte subiecit arenam.

Omne adeo genus in terris hominumque ferarum-
que,

Et genus aequoreum, pecudes, pictaeque volucres,
In furias ignemque ruunt. Amor omnibus idem.
Tempore non alio catulorum oblita leaena 245
Saeuior errauit campis: nec funera vulgo
Tam multa informes vrsi stragemque dedere
Per siluas. Tum saeuus aper, tum pessima tigris.
Heu! male tum Libyae solis erratur in agris.
Nonne vides, ut tota tremor pertentet equorum 250
Corpora, si tantum notas odor attulit auras!
Ac neque eos iam frena virum, neque verbera saeva,
Non scopuli, rupesque cauae, atque obiecta retardant
Flumina, correptosque vnda torquentia montes:
Ipse ruit, dentesque Sabellicus exacuit sus, 255

Et pede profubigit terram, fricat arbore costas,
Atque hinc atque illinc humeros ad vulnera durat.
Quid iuuenis, magnum cui versat in ossibus ignem
Durus amor? nempe abruptis turbata procellis
Nocte natat caeca ferus freta: quem super ingens 260
Porta tonat caeli, & scopulis illisa reclamant
Aequora; nec miseri possunt reuocare parentes,
Nec moritura super crudeli funere virgo.

Quid Lynces Bacchi variae, & genus acre luporum,
Atque canum? quid, quae imbelles dant praelia
cerui? 265

Scilicet ante omnes furor est insignis equarum:
Et mentem Venus ipsa dedit, quo tempore Glauci
Potniades malis membra absumfere quadrigae.
Illas ducit amor trans Gargara, transque sonantem
Ascanium: superant montes, & flumina tranant. 270
Continuoque audis ubi subdita flamma medullis,
Vere magis (quia vere calor redit ossibus) illae
Ore omnes versae in Zephyrum stant rupibus altis,
Exceptantque leues auras: & saepe sine vllis
Coniugiis, vento grauidae (mirabile dictu) 275
Saxa per & scopulos & depressas conualles
Diffugiunt; non, Eure, tuos, neque solis ad ortus;
In Borean Caurumque, aut vnde nigerrimus Auster
Nascitur, & pluuio contristat frigore caelum.
Hic demum, hippomanes vero quod nomine di-
cunt 280

Pastores, lentum destillat ab inguine virus:
Hippomanes, quod saepe malae legere nouercae,
Miscueruntque herbas, & non innoxia verba.
Sed fugit interea, fugit irreparabile tempus,
Singula dum capti circumuectamur amore. 285

Hoc fatis armentis. Superat pars altera curae,
Lanigeros agitare greges, hirtasque capellas.
Hic labor: hinc laudem fortes sperate coloni.
Nec sum animi dubius, verbis ea vincere magnum
Quam sit, & angustis hunc addere rebus honorem. 290
Sed me Parnassi deserta per ardua dulcis
Raptat amor; iuuat ire iugis, qua nulla priorum
Castaliam molli deuertitur orbita cliuo.

Nunc, veneranda Pales, magno nunc ore sonandum.
Incipiens stabulis edico in mollibus herbam 295
Carpere oues, dum mox frondosa reducitur aestas:
Et multa duram stipula filicumque manipulis
Sternere subter humum, glacies ne frigida laedat
Molle pecus, scabiemque ferat, turpesque podagras.
Post hinc digressus iubeo frondentia capris 300
Arbuta sufficere, & fluuios praebere recentes;
Et stabula a ventis hiberno opponere soli
Ad medium conuersa diem: quum frigidus olim
Iam cadit, extremoque irrorat Aquarius anno.

Hae quoque non cura nobis leuiore tuendae; 305
Nec minor usus erit: quamuis Milesia magno
Vellera mutantur Tyrios incocta rubores.

Densior hinc foboles : hinc largi copia lactis.
Quam magis exhausto spumauerit vbera mulctra;
Laeta magis pressis manabunt flumina mammis. 310
Nec minus interea barbas incanaque menta
Cinyphii tondent hirci, saetasque comantes,
Vsum in castrorum, & miseris velamina nautis.
Pascuntur vero siluas, & summa Lycaeï,
Horrentesque rubos, & amantes ardua dumos. 315
Atque ipsae memores redeunt in tecta, suosque
Ducunt, & gaudio superant vix vbera limen.
Ergo omni studio glaciem ventosque nivales,
Quominus est illis curae mortalis egestas,
Auertes : victumque feres, & virgea laetus 320
Pabula; nec tota claudes foenilia bruma.
At vero, Zephyris quum laeta vocantibus aestas,
In saltus vtrumque gregem, atque in pascua mittes;
Luciferi primo cum sidere frigida rura
Carpamus, dum mane nouum, dum gramina ca-
nent, 325
Et ros in tenera pecori gratissimus herba.
Inde, vbi quarta sitim caeli collegerit hora;
Et cantu querulae rumpent arbuta cicadae;
Ad puteos, aut alta greges ad stagna iubeto
Currentem ilignis potare canalibus undam : 330
Aestibus at mediis vmbrosam exquirere vallem,
Sicubi magna Iouis antiquo robore quercus
Ingentes tendat ramos : aut sicubi nigrum

Ilicibus crebris sacra nemus adcubet vmbra.
Tum tenues dare rursus aquas, & pascere rursus 335
Solis ad occasum: quum frigidus aera Vesper
Temperat, & saltus reficit iam roscida luna,
Littoraque Alcyonen resonant, acalanthida dumi.

Quid tibi pastores Libyae, quid pascua versu
Prosequar, & raris habitata mapalia testis? 340
Saepe diem noctemque, & totum ex ordine mensem
Pascitur, idque pecus longa in deserta sine vllis
Hospitiis: tantum campi iacet. Omnia secum
Armentarius Afer agit, testumque, laremque,
Armaque, Amyclaeumque canem, Cressamque pha-
retram. 345

Non secus ac patriis acer Romanus in armis
Iniusto sub fasce viam quum carpit, & hosti
Ante expectatum positus stat in agmine castris.

At non, qua Scythiae gentes, Maeotiaque vnda,
Turbidus & torquens flauentes Ister arenas, 350
Quaque redit medium Rhodope porrecta sub axem,
Illic clausa tenent stabulis armenta; neque vllae
Aut herbae campo adparent, aut arbore frondes:
Sed iacet aggeribus niucis informis, & alto
Terra gelu late, septemque adsurgit in vlnas. 355
Semper hiems, semper spirantes frigora Cauri.
Tum sol pallentes haud vnquam discutit vmbas:
Nec quum inuectus equis altum petit aethera: nec quum
Praecipitem Oceani rubro lauit aequore currum.

Concreſcunt ſubitae currenti in flumine cruſtae, 360
Vndaque iam tergo ferratos fuſtinet orbes,
Puppibus illa prius patulis, nunc hospita plauſtris.
Aeraque diſſiliunt vulgo, veſtesque rigescunt
Indutae, caeduntque ſecuribus humida vina,
Et totae ſolidam in glaciem vertere lacunae, 365
Stiriaque impexis induruit horrida barbis.
Interea toto non ſecius aere ningit:
Intereunt pecudes, ſtant circumfuſa pruinis
Corpora magna boum: conſertoque agmine cerui
Torpent mole noua, & ſummis vix cornibus ex-
tant. 370

Hoſ non immiſſis canibus, non caſſibus vllis,
Puniceaeue agitant pauidos formidine pinnae:
Sed fruſtra oppoſitum trudentes pectore montem
Cominus obtruncant ferro, grauiterque rudentes
Caedunt, & magno laeti clamore reportant. 375
Ipsi in defoſſis ſpecubus ſecura ſub alta
Otia agunt terra, congeſtaque robora, totasque
Adiuvare focis vltimos, ignique dedere.
Hic noctem ludo ducunt, & pocula laeti
Fermento atque acidis imitantur vitea forbis. 380
Talis Hyperboreo ſeptem ſubieſta trioni
Gens effrena virum Rhipaeo tunditur Euro,
Et pecudum fulvis velatur corpora ſaetis.

Si tibi lanitium curae; primum aſpera ſilua,
Lappaeque tribulique abſint: fuge pabula laeta; 385

Continuoque greges villis lege mollibus albos.
Illum autem, quamuis aries sit candidus ipse,
Nigra subest vdo tantum cui lingua palato,
Reiice, ne maculis infuscet vellera pullis
Nascentum: plenoque alium circumspice campo. 390
Munere sic niueo lanae, si credere dignum est,
Pan Deus Arcadiae captam te, luna, fefellit,
In nemora alta vocans: nec tu aspernata vocantem.

At cui lactis amor, cytisum, lotosque frequentes
Ipse manu, salvasque ferat praesepibus herbas. 395
Hinc & amant fluuios magis, ac magis vbera tendunt,
Et salis occultum referunt in lacte saporem.
Multi iam excretos prohibent a matribus haedos,
Primaque ferratis praefigunt ora capistris.
Quod surgente die mulsere horisque diurnis, 400
Nocte premunt; quod iam tenebris & sole cadente,
Sub lucem exportans calathis adit oppida pastor:
Aut parco fale contingunt, hiemique reponunt.

Nec tibi cura canum fuerit postrema: sed vna
Veloces Spartae catulos, acremque Molossum, 405
Pasce sero pingui. Nunquam custodibus illis
Nocturnum stabulis furem, incursumque luporum,
Aut impacatos a tergo horrebis Hiberos.
Saepe etiam cursu timidos agitabis onagros,
Et canibus leporem, canibus venabere damas. 410
Saepe volutabris pulsos siluestribus apros

Latratu turbabis agens, montesque per altos
Ingentem clamore premes ad retia ceruum.

Disce & odoratam stabulis accendere cedrum,
Galbaneoque agitare graues nidore chelydros. 415
Saepe sub immotis praesepibus aut mala tactu
Vipera delituit, caelumque exterrita fugit:
Aut testō adsuētus coluber succedere & umbræ,
Pestis acerba boum, pecorique adspargere virus,
Fouit humum. Cape saxa manu, cape robora,
pastor, 420

Tollentemque minas & sibila colla tumentem
Deiice. Iamque fuga timidum caput abdedit alte,
Quum medii nexus, extremaeque agmina caudae
Soluuntur, tardosque trahit sinus vltimus orbes.
Est etiam ille malus Calabris in saltibus anguis, 425
Squamea conuoluens sub lato pectore terga,
Atque notis longam maculosus grandibus aluum:
Qui dum amnes vlli rumpuntur fontibus, & dum
Vere madent vdo terrae, ac pluuiialibus Austris,
Stagna colit, ripisque habitans, hic piscibus
atram 430

Improbis ingluuiem ranisque loquacibus explet.
Postquam exusta palus, terraeque ardore dehiscunt,
Exsilit in siccum, & flammantia lumina torquens
Saeuit agris, asperque siti atque exterritus aestu.
Ne mihi tum molles sub dio carpere somnos, 435
Neu dorso nemoris libeat iacuisse per herbas:

Quum positis nouus exuuiis nitidusque iuuenta
Voluitur, aut catulos tectis aut oua relinquens,
Arduus ad solem & linguis micat ora trifulcis.

Morborum quoque te causas & signa docebo. 440

Turpis oues tentat scabies, vbi frigidus imber

Altius ad viuum perfedit, & horrida cano

Bruma gelu: vel quum tonsis illotus adhaesit

Sudor, & hirsuti secuerunt corpora vepres.

Dulcibus idcirco fluuiis pecus omne magistri 445

Perfundunt, vdisque aries in gurgite villis

Mersatur, missusque secundo defluit amni:

Aut tonsum tristi contingunt corpus amurca,

Et spumas miscent argenti, viuaque sulfura,

Idaeasque pices, & pingues vngue ceras, 450

Scillamque, elleborosque graues, nigrumque bi-
tumen.

Non tamen vlla magis praesens fortuna laborum est,

Quam si quis ferro potuit rescindere summum

Vlceris os. Alitur vitium, viuitque tegendo:

Dum medicas adhibere manus ad vulnera pastor 455

Abnegat, aut meliora Deos sedet omina poscens.

Quin etiam, ima dolor balantum lapsus ad ossa

Quum furit, atque artus depascitur arida febris,

Profuit incensos aestus auertere, & inter

Ima ferire pedis salientem sanguine venam: 460

Bifaltae quo more solent, acerque Gelonus,

Quum fugit in Rhodopen, atque indeferta Getarum,

Et lac concretum cum sanguine potat equino.

Quam procul, aut molli succedere faepius vmbrae:

Videris, aut fummas carpentem ignauius herbas, 465

Extremamque fequi, aut medio procumbere campo

Pascentem, & ferae solam decedere nocti :

Continuo ferro culpam compeſce, priusquam

Dira per incautum ferpant contagia vulgus.

Non tam creber agens hiemem ruit aequore

turbo , 470

Quam multae pecudum pestes. . Nec singula morbi

Corpora corripunt; sed tota aestiua repente,

Spemque, gregemque simul, cunctamque ab origine

gentem.

Tum sciat, aeras Alpes, & Norica si quis

Castella in tumulis, & Iapydis arua Timaui, 475

Nunc quoque post tanto videat desertaque regna.

Pastorum, & longe saltus lateque vacantes.

Hic quondam morbo caeli miseranda coorta est

Tempestas, totoque autumnu incanduit aestu,

Et genus omne neci pecudum dedit, omne fera-

rum: 480.

Corrupitque lacus; infecit pabula tabo.

Nec via mortis erat simplex; fed vbi ignea venis

Omnibus acta siti miseros adduxerat artus:

Rursus abundabat fluidus liquor: omniaque in fe

Offa minutatim morbo collapsa trahebat. 485

Saepe in honore Deum medio stans hostia ad aram,

Lanea dum niuea circumdatur infula vitta,
Inter cunctantes cecidit moribunda ministros.
Aut si quam ferro mastrauerat ante sacerdos,
Inde neque impositis ardent altaria fibris; 490.
Nec responsa potest consultus reddere vates:
Ac vix suppositi tinguntur sanguine cultri,
Summaque ieiuna sanie infuscatur arena.

Hinc laetis vituli vulgo moriuntur in herbis,
Et dulces animas plena ad praesepia reddunt. 495
Hinc canibus blandis rabies venit, & quatit aegros
Tussis anhela sues, ac faucibus angit obesis.
Labitur infelix, studiorum atque immemor herbae
Victor equus, fontesque auertitur, & pede terram
Crebra ferit: demissae aures: incertus ibidem 500
Sudor; & ille quidem morituris frigidus: aret
Pellis, & ad tactum tractanti dura resistit.

Haec ante exitium primis dant signa diebus.
Sin in processu coepit crudefcere morbus,
Tum vero ardentes oculi, atque attractus ab alto 505
Spiritus, interdum gemitu grauis, imaque longo
Hic singultu tendunt: it naribus ater
Sanguis, & obsessas fauces premit aspera lingua.
Profuit inserto latices infundere cornu
Lenaeos: ea visa salus morientibus vna. 510
Mox erat hoc ipsum exitio, furiisque reſecti
Ardebant, ipsique suos; iam morte sub aegra,

(Di meliora piis, erroremque hostibus illum!)
Discissos nudis laniabant dentibus artus.

Ecce autem duro fumans sub vomere taurus 515
Concidit, & mixtum spumis vomit ore cruorem,
Extremosque ciet gemitus. It tristis arator,
Moerentem abiungens fraterna morte iuuencom:
Atque opere in medio defixa relinquit aratra.
Non umbrae altorum nemorum, non mollia pos-
sunt 520

Prata mouere animum, non, qui per saxa volutus
Purior electro campum petit amnis: at ima
Soluuntur latera, atque oculos stupor vrget inertes,
Ad terramque fluit deuexo pondere ceruix.
Quid labor, aut benefacta iuuant? quid vomere
terras 525

Inuertisse graues? atqui non Massica Bacchi
Munera, non illis epulae nocuere repostae:
Frondebis & victu pascuntur simplicis herbae.
Pocula sunt fontes liquidi, atque exercita cursu
Flumina, nec somnos abrumpit cura salubres. 530


Tempore non alio dicunt regionibus illis
Quaesitas ad sacra boues Iunonis, & vris
Imparibus ductos alta ad donaria currus.
Ergo aegre rastris terram rimantur, & ipsis
Vnguibus infodiunt fruges, montesque per altos 535
Contenta ceruice trahunt stridentia plaustra.

Non lupus insidias explorat ouilia circum,
Nec gregibus nocturnus obambulat: acrior illum
Cura domat: timidi damae ceruique fugaces
Nunc interque canes & circum tecta vagantur. 540

Iam maris immensi prolem, & genus omne natantum
Littore in extremo, ceu naufraga corpora, fluctus
Proluit: insolitae fugiunt in flumina phocae.
Interit & curuis frustra defensa latebris
Vipera, & attoniti squamis adstantibus hydri. 545
Ipsis est aer auibus non aequus, & illae
Praecipites alta vitam sub nube relinquunt.

Praeterea nec iam mutari pabula refert,
Quaesitaeque nocent artes: cessere magistri
Phillyrides Chiron, Amythaoniusque Melampus. 550
Saeuit & in lucem Stygiis emissa tenebris
Pallida Tisiphone, morbos agit ante metumque,
Inque dies auidum surgens caput altius effert
Balatu pecorum, & crebris mugitibus amnes
Arentesque sonant ripae, collesque supini. 555
Iamque cateruatim dat stragem, atque aggerat ipsis
In stabulis turpi dilapsa cadauera tabo:
Donec humo tegere, ac foueis abscondere discunt.
Nam neque erat coriis usus: nec viscera quisquam
Aut vndis abolere potest, aut vincere flamma: 560
Nec tondere quidem morbo illuueque peresa
Vellera, nec telas possunt attingere putres.
Verum etiam inuisos si quis tentarat amictus;


Ardentes papulae, atque immundus olentia sudor
Membra sequebatur. Nec longo deinde moranti 565
Tempore contactos artus facer ignis edebat.



P. VIRGILII M.
G E O R G I C O N
LIBER IV.

A r g u m e n t u m.

Post breuem de apibus & mellatione propositionem, dedicationemque operis; opus ipsum octo partibus exsequitur: I. De comoda apum habitatione. II. De earum pabulatione, examinibus, pugnibus. III. De duabus earum speciebus. IV. De earum quasi ciuili prudentia & republica. V. De mellationis temporibus. VI. De moribus apum, morborumque signis ac remediis. VII. De apum reparatione, quum perierunt. VIII. De reparationis huius inuentione, & auctore, Aristaeo, cuius fabulam epilogi loco fuse narrat: eidemque attexit fabulam Eurydices & Orphei.



Protinus aerii mellis caelestia dona
 Exsequar. Hanc etiam, Maecenas, adspice partem.
 Admiranda tibi leuium spectacula rerum,
 Magnanimosque duces, totiusque ordine gentis
 Mores, & studia, & populos, & praelia dicam. 5
 In tenui labor: at tenuis non gloria; si quem
 Numina laeua sinunt, auditque vocatus Apollo.

Principio sedes apibus statioque petenda,
 Quo neque sit ventis aditus, (nam pabula venti
 Ferre domum prohibent) neque oues haedique
 petulci 10

Floribus insultent, aut errans bucula campo
 Decutiat rorem, & surgentes atterat herbas.
 Absint & picti squalentia terga lacerti
 Pinguibus a stabulis, meropesque, aliaeque volucres;
 Et manibus Procne pectus signata cruentis. 15
 Omnia nam late vastant, ipsasque volantes
 Ore ferunt dulcem nidis immitibus escam.

At liquidi fontes & stagna virentia musco
 Adsint, & tenuis, fugiens per gramina, riuus,
 Palmaque vestibulum aut ingens oleaster inumbret. 20
 Vt, quum prima noui ducent examina reges
 Vere suo, ludetque fauis emissa iuuentus,
 Vicina inuitet decedere ripa calori;
 Obuiaque hospitii teneat frondentibus arbos.

In medium, seu stabit iners, seu profluat humor, 25
 Transuersas falices, & grandia coniice saxa:
 Pontibus vt crebris possint consistere, & alas
 Pandere ad aestiuum solem; si forte morantes
 Sparserit, aut praeceps Neptuno immerferit Eurus:
 Haec circum casiae virides, & olentia late 30
 Serpylla, & grauiter spirantis copia thymbræ
 Floreat, irriguumque bibant violaria fontem.
 Ipsa autem, seu corticibus tibi suta cauatis,
 Seu lento fuerint aluearia vimine texta,
 Angustos habeant aditus. Nam frigore mella 35
 Cogit hiems, eademque calor liquefacta remittit.
 Vtraque vis apibus pariter metuenda: neque illae
 Nequicquam in tectis certatim tenuia cera
 Spiramenta linunt, fucoque & floribus oras
 Explent, collectumque haec ipsa ad munera gluten 40
 Et visco & Phrygiae seruant pice lentius Idae.
 Saepe etiam effossis (si vera est fama) latebris
 Sub terra fouere larem, penitusque repertae
 Pumicibusque cauis, exesaeque arboris antro.
 Tu tamen e leui rimosa cubilia limo 45
 Vnge fouens circum, & raras superiniice frondes.
 Neu propius tectis taxum sine, neuque rubentes
 Vre foco canculos, altae neu crede paludi:
 Aut vbi odor coeni grauis, aut vbi concaua pulsu
 Saxa sonant, vocisque offensa resultat imago. 50
 Quod superest, vbi pulsam hiemem sol aureus egit

Sub terras, caelumque aestiua luce reclusit,
Illae continuo saltus siluasque peragrant,
Purpureosque metunt flores, & flumina libant
Summa leues. Hinc nescio qua dulcedine laetae 55
Progeniem nidosque fouent: hinc arte recentes
Excudunt ceras, & mella tenacia fingunt.

Hinc ubi iam emissum caueis ad sidera caeli
Nare per aestatem liquidam suspexeris agmen,
Obscuramque trahi vento mirabere nubem; 60
Contemplator: aquas dulces, & frondea semper
Testa petunt. Huc tu iussos adsperge saporis,
Trita melisphylla, & cerinthae ignobile gramen:
Tinnitusque cie, & Matris quate cymbala circum,
Ipsae confidant medicatis sedibus; ipsae 65
Intima more suo sese in cunabula condent.

Sin autem ad pugnam exierint; nam saepe duobus
Regibus incessit magno discordia motu,
Continuoque animos vulgi & trepidantia bello
Corda licet longe praesciscere: namque morantes 70
Martius ille aeris-rauci canor increpat; & vox.
Auditur fractos sonitus imitata tubarum.
Tum trepidae inter se coeunt, pennisque coruscant,
Spiculaque exacuunt rostris, aptantque lacertos,
Et circa regem atque ipsa ad praetoria densae 75
Miscentur, magnisque vocant clamoribus hostem.
Ergo, ubi ver natae sudum camposque patentes,
Erumpunt portis; concurritur; aethere in alto

Fit sonitus, magnum mixtae glomerantur in orbem,
 Praecipitesque cadunt. Non densior aere grando, 80
 Nec de concussa tantum pluit ilice glandis.
 Ipsi per medias acies, insignibus alis,
 Ingentes animos angusto in pectore versant,
 Vsque adeo obnixi non cedere, dum grauis aut hos,
 Aut hos versa fuga victor dare terga subegit. 85
 Hi motus animorum atque haec certamina tanta
 Pulueris exigui iactu compressa quiescent.

Verum vbi ductores acie reuocaueris ambo;
 Deterior qui visus, eum, ne prodigus obsit,
 Dede neci: melior vacua sine regnet in aula. 90
 Alter erit maculis auro squalentibus ardens:
 (Nam duo sunt genera) hic melior, insignis & ore,
 Et rutilis clarus squamis: ille horridus alter
 Desidia, latamque trahens inglorius aluum.
 Vt binae regum facies, ita corpora plebis. 95
 Namque aliae turpes horrent: ceu puluere ab alto
 Quum venit, & terram sicco spuit ore viator
 Aridus: elucent aliae, & fulgore coruscant
 Ardentes auro, & paribus lita corpora guttis.
 Haec potior soboles. Hinc caeli tempore certo 100
 Dulcia mella premes: nec tantum dulcia, quantum
 Et liquida, & durum Bacchi domitura saporem.
 At quum incerta volant, caeloque examina ludunt,
 Contemnuntque fauos, & frigida tecta relinquunt;
 Instabiles animos ludo prohibebis inani. 105

Nec magnus prohibere labor. Tu regibus alas
Eripe. Non illis quisquam cunctantibus altum
Ire iter, aut castris audebit vellere signa.
Inuitent croceis halantes floribus horti,
Et custos furum atque auium cum falce saligna 110
Hellepontiaci seruet tutela Priapi.
Ipse thymum pinosque ferens de montibus altis
Testa ferat late circum, cui talia curae:
Ipse labore manum duro terat: ipse feraces
Fingat humo plantas, & amicos irriget imbres. 115
Atque equidem, extremo ni iam sub fine laborum
Vela traham, & terris festinem aduertere proram;
Forſitan &, pingues hortos quae cura colendi
Ornaret, canerem, biferique roſaria Paeſti:
Quoque modo potis gauderent intuba riuis; 120
Et virides apio ripae, tortusque per herbam
Cresceret in ventrem cucumis: nec ſera comantem
Narcifſum, aut flexi tacuiſſem vimen acanthi,
Pallentesque hederas, & amantes littora myrtos.
Namque ſub Oebaliae memini me turribus altis, 125
Qua niger humectat ſtauentia culta Galaefus,
Corycium vidiffe ſenem: cui pauca relict
Iugera ruris erant: nec fertilis illa iuuenſis,
Nec pecori opportuna ſeges, nec comoda Baccho.
Hic rarum tamen in dumis olus, albaque circum 130
Lilia, verbenasque premens, veſcumque papauer,
Regum aequabat opes animis; ſeraque reuertens

Noſte domum dapibus menſas onerabat inemtis.
Primus vere roſam atque autumnno carpere poma,
Et quum triſtis hiems etiamnum frigore ſaxa 135
Rumperet, & glacie curſus frenaret aquarum,
Ille comam mollis iam tum tondebat acanthi,
Aeſtatem increpitans ſeram Zephyrosque morantes.
Ergo apibus foetis idem atque examine multo
Primus abundare, & ſpumantia cogere preſſis 140
Mella fauis: illi tiliae, atque vberrima pinus:
Quotque in flore nouo pomis ſe fertilis arbor
Induerat, totidem autumnno matura tenebat.
Ille etiam ſeras in verſum diſtulit vltimos,
Eduramque pirum, & ſpinos iam pruna ferentes, 145
Iamque miniſtrantem platanum potantibus vmbraſ.
Verum haec ipſe equidem ſpatiis excluſus iniquis,
Praetereo, atque alijs poſt me memoranda relinquo.

Nunc age, naturas apibus quas Iuppiter ipſe
Addidit, expediam: pro qua mercede, caporos 150
Curetum ſonitus crepitantiaque aera ſecutae,
Diſtaeo caeli regem pauere ſub antro.
Solae communes natos, confortia teſta
Vrbis habent, magnisque agitant ſub legibus aeuum:
Et patriam ſolae, & certos nouere pœnates: 155
Venturaeque hiemis memores aeſtate laborem
Experiuntur, & in medium quaefita reponunt.
Namque aliae viſtu inuigilant, & foedere pacto
Exercentur agris: pars intra ſepta domorum

Narcissi lacrimam, & lentum de cortice gluten, 160

Prima fauis ponunt fundamina. Deinde tenaces

Suspendunt ceras: aliae, spem gentis, adultos

Educunt foetus: aliae purissima mella

Stipant: & liquido distendunt uestire cellas.

Sunt, quibus ad portas cecidit custodia forti: 165

Inque vicem speculantur aquas, & nubila caeli:

Aut onera accipiunt venientum, aut agmine facto

Ignauum, fucos, pecus a praesepibus arcent.

Feruet opus, redolentque thymo fragrantia mella.

Ac veluti, lentis Cyclopes fulmina massis 170

Quum properant, alii taurinis follibus auras

Accipiunt redduntque, alii stridentia tingunt

Aera lacu: gemit impositis incudibus Aetna.

Illi inter sese magna vi brachia tollunt

In numerum, versantque tenaci forcipe ferrum. 175

Non aliter, si parua licet componere magnis,

Cecropias innatus apes amor vrget habendi,

Munere quamque suo. Grandaevis oppida curae,

Et munire fauos, & Daedala fingere testa.

At fessae multa referunt se nocte minores, 180

Crura thymo plenae: pascuntur & arbuta passim,

Et glaucas salices, casiamque, crocumque rubentem,

Et pinguem tiliam, & ferrugineos hyacinthos.

Omnibus vna quies operum, labor omnibus vnus.

Mane ruunt portis; nusquam mora. Rursus eas-

dem

185

Vesper vbi e pastu tandem decedere campis
Admonuit, tum testâ petunt, tum corpora curant;
Fit sonitus, mussantque oras & limina circum.
Post, vbi iam thalamis se composuere, filetur
In noctem, fessosque sopor suus occupat artus. 190

Nec vero a stabulis pluuiâ impendente recedunt
Longius, aut credunt caelo aduentantibus Euris:
Sed circum tutae sub moenibus vrbis aquantur,
Excursusque breues tentant, & saepe lapillos,
Vt cymbae instabiles fluctu iactante saburram, 195
Tollunt: his sese per inania nubila librant.

Illum adeo placuisse apibus mirabere morem,
Quod nec concubitu indulgent, nec corpora segnes
In Venerem soluunt, aut foetus nixibus edunt:
Verum ipsae e foliis natos & suauibus herbis 200
Ore legunt: ipsae regem paruosque Quirites
Sufficiunt, aulasque, & cerea regna refingunt.

Saepe etiam duris errando in cotibus alas
Attriuere, vltroque animam sub fasce dedere.
Tantus amor florum, & generandi gloria mellis. 205
Ergo ipsas quamuis angusti terminus aevi
Excipiat: (neque enim plus septima ducitur aestas)
At genus immortale manet, multosque per annos
Stat fortuna domus, & aui numerantur auorum.

Praeterea regem non sic Aegyptos, & ingens 210
Lydia, nec populi Parthorum, aut Medus Hydaspes,
Obseruant. Rege incolumi mens omnibus vna est:

Amisso rupere fidem; constructaque mella
Diripuerunt ipsae, & crates soluere fauorum.
Ille operum custos: illum admirantur, & omnes 215
Circumstant fremitu denso, stipantque frequentes;
Et saepe attollunt humeris, & corpora bello
Obiestant, pulchramque petunt per vulnera mortem.

His quidam signis atque haec exempla secuti,
Esse apibus partem diuinæ mentis, & haustus 220
Aethérios dixere. Deum namque ire per omnes
Terrasque, tractusque maris, caelumque profundum.
Hinc pecudes, armenta, viros, genus omne ferarum,
Quemque sibi tenues nascentem arcessere vitas.
Scilicet huc reddi deinde ac resoluta referri 225
Omnia: nec morti esse locum, sed viua volare
Sideris in numerum, atque alto succedere caelo.

Si quando sedem augustam, seruataque mella
Thesauris relines, prius haustu sparsus aquarum
Ora foue, fumosque manu praetende sequaces. 230
Bis grauidos cogunt foetus, duo tempora messis,
Taygete simul os terris ostendit honestum
Plias, & Oceani spretos pede repulit amnes:
Aut eadem sidus fugiens vbi Piscis aquosi
Tristior hibernas caelo descendit in vndas. 235
Illis ira modum supra est, laesaeque venenum
Morsibus inspirant, & spicula caeca relinquunt
Adfixae venis, animasque in vulnere ponunt.

Sin duram metues hiemem, parcesque futuro,

Contusosque animos, & res miserabere fractas; 240

At suffire thymo, cerasque recidere inanes

Quis dubitet? nam saepe fauos ignotus adedit

Stellio, & lucifugis congesta cubilia blattis:

Immunisque sedens aliena ad pabula fucus,

Aut asper crabro imparibus se immiscuit armis; 245

Aut dirum, tineae, genus, aut inuisa Mineruae

In foribus laxos suspendit aranea casses.

Quo magis exhaustae fuerint, hoc acrius omnes

Incumbent generis lapsi sarcire ruinas,

Complebuntque foros, & floribus horrea texent. 250

Si vero (quoniam casus apibus quoque nostros

Vita tulit) tristi languebunt corpora morbo,

Quod iam non dubiis poteris cognoscere signis;

Continuo est aegris alius color: horrida vultum

Deformat macies: tum corpora luce carentum 255

Exportant testis, & tristia funera ducunt:

Aut illae pedibus connexae ad limina pendent,

Aut intus clausis cunctantur in aedibus omnes,

Ignavaeque fame & contracto frigore pigrae.

Tum sonus auditur grauior, tractimque susurrant: 260

Frigidus vt quondam siluis immurmurat Auster:

Vt mare sollicitum stridit reffluentibus vndis;

Aestuat vt clausis rapidus fornacibus ignis.

Hic iam galbaneos suadebo incendere odores,

Mellaque arundineis inferre canalibus, vltro 265

Hortantem, & fessas ad pabula nota vocantem.

Proderit & tunsum gallae admiscere saporem,
Arentesque rosas, aut igni pinguia multo
Defruta, vel psythia passos de vite racemos,
Cecropiumque thymum, & graue olentia centaurea. 270
Est etiam flos in pratis, cui nomen amello
Fecere agricolae, facilis quaerentibus herba:
Namque vno ingentem tollit de cespite siluam,
Aureus ipse: sed in foliis, quae plurima circum
Funduntur, violae subluet purpura nigrae. 275
Saepe Deum nexis ornatae torquibus arae.

Asper in ore sapor. Tonsis in vallibus illum
Pastores, & curua legunt prope flumina Mellae.
Huius odorato radices incoque Baccho,
Pabulaque in foribus plenis adpone canistris. 280

Sed si quem proles subito defecerit omnis,
Nec, genus vnde nouae stirpis reuocetur, habebit;
Tempus & Arcadii memoranda inuenta magistri
Pandere, quoque modo caesis iam saepe iuuentis
Insincerus apes tulerit cruor. Altius omnem 285
Expediam prima repetens ab origine famam.

Nam qua Pellaei gens fortunata Canopi
Accolit effuso stagnantem flumine Nilum,
Et circum pictis vehitur sua rura faselis;
Quaque pharetratae vicinia Persidis vrget, 290
Et viridem Aegyptum nigra foecundat arena,
Et diuersa ruens septem discurrit in ora
Vsque coloratis amnis deuexus ab Indis:

Omnis in hac certam regio iacit arte salutem.

Exiguus primum, atque ipsos contractus ad usus 295
Eligitur locus. Hunc angustique imbrice tecti,
Parietibusque premunt arctis, & quatuor addunt,
Quatuor a ventis, obliqua luce fenestras.
Tum vitulus, bima curuans iam cornua fronte,
Quaeritur: huic geminae nares, & spiritus oris 300
Multa reluctanti obsuitur, plagisque peremto
Tunsa per integram soluuntur viscera pellem.
Sic positum in clauso linquunt, & ramea costis
Subiiciunt fragmenta, thymum, casiasque recentes.
Hoc geritur, Zephyris primum impellentibus
vndas, 305

Ante novis rubeant quam prata coloribus, ante
Garrula quam tignis nidum suspendat hirundo.
Interea teneris tepefactus in ossibus humor
Aestuat, & visenda modis animalia miris,
Trunca pedum primo: mox & stridentia pennis 310
Miscentur, tenuemque magis magis aera carpunt:
Donec, ut aestivis effusus nubibus imber,
Erupere; aut ut, neruo pulsante sagittae,
Prima leues ineunt si quando proelia Parthi.
Quis Deus hanc, Musae, quis nobis extudit artem? 315
Vnde nova ingressus hominum experientia cepit?

Pastor Aristaeus fugiens Peneia Tempe,
Amisissis (ut fama) apibus morboque fameque,
Tristis ad extremi sacrum caput adstitit amnis,

Multa querens, atque hac adfatus voce parentem: 320
Mater Cyrene, mater, quae gurgitis huius
Ima tenes, quid me praeclara stirpe Deorum,
(Si modo, quem perhibes, pater est Thymbraeus
Apollo)

Inuisum fatis genuisti? aut quo tibi nostri
Pulsus amor? quid me caelum sperare iubebas? 325
En etiam hunc ipsum vitae mortalis honorem,
Quem mihi vix frugum & pecudum custodia sollers
Omnia tentanti extuderat, te matre, relinquo.
Quin age, & ipsa manu felices erue filuas;
Fer stabulis inimicum ignem, atque interfice
messes: 330

Vre fata, & validam in vites molire bipennem;
Tanta meae si te ceperunt taedia laudis.

At mater sonitum thalamo sub fluminis alti
Sensit. Eam circum Milesia vellera Nymphae
Carpebant, hyali saturo fucata colore: 335
Drymoque, Xanthoque, Ligeaque, Phyllidoceque,
Caesariem effusae nitidam per candida colla:
Nesaeae, Spioque, Thaliaque, Cymodoceque,
Cydippeque, & flaua Lycorias; altera virgo,
Altera tum primos Lucinae experta labores; 340
Clioque & Beroe foror, Oceanitides ambae,
Ambae auro, pictis incinctae pellibus ambae;
Atque Ephyre, atque Opis, & Asia Deiopea,
Et tandem positis velox Arethusa sagittis.

Inter quas curam Clymene narrabat inanem 345
 Vulcani, Martisque dolos, & dulcia furta;
 Aque Chao densos Dium numerabat amores.
 Carmine quo captae, dum fufis mollia penfa
 Deoluunt, iterum maternas impulit aures
 Luctus Aristaei, vitreisque fedilibus omnes 350
 Obstupere: sed ante alias Arethusa sorores
 Prospiciens, summa flauum caput extulit vnda.
 Et procul: O gemitu non frustra exterrita tanto,
 Cyrene soror; ipse tibi tua maxima cura
 Tristis Aristaeus Penei genitoris ad vndam 355
 Stat lacrimans, & te crudelem nomine dicit.
 Huic percussa noua mentem formidine mater,
 Duc, age, duc ad nos; fas illi limina Dium
 Tangere, ait: simul alta iubet discedere late
 Flumina, qua iuuenis gressus inferret. At illum 360
 Curuata in montis faciem circumfletit vnda,
 Accepitque sinu vasto, misitque sub amnem.
 Iamque domum mirans genetricis, & humida regna,
 Speluncisque lacus clausos, lucosque sonantes,
 Ibat, & ingenti motu stupefactus aquarum, 365
 Omnia sub magna labentia flumina terra
 Spectabat diuersa locis, Phasimque, Lycumque,
 Et caput, vnde altus primum se erumpit Enipeus,
 Vnde pater Tiberinus, & vnde Aniena fluente,
 Saxosumque sonans Hypanis, Myfusque Caicus, 370
 Et gemina auratus taurino cornua vultu.

Eridanus: quo non alius per pingua culta
In mare purpureum violentior effluit amnis.

Postquam est in thalami pendentia pumice tecta
Peruentum, & nati fletus cognouit inanes 375

Cyrene; manibus liquidos dant ordine fontes
Germanae, tonsisque ferunt mantelia villis.

Pars epulis onerant mensas, & plena reponunt
Pocula. Panchaeis adulescunt ignibus arae.

Et mater, cape Maeonii carchesia Bacchi: 380

Oceano libemus, ait. Simul ipsa precatur
Oceanumque patrem rerum, Nymphasque sorores,
Centum quae filuas, centum quae flumina seruant.

Ter liquido ardentem perfudit nectare Vestam:

Ter flamma ad summum tecti subiecta reluxit. 385

Omne quo firmans animum, sic incipit ipsa:

Est in Carpathio Neptuni gurgite vates
Caeruleus Proteus, magnum qui piscibus aequor,
Et iuncto bipedum curru metitur equorum.

Hic nunc Emathiae portus patriamque reuisit 390

Pallenen. Hunc & Nymphae veneramur, & ipse
Grandaeus Nereus. Nouit namque omnia vates,
Quae sint, quae fuerint, quae mox ventura trahantur,
Quippe ita Neptuno visum est: immania cuius
Armenta, & turpes pascit sub gurgite phocas. 395

Hic tibi, nate, prius vinclis capiendus, vt omnem
Expediat morbi causam, euentusque secundet.

Nam sine vi non vlla dabit praecepta, neque illum

Orando flectes: vim duram & vincula capto
Tende. Doli circum haec demum frangentur in-
anes. 400

Ipsa ego te, medios quum sol accenderit aestus,
Quum sitiunt herbae, & pecori iam gratior umbra est,
In secreta senis ducam, quo fessus ab vndis
Se recipit; facile vt somno adgrediare iacentem.
Verum vbi correptum manibus, vinclisque te-
nebis; 405

Tum variae eludent species, atque ora ferarum.
Fiet enim subito sus horridus, atraque tigris,
Squamosusque draco, & fulua ceruice leaena:
Aut acrem flammae sonitum dabit, atque ita vinclis
Excidet, aut in aquas tenues dilapsus abibit. 410
Sed quanto ille magis formas se vertet in omnes,
Tanto, nate, magis contende tenacia vincla:
Donec talis erit mutato corpore, qualẽm
Videris, incepto tegetet quum lumina somno.
Haec ait, & liquidum ambrosiae diffundit odorem: 415
Quo totum nati corpus perduxit. At illi
Dulcis compositis spirauit crinibus aura,
Atque habilis membris venit vigor. Est specus ingens
Exesi latere in montis, quo plurima vento
Cogitur, inque sinus scindit sese vnda reductos; 420
Deprensus olim statio tutissima nautis.
Intus se vasti Proteus tegit obice saxi.
Hic iuuenem in latebris auersum a lumine Nympha

Collocat : ipsa procul nebulis obscura resistit.
Iam rapidus torrens sitientes Sirius Indos 425
Ardebat ; caelo & medium sol igneus orbem
Hauferat. Arebant herbae, & caua flumina siccis
Faucibus ad limum radii tepefacta coquebant :
Quum Proteus consueta petens e fluctibus antra
Ibat. Eum vasti circum gens humida ponti 430
Exultans rorem late dispersit amarum.
Sternunt se somno diuersae in littore phocae.
Ipse, velut stabuli custos in montibus olim,
Vesper, vbi e pastu vitulos ad tecta reducit,
Auditisque lupos acuunt balatibus agni, 435
Confidit scopulo medius, numerumque recenset :
Cuius Aristaeo quoniam est oblata facultas,
Vix defessa senem passus componere membra,
Cum clamore ruit magno, manicisque iacentem
Occupat. Ille suae contra non immemor artis, 440
Omnia transformat sese in miracula rerum,
Ignemque, horribilemque feram, fluuiumque li-
quentem.

Verum, vbi nulla fugam reperit pellacia, victus
In sese redit, atque hominis tandem ore locutus :
Nam quis te, iuuenum confidentissime, nostras 445
Iussit adire domos ? quidue hinc petis ? inquit. At ille :
Scis, Proteu, scis ipse : neque est te fallere cuiquam.
Sed tu desine velle. Deum praecepta secuti
Venimus hinc lapsis quaesitum oracula rebus.

Tantum effatus. Ad haec vates vi denique multa 450
 Ardentem oculos intorsit lumine glauco,
 Et grauitè frendens, sic fatis ora resoluit:
 Non te nullius exercent numinis irae.
 Magna luis commissa: tibi has miserabilis Orpheus
 Haud quaquam ob meritum poenas, ni fata re-
 sistant, 455

Suscitat; & rapta grauitè pro coniuge faeuit.

Illa quidem, dum te fugeret per flumina praeceptis,
 Immanem ante pedes hydri moritura puella
 Seruantem ripas alta non vidit in herba.

At chorus aequalis Dryadum clamore supremos 460
 Implent montes. Flerunt Rhodopeiae arces,
 Altaque Pangaea; & Rhessi Mauortia tellus,
 Atque Getae, atque Hebrus, & Aëtias Orithyia.
 Ipse caua solans aegrum testudine amorem,
 Te, dulcis coniux, te solo in littore secum, 465
 Te veniente die, te decedente canebat.

Taenarias etiam fauces, alta ostia Ditis,
 Et caligantem nigra formidine lucum
 Ingressus, Manesque adiit, regemque tremendum,
 Nesciaque humanis precibus mansuescere corda. 470
 At cantu commotae Erebi de sedibus imis
 Umbrae ibant tenues, simulacraque luce carentum:
 Quam multa in foliis auium se millia condunt,
 Vesper ubi, aut hibernus agit de montibus imber:
 Matres, atque viri, defunctaque corpora vita 475

Magnanimum heroum, pueri, innuptaeque puellae,
Impositique rogis iuuenes ante ora parentum,
Quos circum limus niger, & deformis arundo
Cocyti, tardaue palus inamabilis vada
Alligat, & nouies Styx interfusa coerces. 480
Quin ipsae stupuere domus, atque intima Lethi
Tartara, caeruleosque implexae crinibus angues
Eumenides, tenuitque inhians tria Cerberus ora,
Atque Ixionii vento rota constitit orbis.

Iamque pedem referens casus euaserat omnes, 485
Redditaque Eurydice superas veniebat ad auras,
Pone sequens; namque hanc dederat Proserpina legem:
Quum subita incautum dementia cepit amantem,
Ignoscenda quidem, scirent si ignoscere Manes.
Restitit, Eurydicenque suam iam luce sub ipsa 490
Immemor, heu! victusque animi respexit. Ibi omnis
Effusus labor, atque immitis rupta tyranni
Foedera, terque fragor stagnis auditus Auernis.
Illa, quis & me, inquit, miseram, & te perdidit,
Orpheu?

Quis tantus furor? en iterum crudelia retro 495
Fata vocant, conditque natantia lumina somnus.
Iamque vale. Feror iugenti circumdata nocte,
Inualidasque tibi tendens, heu non tua, palmas!
Dixit, & ex oculis subito, ceu fumus in auras
Commixtus tenues, fugit diuersa: neque illum, 500
Prensantem nequicquam umbras, & multa volentem

Dicere, praeterea vidit: nec portitor Orci
Amplius obiectam passus transire paludem.
Quid faceret? quo se rapta bis coniuge ferret?
Quo fletu Manes, qua Numina voce moueret? 505
Illa quidem Stygia nabat iam frigida cymba.

Septem illum totos perhibent ex ordine menses
Rupe sub aerea deserti ad Strymonis vndam
Fleuisse, & gelidis haec euoluisse sub antris,
Mulcentem tigres, & agentem carmine quercus. 510
Qualis populea moerens Philomela sub vmbra
Amissos queritur foetus; quos durus arator
Observans nido implumes detraxit: at illa
Flet noctem, ramoque sedens miserabile carmen
Integrat, & moestis late loca questibus implet. 515
Nulla Venus, non vlli animum flexere hymenaei.
Solut Hyperboreas glacies, Tanaimque nivalem,
Aruaque Rhipaeis nunquam viduata pruinis
Lustrabat, raptam Eurydicen, atque irrita Ditis
Dona querens. Spretae Ciconum quo munere
matres, 520

Inter sacra Deum, nocturnique orgia Bacchi,
Discerptum latos iuuenem sparsere per agros.
Tum quoque marmorea caput a ceruice reuulsum,
Gurgite quum medio portans Oeagrius Hebrus
Volueret, Eurydicen vox ipsa & frigida lingua, 525
Ah miseram Eurydicen! anima fugiente vocabat:
Eurydicen toto referebant flumine ripae.

Haec Proteus : & se iactu dedit aequor in altum.
Quaque dedit, spumantem vndam sub vertice torfit.
At non Cyrene : namque vltro adfata timentem : 530
Nate, licet tristes animo deponere curas.

Haec omnis morbi caussa : hinc miserabile Nymphae,
Cum quibus illa choros lucis agitabat in altis,
Exitium misere apibus. Tu munera supplex
Tende petens pacem, & faciles venerare Napaeas. 535

Namque dabunt veniam votis, irasque remittent.
Sed, modus orandi qui sit, prius ordine dicam.

Quatuor eximios praestanti corpore tauros,
Qui tibi nunc viridis depascunt summa Lycaeï,
Delige, & intacta totidem ceruice iuuenas. 540

Quatuor his aras alta ad delubra Dearum
Constitue, & sacrum iugulis demitte cruorem :
Corporaque ipsa boum frondoso desere luco.
Post, vbi nona suos aurora ostenderit ortus,
Inferias Orphei lethaea papauera mittes, 545
Placatam Eurydicen vitula venerabere caesa,
Et nigram mactabis ouem, lucumque reuises.

Haud mora : continuo matris praecepta facessit :
Ad delubra venit ; monstratas excitat aras ;
Quatuor eximios praestanti corpore tauros 550
Ducit, & intacta totidem ceruice iuuenas.
Post, vbi nona suos aurora induxerat ortus,
Inferias Orphei mittit, lucumque reuifit.
Hic vero subitum, ac dictu mirabile monstrum

Adspiciunt, liquefacta boum per viscera toto 555
 Stridere apes vtero, & ruptis efferuere costis;
 Immenfasque trahi nubes: iamque arbore summa
 Confluere, & lentis vuam demittere ramis.

Haec super aruorum cultu pecorumque canebam,
 Et super arboribus: Caesar dum magnus ad altum 560
 Fulminat Euphratem bello, victorque volentes
 Per populos dat iura, viamque adfectat Olympo.
 Illo Virgilium me tempore dulcis alebat
 Parthenope, studiis florentem ignobilis otii:
 Carmina qui lusi pastorum, audaxque iuuenta, 565
 Tityre, te patulae cecini sub tegmine fagi.




P. VIRGILII M.

C V L E X

A r g u m e n t u m.

Pastor in vmbra dormit, serpens illi imminet,
 Culex morfu pastorem excitat: pastor interimit
 Culicem, iterumque obdormit. Qui videns in
 somnis Culicem inferorum curas ei monstrantem,
 stupefactus excitatur, Culicisque sepulcrum egregio
 ornatur artificio.



Lusimus, Oëtaui, gracili modulante Thalia:
Atque, vt araneoli, tenuem formauimus orsum.
Lusimus: haec propter Culicis sint carmina dicta.
Omnis vt historiae per ludum consonet ordo
Notitiae, ducam voces: licet inuidus adsit, 5
Quisquis erit culpare iocos Musamque paratus:
Pondere vel Culicis leuior famaue feretur.
Posterius grauiore sono tibi Musa loquetur
Nostra: dabunt quum securos mihi tempora fructus:
Vt tibi digna tuo poliantur carmina sensu. 10

Latonae magnique decus Iouis aurea proles
Phoebus erit nostri princeps & carminis auctor,
Et recinente lyra fautor: siue educat illum
Alma Chimaereo Xanthus perfusa liquore,
Seu nemus Asteriae, seu qua Parnassia rupes 15
Hinc atque hinc patula praepandit cornua fronte,
Castaliaeque fonans liquido pede labitur vnda.
Quare, Pierii laticis decus, ite, sorores
Naides, & celebrate Deum plaudente chorea.
Et tibi, sancta Pales, ad quam ventura recurrit 20
Agrestum bona cura, sequi sit cura tenentis
Aereos nemorum tractus siluasque virentes.
Te cultrice vagus saltus feror inter & astra.

At tu, cui meritis oritur fiducia chartis,
Oëtaui venerande, meis adlabere coeptis, 25

Sancte puer: tibi namque canit non pagina bellum,
Phlegra Giganteo sparsa est quo sanguine tellus,
Nec Centaureos Lapithas conpellit in enses:
Vrit Erichthonias Oriens non ignibus arces:
Non perfossus Athos, nec magno vincula Ponto 30
Iacta, meo quaerent iam fera volumine famam:
Non Hellepontus pedibus pulsatus equorum,
Graecia quum timuit venientes vndique Persas:
Mollia sed tenui pede currere carmina versu
Viribus apta suis Phoebo duce ludere gaudet. 35
Et tu, sancte puer, venerabilis, & tibi certet
Gloria perpetuum lucis mansura per aeuum:
Et tibi sede pia maneat locus, & tibi sospes
Debita felicis memoretur vita per annos,
Grata bonis lucens. Sed nos ad coepta feramur. 40

Igneus aethereas iam sol penetrarat in arces,
Candidaque aurato quatiebat lumina curru;
Crinibus & roseis tenebras aurora fugarat;
Propulit e stabulis ad pabula laeta capellas
Pastor, & excelsi montis iuga summa petiuit: 45
Lurida qua patulos velabant gramina colles.
Iam siluis dumisque vagae, iam vallibus abdunt
Corpora: iamque omni celeres e parte vagantes
Scrupea desertae perrepunt ad caua rupis.
Tondentur tenero viridantia gramina morfu; 50
Pendula proiectis carpuntur & arbuta ramis,
Densaue virgultis auide labrusca petuntur.

Haec suspensa rapit carpente cacumina morsu
Vel falicis lentae, vel quae noua nascitur alnus:
Haec teneras fruticum sentes rimatur: at illa 55
Imminet in riuī praestantis imaginis vndam.

O bona Pastoris, si quis non pauperis vsum
Mente prius docta fastidiat, & probet illis
Omnia luxuriae pretiis incognita curis,
Quae lacerant auidas inimico pectore mentes. 60
Si non Assyrio fuerint bis lauta colore,
Attaliciis opibus data vellera: si nitor auri
Sub laqueare domus animum non tangit auarum:
Picturaeque decus, lapidum nec fulgor in vlla
Cognitus vtilitate manet: nec pocula gratum 65
Alconis referent, Boetique toreuma: nec Indi
Conchea bacca maris pretio est: ast pectore puro
Saepe super tenero prosternit gramine corpus:
Florida quum tellus gemmantes picta per herbas
Vere notat dulci distincta coloribus arua: 70
Atque illum, calamo laetum recinente palustri,
Otiaque inuidia degentem ac fraude remota,
Pollentemque sibi, viridi cum palmite lucens
Vitea pampineo subter coma velat amictu.
Illi sunt gratae rorantes lacte capellae. 75
Et nemus, & foecunda Pales, & vallibus imis
Semper opaca nouis manantia fontibus antra.
Quis magis optato queat esse beator aeuo,
Quam qui mente procul pura sensuque probando

Non auidas agnouit opes; non tristia bella, 80

Nec funesta timet validae certamina classis;

Non, spoliis dum sancta Deum fulgentibus ornat

Templa, vel euectus finem transcendat habendi,

Aduersum saeuus ultro caput hostibus offert

Illi falce, Deus colitur, non arte, politus: 85

Ille colit lucos, illi Panchaica thura,

Floribus agrestes herbae variantibus, adsunt:

Illi dulcis adest requies, & pura voluptas,

Libera simplicibus curis: huc imminet, omnis

Dirigit huc sensus: haec cura est subdita cordi, 90

Quolibet vt requie victu contentus abundet,

Iucundoque locet languentia corpora somno.

O pecudes, o Panes, & o gratissima Tempe

Fontis Hamadryadum: quarum non diuite cultu

Aemulus Ascraeo pastor sibi quisque poetae 95

Securam placido traducit pectore vitam.

Talibus in studiis baculo dum nixus apricas

Pastor agit curas, & dum non arte canora

Compacta solidum modulatur arundine carmen:

Tendit ineuectus radios Hyperionis ardor, 100

Lucidaque aethereo ponit discrimina mundo,

Qua iacit Oceanum flammās in vtrumque rapaces.

Et iam compellente vagae pastore capellae

Ima susurrantis repetebant ad vada lymphae,

Quae subter viridem residebant caerula muscum. 105

Iam medias operum partes euectus erat sol,

Quum densas Pastor pecudes cogebat in umbras:
Vt procul adspexit luco residere virenti,
Delia diua, tuo: quo quondam victa furore
Venit Nyctileum fugiens Cadmeis Agaue 110
Infandas scelerata manus e caede cruenta:
Quae gelidis bacchata iugis requieuit in antro,
Posterius poenam nati se morte futuram.
Hic etiam viridi ludentes Panes in herba,
Et Satyri Dryadesque choros egere puellae 115
Naiadum coetu. Tantum non Orpheus Hebrum
Restantem tenuit ripis, silvasque canendo,
Quantum te, Peneu, remorantem dia chorea,
Multa tibi laeto fundentes gaudia vultu,
Ipsa loci natura domum resonante susurro 120
Quis dabat, & dulci fessas refouebat in umbra.
Nam primum prona surgebant vallae patentes
Aereae platanus: inter quas impia Lotos,
Impia, quae socios Ithaci moerentis abegit,
Hospita dum nimia tenuit dulcedine captos. 125
At quibus insigni curru proiectus equorum
Ambustos Phaeton luctu mutauerat artus,
Heliades teneris amplexae brachia truncis
Candida fundebant tentis velamina ramis.
Posterius, cui Demophoon aeterna reliquit 130
Perfidiam lamentandi mala, perfida multis.
Quam comitabantur fatalia carmina quercus:

Quercus ante datae, Cereris quam semina, vitae :
Illas Triptolemi mutauit fulcus aristis.

Hic, magnum Argoae naui decus, edita pinus 135

Proceras decorat siluas hirsuta per artus:

Adpetit aereis contingere montibus astra.

Ilicis & nigrae species, & laeta cupressus:

Vmbrosaeque manent fagus, hederaeque ligantis

Brachia, fraternos plangat ne populus ictus: 140

Ipsaeque excedunt ad summa cacumina lentae,

Pinguntque aureolos viridi pallore corymbos.

Quis aderat veteris myrtus non nescia fati.

At volucres patulis residentes dulcia ramis

Carmina per varios edunt resonantia cantus. 145

His suberat gelidis manans e fontibus vnda:

Quae leuibus placidum riuus sonat orta liquorem.

Et quanquam geminas auium vox obstrepat aures,

Hanc querulae referunt voces, quis nantia limo

Corpora lympa fouet: sonitus alit aeris Echo: 150

Argutis & cuncta fremunt ardore cicadis.

At circa passim fessae cubuere capellae,

Excelsisque super dumis: quos leniter adflans

Aura susurrantis possit confundere venti.

Pastor, vt ad fontem densa requieuit in vmbra, 155

Mitem concepit proiectus membra soporem,

Anxius insidiis nullis: sed lentus in herbis

Securo pressos somno mandauerat artus.

Stratus humi dulcem capiebat corde quietem:
Ni fors incertos iussisset ducere casus. 160
Nam solitum voluens ad tempus tractibus isdem
Immanis vario maculatus corpore serpens,
Mersus ut in limo magno subsideret aestu,
Obuia vibranti carpens grauis aera lingua,
Squamosos late torquebat motibus orbes. 165
Tollebant aurae venientis ad omnia visus.
Iam magis atque magis corpus reuolubile voluens:
Adtollit nitidis pectus fulgoribus, & se
Sublimi ceruice rapit: cui crista superne
Edita purpureo lucens maculatur amictu, 170
Adspectuque micant flammantia lumina toruo.
Metabat sese circum loca: quum videt ingens
Aduersum recubare ducem gregis. Acrior instat
Lumina diffundens intendere, & obuia toruo
Saepius adripiens infringere, quod sua quisquam 175
Ad vada venisset: naturae comparat arma:
Ardet mente, furit stridoribus, intonat ore:
Flexibus euersis torquetur corporis orbis:
Manant sanguineae per tractus vndique guttae:
Spiritus rumpit fauces. Cui cuncta paranti 180
Paruulus hunc prior humoris conterret alumnus,
Et mortem vitare monet per acumina. Namque:
Qua diducta genas pandebant lumina gemmis,
Hac senioris erat naturae pupula telo
Ista leui. Tum profiluit furibundus, & illum 185

Obtritum morti misit : cui diffusus omnis
Spiritus excessit sensus. Tum torua tenentem
Lumina respexit serpentem conminus : inde
Impiger, exanimis, vix compos mente, refugit,
Et validum dextra truncum detraxit ab orno : 190
Qui casus sociaret opem, numenue Deorum.
Namque illi dederitne viam casusue, Deusue,
Prodere sit dubium : voluit sed vincere tales.
Horrida squamosi voluentia membra draconis,
Atque reluctantis crebris, foedeque petentis 195
Ictibus ossa ferit, cingunt qua tempora cristam:
Et quod erat tardus, omni languore remoto,
Nescius adspiciens timor obcaecauerat artus:
Hoc minus implicuit dira formidine mentem.
Quem postquam vidit caesum languescere, sedit. 200
Iam quatit & biuuges oriens Erebo cit equos Nox,
Et piger aurato procedit Vesper ab Oeta:
Cum grege compulso pastor, duplicantibus vmbis,
Vadit & in fessos requiem dare comparat artus:
Cuius vt intrauit leuior per corpora somnus, 205
Languidaque effuso requierunt membra sopore,
Effigies ad eum culicis deuenit, & illi
Tristis ab euentu cecinit conuicia mortis.
Inquit: quid meritis, ad quae delatus acerbis
Cogor adire vices? tua dum mihi carior ipsa 210
Vita fuit vita, rapior per inania ventis:
Tu lentus refoues iucunda membra quiete,

Ereptus tetrīs e cladibus : at mea Manes
 Viscera Lethaeas cogunt transare per vndas :
 Praeda Charontis agor. Viden vt flagrantia taedis 215
 Lumina collucent infestis omnia templis ;
 Oboia Tisiphone, serpentibus vndique comta,
 Et flammās & saeua quatit mihi verbera poenae :
 Cerberus & diris flagrant latratibus ora,
 Anguibus hinc atque hinc horrent cui colla
 reflexis, 220

Sanguineiue micant ardorem luminis orbes.
 Heu! quid ab officio digressa est gratia, quum te
 Restitui superis lethi iam limine ab ipso?
 Praemia sunt pietatis ubi? pietatis honores
 In vanas abiēre vices: & rure recessit 225
 Iustitiae prior illa fides: instantia vidi
 Alterius, sine respectu mea fata relinquens:
 Ad pariles agor euentus: sit poena merenti:
 Poena sit exitium: modo sit dum grata voluntas,
 Existat par officium. Feror auia carpens, 230
 Auia Cimmerios inter distantia lucos:
 Quem circa tristes densentur in omnia poenae.
 Nam vinctus sedet immanis serpentibus Otos,
 Deuictum moestus procul adspiciens Ephialten,
 Conati quondam quum sint incendere mundum: 235
 Et Tityos, Latona, tuae memor anxius irae,
 Implacabilis ira nimis, iacet alitis esca.
 Terreor a tantis inuolantibus, terreor umbris,

Ad Stygias reuocatus aquas. Vix vltimus amni
Restat, nectareas diuum qui prodidit escas, 240
Gutturis arenti reuolutus in omnia sensu.
Quid, saxum procul aduerso qui monte reuoluit,
Contempsisse dolor quem numina vincit acerbus,
Otia quaerentem frustra? Vos ite puellae,
Ite, quibus taedas accendit tristis Erinny, 245
Sicut Hymen praefata dedit connubia mortis:
Atque alias alio densat super agmine turmas,
Impietate fera vecordem Colchida matrem,
Anxia sollicitis meditantem vulnera natis:
Iam Pandionias miseranda prole puellas, 250
Quarum vox Ityn, & Ityn, quod Bistonius Rex,
Orbus epops maeret volucres euectus in auras.
At discordantes Cadmeo sanguine fratres
Iam truculenta ferunt infestaque vulnera corpus
Alter in alterius: iamque aduersatus vterque, 255
Impia germani manat quod sanguine dextra.
Eheu! mutandus nunquam labor: auferor vltra
In diuersa magis: distantia numina cerno:
Elysiam tranandus agor delatus ad vndam.
Obuia Persephone comites Heroidas vrget 260
Aduersas perferre faces: Alceſtis ab omni
Inuiolata vacat cura, quod saeua mariti
Ipsa suis fatis Admeti fata morata est.
Ecce, Ithaci coniux semper decus Icariotis

Foemineum incorrupta decus manet , & procul
illam 265

Turba ferox iuuenum telis confixa procorum.
Quin misera Eurydice tanto moerore recessit ,
Poenaque respectus & nunc manet, Orpheus, in te.
Audax ille quidem , qui nitem Cerberon vnquam
Credidit , aut vlli Ditis placabile numen: 270
Nec timuit Phlegethonta furem ardentibus vndis,
Nec moesta obtentu diro & ferrugine regna ,
Defossasque domos , & Tartara nocte cruenta
Obsita , nec faciles Ditis sine iudice fedes ,
Iudice , qui vitae post mortem vindicat acta. 275
Sed fortuna valens audacem fecerat Orphea.
Iam rapidi steterant amnes , & turba ferarum
Blanda voce sequax regionem infederat Orphei :
Iamque imam viridi radicem mouerat alte
Quercus humo , steterantque amnes , silvaeque so-
norae 280

Sponte sua cantus rapiebant cortice amara.
Labentes biuges etiam per sidera luna
Pressit equos : & tu currentes , menstrua virgo ,
Auditura lyram tenuisti nocte relicta.
Haec eadem potuit Ditis te vincere coniux , 285
Eurydicemque vltro ducendam reddere : non fas ,
Non erat in vitam Diuae exorabile numen.
Illa quidem , nimium Manes experta feueros ,
Praeceptum signabat iter : nec rettulit intus

Lumina, nec Diuæ corruptit munera lingua. 290

Sed tu crudelis, crudelis tu magis, Orpheu,
Oscula cara petens rupisti iussa Deorum.

Dignus amor venia, paruum si tartara nossent

Peccatum ignouisse. Sed & vos sede piorum,

Vos manet Heroum contra manus: hic & vter-
que 295

Acacides. Peleus namque, & Telamonia virtus

Per secura patris laetantur numina, quorum

Connubiis Venus & virtus iniunxit honorem.

Hunc rapuit serua: ast illum Nereis amauit.

Adsidet hac iuuenis, sociat quem gloria, fortis, 300

Acer, inexcussus, referens a nauibus ignes

Argolicis Phrygios torua feritate repulso.

O quis non referat talis diuortia belli,

Quæ Troiæ videre viri, videreque Graii?

Teucra cum magno manaret sanguine tellus, 305

Et Simois, Xanthique liquor, Sigeaque præter

Littora; cum Troes sæui vos Hectoris ira

Videre in classes inimica mente Pelasgas

Vulnera, tela, neces, ignes inferre paratos.

Ipsa iugis namque Ida potens feritatis, & ipsa 310

Aequa faces altrix cupidis praebebat alumnis,

Orbis ut in cineres Rhoetei littoris ora

Classibus ambustis flamma superante daretur.

Hinc erat oppositus contra Telamonius heros,

Obiectoque dabat clipeo certamina: & illinc, 315

Hæstor erat, Troiæ summum decus: acer vterque,
 Fulminibus caelo veluti fragor editus alto:
 Ignibus hic telisque super, si classibus Argos
 Eripiat reditus: ille vt Vulcania ferro
 Vulnera protectus depellere nauibus instet. 320
 Hoc erat Aeacides, alter, laetatus honore:
 Dardaniaeque, alter, fuso quod sanguine campis
 Hæstoreo victor lustravit corpore Troiam.
 Rursus acerba fremunt, Paris hunc quod letat, &
 huius

Alma dolis Ithaci virtus quod concidit ista. 325
 Huic gerit auersos proles Laertia vultus,
 Et iam Strymonii Rhesi victorque Dolonis,
 Pallade iam laetatur ouans; rursusque tremiscit
 Iam Ciconas, iam iamque horret Laestrygonas atros.
 Illum Scylla rapax canibus subcincta Molossis, 330
 Aetnaeusque Cyclops: illum metuenda Charybdis,
 Pallentesque lacus, & squalida Tartara terrent.
 Hic & Tantalei generis decus, amplius Atrides,
 Adsidet, Argium lumen: quo flamma regente
 Doris Erichthonias prostravit funditus arces. 335
 Reddidit, heu, grauius poenas tibi Troia ruenti;
 Hellespontiacis obiturus reddidit vndis.
 Illa vices hominum testata est copia quondam,
 Ne quisquam propriae fortunae munere diues
 Iret ineuctus caelum super omne: propinquo 340
 Frangitur inuidiae telo decus. Ibat in altum

Vis Argoa petens patriam, ditataque praeda
Arcis Erichthoniae: comes huic erat aura secunda
Per placidum cursu pelagus: Nereis ad vndas
Signa dabat, pars inflexis super acta carinis: 345
Quum seu caelesti fato, seu sideris ortu
Vndique mutatur caeli nitor, omnia ventis,
Omnia turbinibus sunt anxia. Iam maris vnda
Sideribus certat consurgere: iamque superne
Conruere & sol iis, & sidera cuncta minantur. 350
At venit in terras caeli fragor. Hoc modo laeta
Copia nunc miseris circumdatur anxia fatis,
Immoriturque super fluctus, & saxa Capharei,
Euboicas & per cautes Heraeaeque late
Littora: quum Phrygiae passim vaga praeda per-
emtae 355
Fluctuat omnis in aequoreo iam naufraga tractu.
Hic alii fidunt pariles virtutis honore
Heroes, mediisque siti sunt sedibus omnes.
Omnis Roma decus magni quos suscipit orbis.
Hic Fabii, Decique: hic est & Horatia virtus: 360
Hic & fama vetus nunquam moritura Camilli:
Curtius &, mediis quem quondam sedibus vrbis
Deutum bellis consumsit gurgitis haustus:
Mucius & prudens ardorem corpore passus,
Legitime cessit cui fracta potentia Regis. 365
Hic Curius clarae focius virtutis, & ille
Flaminius, deuota dedit qui corpora flammae.

Iure igitur tales fedes pietatis honorat.
 Illic Scipiadaeque duces: deuota triumphis
 Moenia quos rapidos Libycae Carthaginis hor-
 rent: 370

Illi laude sua vigeant; ego Ditis opacos
 Cogor adire lacus, viduos a lumine Phoebi,
 Et vastum Phlegethonta pati: quo maxima Minos
 Conscelerata pia discernit vincula fede.
 Ergo iam causam mortis me dicere victae 375
 Verberibus saeuo cogunt ab iudice poenae:
 Quum mihi tu sis causa mali; nec conscius adsis,
 Nec tolerabilibus curis haec immemor audis:
 Quae tamen, vt vanis dimittens omnia ventis,
 Digredior nunquam rediturus: tu cole fontes 380
 Et virides nemorum siluas & pascua laetus:
 Et mea diffusas rapiantur dicta per auras.
 Dixit: & extrema tristis cum voce recessit.

Hunc vbi sollicitum dimisit inertia vitae,
 Interius grauitur mentem aeger: nec tulit vltra 385
 Sensibus infusum Culicis de morte dolorem,
 Quantumcunque sibi vires tribueret seniles,
 (Quis tamen infestum pugnans deuicerat hostem)
 Riuum propter aquae, viridi sub fronde latentem
 Conformare locum capit impiger: hunc & in
 orbem 390

Destinat, ac ferri capulum repetiuit in vsum,
 Gramineam vt viridi foderet de cespite terram.

Iam memor inceptum peragens sibi cura laborem
 Congestum cumulavit opus, atque aggere multo
 Telluris tumulus formatum crevit in orbem: 395
 Quem circum lapidem laeui de marmore formans
 Conferit assidue curae memor. Hic & acanthus,
 Et rosa purpureo crescit rubicunda colore,
 Et violae omne genus: hic est & spartica myrtus,
 Atque hyacinthus: & hic Cilici Crocus editus


aruo, 400

Laurus item Phoebi surgens decus: hic rhododaphne,
 Liliaque, & roris non auia cura marini,
 Herbaque thuris opes prisca imitata Sabina,
 Chrysanthusque, hederæque nitor, pallente co-
 rymbo,

Et Bocchus Libyae Regis memor: hic amaran-
 thus, 405

Bupthalmusque virens, & semper florida pinus.
 Non illinc Narcissus abest: cui gloria formae
 Igne Cupidineo proprios exarsit in artus,
 Et quoscunque novant vernantia tempora flores.
 His tumulus super inferitur: tum fronte locatur 410
 Elogium, tacita format quod littera voce:
Parue Culex, pecudum custos tibi tale merenti
Funeris officium vitae pro munere reddit.






P. VIRGILII M.

CIRIS

Argumentum.

Opusculum hoc Virgilius ad Messallam dirigit, qui Augusti tempore magnis rebus, praesertim militaribus, insignis, praeterea orator non indignus, & poeta erat. Cupiebat igitur Maro beneuolentissimum illum sibi efficere, Cirim ad illum mittit, in quo praeconium Messallae celebrat. Argumentum autem Carminis est fabula de Scyllarum transformatione, quam miris ac variis modis sequitur.



Etsi me vario iactatum laudis amore,
 Irritaque expertum fallacis praemia vulgi,
 Cecropius suaues exspirans hortulus auras
 Florentis viridi Sophiae complectitur umbra:
 Num mea quaeret eo dignum sibi quaerere carmen?
 Longe aliud studium, atque alios adcincta labores,
 Altius ad magni suspendit sidera mundi,

Et placitum paucis ausa est adscendere collem:
Non tamen absistam coeptum detexere munus.
In quo iure meas vtinam requiescere Musas, 10
Et leuiter blandum liceat deponere morem.
Quodsi mirificum proferre valent genus omnes
Mirificum faeculi, modo sit tibi velle libido;
Si me iam summa Sapientia pangeret arce,
Quatuor antiquis quae heredibus est data consors: 15
Vnde hominum errores longe lateque per orbem
Despicere, atque humiles possem contemnere curas:
Non ego te talem venerarer munere tali;
Non equidem; quamuis interdum ludere nobis,
Et gracilem molli liceat pede claudere versum; 20
Sed magno intexens, si fas est dicere, peplo,
Qualis Erichtheis olim portatur Athenis,
Debita quum castae soluuntur vota Mineruae,
Tardaue confecto redeunt Quinquennia lustro,
Quum leuis alterno Zephyrus concrebuit Euro, 25
Et prono grauidum prouexit pondere cursum.
Felix ille dies, felix & dicitur annus:
Felices, qui talem annum videre, diemque.
Ergo Palladiae texuntur in ordine pugnae:
Magna Giganteis ornantur pepala tropaeis: 30
Horrida sanguineo pinguntur praelia cocco.
Additur aurata deiectus cuspide Typho,
Qui prius Ossaeis consternens aethera faxis,
Emathio celsum duplicabat vertice Olympum.

Tale Deae velum follemni in tempore portant. 35
Tali te vellem, iuuenum doctissime, ritu
Purpureos inter soles & candida lunae
Sidera, caeruleis orbem pulstantia bigis,
Naturae rerum magnis intexere chartis:
Aeternum Sophiae coniunctum carmine nomen 40
Nostra tuum senibus loqueretur pagina faeculis.
Sed quoniam ad tantas nunc primum nascimur artes:
Nunc primum teneros firmamus robore neruos:
Haec tamen interea, quae possumus, in quibus aevi
Prima rudimenta, & primos exegimus annos, 45
Accipe dona, meo multum vigilata labore,
Et praemissa tuis non magna exordia rebus:
Impia prodigiis vt quondam exterruit amplis
Scylla, nouosque auium sublimis in aere coetus
Viderit: & tenui conscendens sidera penna 50
Caeruleis sua testa superuolitauerit alis;
Hanc pro purpureo poenam scelerata capillo,
Proque patris soluens excisa funditus vrbe:
Complures illam, & magni, Messalla, poetae
(Nam verum fateamur: amat Polyhymnia verum) 55
Longe alia perhibent mutatam membra figura,
Scyllaeum monstra in saxum conuersa vocari:
Illam esse, aerumnis quam saepe legamus Vlyxi
Candida succinctam latrantibus inguina monstros
Dulichias vexasse rates, & gurgite in alto 60
Deprensos nautas canibus lacerasse marinis.

Sed neque Maeoniae haec patiuntur credere chartae,
Nec malus istorum dubiis erroribus auctor.

Namque alias alii vulgo finxere puellas,
Quae Colophoniaco Scyllae dicuntur Homero. 65

Ipsi seu Lamie mater sit, siue Crataeis,
Siue illam monstro genuit Persea biformi,
Siue est neutra parens: atque hoc in carmine toto
Inguinis est vitium & Veneris descripta libido:

Siue etiam exactis speciem mutata venenis, 70
Infelix virgo: quid enim commisserat illa?

Ipse pater timidam faeua complexus arena
Coniugium carae violauerat Amphitrites:
Attamen exegit longo post tempore poenas:
Vt quum cura fui veheretur coniugis alto, 75

Ipsa trucem multo misceret sanguine pontum.
Seu vero, vt perhibent, forma quum vinceret omnes,

Et cupidos quaestu passim spoliaret amantes:
Piscibus & canibus rabidis vallata repente,
Horribiles circum vidit sibi sistere formas. 80

Heu quoties mirata novos expalluit artus!
Ipsa suos quoties heu pertimuit latratus!

Aufa quod est mulier numen fraudare Deorum,
Et dictam Veneri votorum vertere poenam:

Quam, mala multiplici iuuenum quod septa caterua 85
Dixerat, atque animo meretrix agitata ferarum,

Infamem tali merito rumore fuisse,
Docta Palaephatia testatur voce papyrus.

Quidquid, & vt quisquis tali de clade locutus,
 Omnia sint: potius liceat notescere Cirin: 90
 Atque vnam ex multis Scyllam non esse puellis.
 Quare &, quae, cantus meditantī mittere certos,
 Magna mihi cupido tribuistis praemia, Diuae
 Pierides: quarum castos altaria postes
 Munere saepe meo inficiunt, foribusque hyacinthi 95
 Deponunt flores, aut suaue rubens narcissus,
 Aut crocus alterna coniungens lilia caltha,
 Sparfaque liminibus floret rosa: nunc age, Diuae,
 Praecipue nostro nunc adspirate labori:
 Atque nouum aeterno praetexite honore volu-
 men. 100

Sunt Pandioniis vicinae sedibus vrbes,
 Aëtaeos inter colles & candida Thesei
 Purpureis late ridentia littora conchis:
 Quarum non vlli fama concedere digna
 Stat Megara, Aëtaei quondam munita labore 105
 Alcathoi, Phoebique: Deus namque adfuit illi:
 Vnde etiam citharae voces imitantur acutas.
 Saepe lapis recrepat Cyllenia munera pulsus,
 Et veterem sonitu Phoebi testatur honorem.
 Hanc urbem, ante alios qui tum florebat in ar-
 mis, 110

Fecerat infestam populator remige Minos:
 Hospitio quo se Nisi Polyidos auito,
 Carpathium fugiens & flumina Cerataea,

Texerat. Hunc bello repetens Gortynius heros
Attica Cretaea sternebat rura sagitta. 115
Sed neque tunc ciues, neque tunc rex ipse veretur
Infesto ad muros volitantes agmine turmas
Ducere, & indomita virtute retundere mentes:
Responsum quoniam satis est meminisse Deorum.
Nam capite a summo regis, mirabile dictu, 120
Candida caefaries: florebant tempora lauro,
Et roseus medio fulgebat vertice crinis:
Cuius quam seruata diu natura fuisset,
Tam patriam incolumem Nisi regnumque futurum,
Concordes stabili firmarunt numine Parcae. 125
Ergo omnis caro residebat cura capillo:
Aurea follemni comtum quoque fibula ritu
Mopsopio tereti nectebat dente cicadae.
Nec vero haec vobis custodia vana fuisset,
Nec fuerat: nisi Scylla nouo concepta furore, 130
Scylla patris miseri patriaeque inuenta sepulcrum,
O nimium cupidis si non inhiasset ocellis!
Sed malus ille puer, quem nec sua flectere mater
Iratum potuit, quem nec pater atque auus idem
Iuppiter: Ille etiam Poenos domitare leones, 135
Et validas docuit vires mansuescere tigris;
Ille etiam Diuos, homines; sed dicere magnum est:
Idem tum superis acuebat paruulus iras.
Iunonis magnae, cuius periuria Diuae
Olim se meminisse diu periura puellae 140

Non vlli liceat , violauerat infcia sedem ,
Dum sacris operata Deae lasciuit , & extra
Procedit longe matrum comitumque cateruam ,
Suspenfam gaudens in corpore ludere vestem ,
Et tumidos agitante sinus Aquilone relaxans : 145
Nec dum etiam castos agitauerat ignis honores ,
Nec dum sollemni lympha perfusa sacerdos
Pallentis foliis caput exornarat oliuae :
Quum lapsa e manibus fugit pila , quumque relapsa
Procurrit virgo : quo vtinam ne prodita ludo 150
Aurea tam gracili soluisset corpora palla !
Omnia , quae retinere gradum , cursumque morari
Possent , o tecum vellem tua semper haberes !
Non vnquam violata manu sacraria Diuae ,
Iurando infelix nequidquam iura piasses. 155
Et si quis nocuisse tibi periuria credat ,
Causa pia est : timuit fratri te ostendere Iuno.
At leuis ille Deus , cui semper ad vlciscendum
Quaeritur ex omni verborum iniuria dicto ,
Aurea fulgenti depromens tela pharetra , 160
Heu nimium tereti , nimium Tirynthia visu ,
Virginis in tenera defixerat omnia mente.
Quae simul ac venis hausit sitientibus ignem ,
Et validum penitus concepit in ossa furorem :
Saeua velut gelidis Ciconum Bistonis in oris , 165
Istaue barbarico Cybeles antistita buxo ,
Infelix virgo tota bacchatur in vrbe.

Non styrace Idaeo fragrantēs pīcta capillos,
 Cognita non teneris pedibus Sicyonia feruans,
 Non niueo retinens baccata monilia collo. 170

Multum illi incerto trepidant vestigia curfu.
 Saepe redit patrios adscendere prodita muros:
 Aeriasque facit caussam se visere turres.

Saepe etiam tristes voluens in nocte querelas,
 Sedibus ex altis caeli speculatur amorem: 175

Castraque prospectat crebris lucentia flammis.
 Nulla colum nouit: carum nec respicit aurum.

Non arguta sonant tenui psalteria chorda:
 Non Libyco molles plauduntur pectine telae.
 Nullus in ore rubor. Vbi enim rubor, obstat
 amor. 180

Atque vbi nulla malis reperit solatia tantis,
 Tabidulamque videt labi per viscera mortem:
 Quo vocat ire dolor, subigunt quo tendere fata,
 Fertur: & horribili praeceps impellitur oestro:
 Vt patris, ah demens, crinem de vertice ferret 185

Furtim, atque arguto detonsum mitteret hosti.
 Namque haec conditio miserae proponitur vna.
 Siue illa ignorans: quis non bonus omnia malit
 Credere, quam tanto scelere damnare puellam?
 Heu tamen infelix (quid enim imprudentia prod-
 est?) 190

Nise pater: cui, direpta crudeliter vrbe,

Vix erit vna super sedes in turribus altis,
Fessus vbi exstructo possis confidere nido.
Tu quoque, auis, moriere: dabit tibi filia poenas.
Gaudete, o celeres, subnixae nubibus altis, 195
Quae mare, quae virides siluas, lucosque sonantes
Incolitis: gaudete, vagae blandaque volucres:
Vosque adeo, humani mutatae corporis artus
Vos o crudeli fatorum lege, puellae
Dauliades, (crudele) venit carissima vobis 200
Cognatos augens reges numerumque fuorum
Cirís, & ipse pater: vos, o pulcherrima quondam
Corpora, caeruleas praeuertite in aethera nubes,
Qua nouus ad superum sedes Calcheius, & qua
Candida concessos ascendat Cirís honores. 205

Iamque adeo dulci deuinctus lumina fomno
Nisus erat: vigilumque procul custodia primis
Excubias foribus studio iactabat inani:
Quum furtim tacito descendens Scylla cubili
Auribus arrectis nocturna silentia tentat: 210
Et pressis tenuem singultibus aera captat.
Tum suspenso leuans digitis vestigia primis
Egreditur: ferroque manus armata bidenti
Euolat: at demtae subita in formidine vires
Caeruleas sua furta prius testantur ad umbras. 215
Nam qua se ad patrium tendebat semita limen,
Vestibulo in thalami paullum remoratur; & altum
Suspicit ad culti nutantia sidera mundi;

Non accepta piis promittens munera Diuis.
Quam simul Ogygii Phoenicis filia Carme 220
Surgere sensit anus (sonitum nam fecerat illi
Marmoreo aeratus stridens in limine cardo)
Corripit extemplo fessam languore puellam:
Et simul, o nobis sacrum caput, inquit; alumna:
Non tibi nequidquam viridis per viscera pallor 225
Aegrotas tenui suffudit sanguine venas;
Nec levis hanc faciem (neque enim pote) cura
subegit:

Haud fallor, quod te potius Rhamnusia fallit.
Nam qua te causa nec dulcis pocula Bacchi,
Nec grauidos Cereris dicam contingere foetus? 230
Qua causa ad patriam solam vigilare cubile,
Tempore quo fessas mortalia pectora curas,
Quo rapidos etiam requiescunt flumina cursus?
Dic age nunc miserae saltem, quod saepe petenti
Iurabas nihil esse mihi, quum moesta parentis 235
Formosos circum virgo morerere capillos?
Heu mihi, ne furor ille tuos inuaserit artus,
Ille, Arabis Myrrhae quondam qui cepit ocellos,
Vt scelere infando, quod nec finit Adraastia,
Laedere vtrumque vno studeas errore parentem. 240
Quod si alio quouis animo iactaris amore:
Nam te iactari, non est Amathusia nostri
Tam rudis, ut nullo possim cognoscere signo;
Sin concessus amor noto te macerat igne:

Per tibi Diſtynnae praefentia numina iuro, 245

Prima Deum quae te mihi dulcem donat alumnam,

Omnia me potius digna atque indigna laborum

Millia viſuram, quam te tam triſtibus iſtis

Sordibus & ſcoria patiar tabeſcere tali.

Haec loquitur: mollique vt ſe velauit amiſtu, 250

Frigidulam inieſta circumdat veſte puellam,

Quae prius in tenui ſteterat ſubcinſta corona.

Dulcia deinde genis rorantibus oſcula figens,

Perſequitur miſerae cauſſas exquirere tales.

Nec tamen ante vllas patitur ſibi reddere voces, 255

Marmoreum tremebunda pedem quam rettulit intra.

Illa autem, quid nunc me, inquit, nutricula tor-
ques?

Quid tantum properas noſtros nouiſſe furores?

Non ego conſueto mortalibus vror amore,

Nec mihi notorum deſſectunt lumina vultus, 260

Nec genitor cordi eſt: vltro namque odimus omnes.

Nil amat hic animus, nutrix, quod oportet amari,

In quo falſa tamen lateat pietatis imago:

Sed media ex acie, mediis ex hoſtibus, heu heu,

Quid dicam? quoue ipſa malum hoc exordiar

ore? 265

Dicam equidem: quoniam quid tu tibi dicere,

nutrix,

Non ſinis? extremum hoc munus morientis habeto.

Ille, vides, noſtris qui moenibus adſidet hoſtis,

Quem pater ipse Deum sceptri donauit honore,
Cui Parcae tribuere nec vlllo vulnere laedi: 270
Dicendum est, frustra circumuehor omnia verbis,
Ille mea, ille idem oppugnat praecordia Minos.
Quod te per Diuum crebros obtestor amores,
Perque tuum memoris haustum mihi pectus alumnae,
Vt me, si seruare potes, ne perdere malis. 275
Sin autem optatae spes est incisa salutis,
Ne mihi, quam merui, inuideas, nutricula, mortem.
Nam nisi te nobis malus, o malus, optima Carme,
Ante hunc conspectum casusue Deusue tulisset:
Aut ferro hoc (aperit ferrum quod veste latebat) 280
Purpureum patris demissem vertice crinem,
Aut mihi praesenti peperissem vulnere lethum.
Vix haec ediderat, quum clade exterrita tristi
Intonsos multo deturpat puluere crines,
Et grauitur questu Carme complorat anili: 285
O mihi nunc iterum crudelis reddite Minos,
O iterum nostrae Minos inimice senectae,
Semper &, aut olim nata o te propter eundem,
Aut amor insanae luctum portauit alumnae.
Tene ego tam longe capta atque auecta nequiui, 290
Tam graue seruitium, tam duros passa labores,
Effugere, vt sistam exitium crudele meorum?
Iam iam nec nobis ea, quae senioribus vllum
Copia viuendi vitae genus. Vt quid ego amens
Te erepta, o Britomarti, meae spes vna salutis, 295

Te, Britomarti, diem potui producere vitae?
 Atque vtinam Cereri, nec tantum grata Dianae
 Venatus esses virgo sectata virorum,
 Cnossia neu Partho contendens spicula cornu
 Dictaeas ageres ad gramina nota capellas: 300
 Nunquam, tam, obnix fugiens Minois amores,
 Praeceptis aereis specula de montibus isse:
 Vnde alii fugisse ferunt, & numina Phocae
 Virginis assignant: alii, quo notior esses,
 Dictynnam dixere tuo de nomine lunam. 305
 Sint, haec vera velim: mihi certe, nata, peristi.
 Nunquam ego te summo volitantem in vertice montis
 Hyrcanos inter comites agmenque ferarum
 Conspeciam, nec te redeuntem amplexa tenebo.
 Verum haec tum nobis grauius atque indigna fuere, 310
 Tum, mea alumna, tui quum spes integra maneret;
 Et vox ista meas nondum violauerat aures.
 Tene etiam fortuna mihi crudelis ademit?
 Tene, o sola meae viuendi causa fenestae?
 Saepe tuo dulci nequidquam capta sopore, 315
 Quum premeret natura, mori me velle negavi,
 Vt tibi Corycio glomerarem flammea luto.
 Quo nunc me (infelix) aut quae me Numina fer-
 vant?
 An nescis, qua lege patris de vertice summo
 Edita candentis praetexat purpura canos? 320
 Quae tenui patriae spes sit suspensa capillo?

Si nescis, aliquam possum sperare salutem :
Inscia quandoquidem scelus es conata nefandum.
Sin est, quod metuo : per me, mea alumna, tuum-
que

Expertum multis miserae mihi rebus amorem, 325
Per me, & sacra precor per flumina Ilithyiae,
Ne tantum in facinus tam nulla mente sequaris.
Non ego te incepto, fieri quod non pote, conor
Flectere, Amor : neque sit cum Dis contendere no-
strum :

Sed patris incolumi potius te nubere regno, 330
Atque aliquos tamen esse velis tibi, alumna, Penates.
Hoc vnum, exitio docta atque experta, monebo.
Quod si non alia poteris ratione parentem
Flectere : (sed poteris ; quid enim non vnica
possis ?)

Tunc potius tamen ipsa, pio cum iure licebit, 335
Quum facti causam tempusque doloris habebis :
Tunc potius conata tua atque incepta referto.
Meque, Deosque tibi comites, mea alumna, futuros
Polliceor : nihil est, quod texas ordine longum.

His vbi sollicitos animi releuauerat aestus 340
Vocibus, & blanda pectus spe vicerat aegrum :
Paullatim tremebunda genis obducere vestem
Virginis, & placidam tenebris captare quietem,
Inuerso bibulum restinguens lumen oliuo,
Incipit ad crebros infani pectoris ictus 345 :

Ferre manum, adfideis mulcens praecordia palmis.
Noctem illam sic moesta super morientis alumnae
Frigidulos cubito subnixa pendit ocellos.
Postera lux ubi laeta diem mortalibus alnum,
Et gelido veniens mani quatiebat ab Oeta; 350
Quem pauidae alternis fugitant, optantque puellae:
Hesperium vitant, optant ardescere solem:
Praeceptis paret virgo nutricis, & omnes
Undique conquirat nubendi sedula causas.
Tentantur patriae submissis vocibus aures, 355
Laudanturque bonae pacis bona: multus ineptae
Virginis insolito sermo nouus errat in ore.
Nunc tremere instantis belli certamina dicit,
Communemque timere Deum: nunc regis amicos,
(Namque ipso verita est orbari moesta parente) 360
Cum Ioue communes qui quondam habuere nepotes,
Nunc etiam conuicta dolo mendacia turpi
Inuenit, & Diuum terret formidine ciues:
Nunc alia ex aliis, nec desunt, omina quaerit:
Quin etiam castos ausa est corrumpere vates: 365
Vt, quum caesa pio cecidisset victima ferro,
Essent, qui generum Minoa auctoribus extis
Iungere, & ancipites suaderent tollere pugnas.
At nutrix patula componens sulfura testa,
Narcissum, casiamque, herbas incendit olentes: 370
Terque nouena ligat triplici diuersa colore
Fila: ter in gremium mecum, inquit, despue virgo,

Despue ter, virgo: numero Deus impare gaudet.
Inde Ioui geminat magno Stygialia sacra,
Sacra nec Idaeis senibus, nec cognita Graiis; 375
Pergit, Amyclaeo spargens altaria thallo,
Regis Iolciacis animum defigere votis.

Verum, vbi nulla mouet stabilem fallacia Nisum,
Nec possunt homines, nec possunt flectere Diui:
(Tanta est in paruo fiducia crine cauendi:) 380
Rursus ad inceptum sociam se adiungit alumnae,
Purpureumque parat rursus tondere capillum,
Quum longo quod iam captat succurrere amor:
Non minus illa tamen reuehi, quod moenia cres-
cant,

Gaudeat: & cineri patriae est iucunda sepulto. 385
Ergo metu capiti Scylla est inimica paterno.
Tum coma Sidonio florens succiditur ostro:
Tum capitur Megara, & Diuum responsa probantur:
Tum suspenso nouo ritu de nauibus altis,
Per mare caeruleum trahitur Niseia virgo. 390
Complures illam Nymphae mirantur in vndis:
Miratur pater Oceanus, & candida Thetis,
Et cupidus secum rapiens Galatea sorores:
Illa etiam, iunctis magnum quae piscibus aequor
Et glauco bipedum curru metitur equorum, 395
Leucothee, paruusque dea cum matre Palaemon.
Illi etiam, alternas fortiti viuere luces,
Cara Iouis soboles, magnum Iouis incrementum,

Tyndaridae niueos mirantur virginis artus.
Has adeo voces, atque haec lamenta per auras 400
Fluctibus in mediis questu voluebat inani,
Ad caelum infelix ardentia lumina tollens,
Lumina: nam teneras arcebant vincula palmas.
Suppressite o paullum turbati flamina venti,
Dum queror: & Diuos, quanquam nil testibus illis 405
Profeci, extrema moriens tamen adloquor hora.
Vos ego, vos adeo, venti, testabor, & aurae:
Vos matutina si qui de gente venitis,
Cernitis. Illa ego sum cognato sanguine vobis
Scylla; quod, ah, salua liceat te dicere Procne; 410
Illa ego sum Nisi pollentis filia quondam:
Certatim ex omni petiit quam Graecia regno,
Qua curuus terras amplectitur Hellepontus:
Illa ego sum, Minos, sacrato foedere coniux
Dicta tibi: tamen haec, & si non accipis, audis. 415
Vinctane tam magni tranabo gurgitis vndas?
Vincta tot assiduas pendebo ex ordine luces?
Non equidem me alio possum contendere dignam
Supplicio: quod si patriam carosque Penates
Hostibus immitique addixi ignara tyranno. 420
Verum esto. Haec, Minos, illos scelerata putauit,
Si nostra ante aliquis nudasset foedera casus,
Facturos, quorum direptis moenibus vrbis,
O ego crudelis, flamma delubra petiui:
Te vero victore, prius vel sidera cursus. 425

Mutatura suos, quam te mihi talia captae
Facturum metui. Iam iam scelus omnia vincit.
Ten' ego plus patrio dilexi perdita regno?
Ten' ego? nec mirum, vultu decepta puella
Vt vidi, vt perii! vt me malus abstulit error! 430
Non equidem ex isto speravi corpore posse
Tale malum nasci: forma, vel fidere fallor.
Non me deliciis commouit regia diues,
Coralio fragili, ac electro lacrimoso,
Me non florentes aequali corpore Nymphae, 435
Non metus incensam potuit retinere Deorum.
Omnia vincit amor: quid enim non vinceret ille?
Nec mihi iam pingui sudabunt tempora myrrha,
Pronuba nec castos adcendet pinus odores,
Nec Libys Assyrio sternetur lectulus ostro. 440
Magna queror. nec & illa quidem communis alumna
Omnibus iniecta tellus tumulabit arena.
Mene inter comites, ancillarumque cateruas
Mene alias inter, famularum munere fungi,
Coniugis atque tuae, quaecunque erit illa, beatæ 445
Non licuit grauidos penso deuoluere fufos?
At belli saltem captiuam lege necasses.
Iam fessæ tandem fugiunt de corpore vires,
Et caput inflexa lentum ceruice recumbit:
Marmorea adductisque labascunt brachia nodis. 450
Aequoreae pestes, immania corpora Ponti,

Vndique conueniunt, & glauco in gurgite circum
Verbere caudarum, atque oris minitantur hiatu.
Iam tandem casus hominum, iam respice, Minos.
Sit satis hoc, tantum solam vidisse malorum: 455
Vel fato fuerit nobis haec debita pestis,
Vel casu incepto, merita vel denique culpa.
Omnia nam potius, quam te laesisse, putabo.
Labitur interea reuoluta ab littore classis,
Magna repentino sinuantur linthea Coro, 460
Flectitur in viridi remus sale, languida fessae
Virginis in cursu moritur querimonia longo.
Deferit angustis inclusum faucibus Isthmon,
Cypselidae magni florentia regna Corinthi:
Praeterit abruptas Scironis protinus arces, 465
Infestumque suis dirae testudinis exit
Spelaeum, multoque cruentas hospite cautes.
Iamque adeo tutum longe Piraeaea cernit,
Et notas secum, heu frustra, respectat Athenas. 470
Iam procul e fluctu Minoia respicit arua,
Florentesque videt iam Cycladas, hinc Strophas-
dasque:
Hinc sinus, hinc statio contra patet Hermionea.
Linquitur ante alias longe gratissima Delos
Nereidum matri & Neptuno Aegaeo. 475
Prospicit incinctam spumanti littore Cithnon,
Marmoreamque Paron, viridemque adlapsa Donyfam,
Aeginamque simul, fementiferamque Seriphum.

Fertur, & incertis iactatur ad omnia ventis:
Cymba velut, magnas sequitur cum paruula classes, 480
Afer & hiberno bacchatur in aequore turbo.
Donec tale decus formae vexauit, & aegros
Non tulit, & miseros mutauit virginis artus,
Caeruleo pollens coniux Neptunia regno.
Sed tamen externam squamis vestire puellam, 485
Infidosque inter teneram committere pisces
Non statuit. Nimum est auidum pecus Amphitrites.
Aereis potius sublimem sustulit alis,
Esset vt in terris facti de nomine Ciris,
Ciris Amyclaeo formosior anseres Ledae. 490
Ac velut in niueo tenerae quum prinitus ouo
Effigies animantis & internodia membris
Imperfecta nouo fluitant concreta calore:
Sic liquido Scyllae circumfufum aequore corpus
Semiferi incertis etiam nunc partibus artus 495
Vndique mutabant, atque vndique mutabantur.
Oris honos primum, & multis optata labella,
Et patulae frontis species, concrefcere in vnum
Coepere, & gracili mentum producere roftro.
Tum, qua se medium capitis discrimen agebat, 500
Ecce repente, velut patrios imitatus honores,
Purpuream concuffit apex in vertice cristam.
At mollis varios intexens pluma colores
Marmoreum volucris vestiuit tegmine corpus,

Lentaque perpetuas fuderunt brachia pennas. 505

Inde alias partes, minioque infecta rubenti

Crura, noua macies obduxit squalida pelli,

Et pedibus teneris ungues confixit acutos.

Et tamen hoc demum miserae succurrere pacto

Vix fuerat placida Neptuni coniuge dignum. 510

Nunquam illam post hac oculi videre suorum

Purpureas flauo retinentem vertice vittas:

Non thalamus Tyrio fragrans accepit amomo,

Nullae illam sedes. Quid iam cum sedibus illi?

Quae simul ut sese cano de gurgite velox 515

Cum sonitu ad caelum stridentibus extulit alis,

Et multum late dispersit in aequore rorem;

Infelix virgo nequidquam morte recepta

Incultum solis in rupibus exigit aeuum,

Rupibus, & scopulis, & littoribus desertis. 520

Nec tamen hoc iterum poena sine: namque Deum

Rex,

Omnia qui imperio terrarum millia versat,

Commotus talem ad Superos volitare puellam,

Quum pater extinctus caeca sub nocte lateret,

Illi pro pietate sua (nam saepe tepenti 525

Sanguine taurorum supplex resperferat aras:

Saepe Deum largo decorarat munere sedes)

Reddidit optatam mutato corpore vitam,

Fecit & in terris Haliaeetus ales ut esset. 530

Quippe aquilis semper gaudet deus ille coruscus.
Huic vero miserae, quoniam damnata deorum
Iudicio gnatique & coniugis ante fuisset,
Infesti adposuitque odium crudele parentis.
Namque ut in aethereo signorum munere prae-
stans,

Vnum quem duplici stellarum sidere vidi, 535

Scorpius alternis clarum fugit Oriona:

Sic inter sese tristes Haliaeetus iras,

Et Ciris, memori servant ad saecula fato.

Quacunque illa leuem fugiens secat aethera pen-
nis,

Ecce inimicus atrox magno stridore per auras

Insequitur Nifus: qua se fert Nifus ad auras, 540

Illa leuem fugiens raptim secat aethera pennis.





P. VIRGILII MARONIS
CATALECTA.

I.

Ad Venerem.

Si mihi susceptum fuerit decurrere munus,
O Paphon, o sedes quae colis Idalias;
Troius Aeneas Romana per oppida digno
Iam tandem vt tecum carmine veltus eat:
Non ego thure modo, aut picta tua templa tabella
Ornabo, & puris ferta feram manibus.
Corniger hos aries humilis, & maxima taurus
Victima sacratos tinget honore focos:
Marmoreusque tibi, Dea, versicoloribus alis,
In morem picta stabit Amor pharetra.
Adsis, o Cytherea: tuus te Caesar Olympo,
Et Surrentini littoris ora vocat.

II.

Relictis aliis studiis Philosophiam Epicuream
amplectitur.

Ite hinc, inanes Rhetorum manipuli,
Inflata rore non Achaico verba,

Et vos, Sile, Albuti, Arquitique, Varroque,
Scholasticorum natio madens pingui:
Ite hinc inanes cymbalon iuuentutis.
Tuque, o mearum cura, Sexte, curarum.
Vale, Sabine: iam valete formosi.
Nos ad beatos vela mittimus portus,
Magni petentes docta dicta Scironis,
Vitamque ab omni vindicabimus cura.
Ite hinc, Camenae: vos quoque limite faeuae
Dulces Camenae: Nam fatebimur verum,
Dulces fuistis: & tamen meas chartas
Reuisitote: sed pudenter, & raro.

III.

De Sabino Parodia Catulliana.

Sabinus ille, quem videtis, hospites,
Ait fuisse mulio celerrimus:
Neque vllius volantis impetum cisi
Nequisse praeterire: siue Mantuam
Opus foret volare, siue Brixiam.
Neque hoc negat Triphonis aemuli domus
Negare nobilem, insulamque caeruli:
Vbi iste, post Sabinus, ante Quintio
Bidente dicit attondisse forcipe
Comata colla, nequa fordidum, iugo
Premente, dura vulnus edere iuba.

Cremona frigida, & lutosa Gallia,
Tibi haec fuisse, & esse, cognitissima
Ait Sabinus. Ultima ex origine
Tua stetisse dicit in voragine,
Tua in palude deposuisse sarcinas,
Et inde tot per orbitosa millia
Iugum tulisse: laeva, siue dextra.
Stringere mulas, siue vtrumque coeperat.
Neque vlla vota semitalibus Deis
Sibi esse facta, propter hoc nouissimum,
Paterna lora, proximumque pectinem.
Sed haec prius fuere; nunc eburnea
Sedetque sede, seque dedicat tibi,
Gemelle Castor, & Gemelle Castoris.

IV.

Ad Varium.

Scilicet hoc sine fraude, Vari dulcissime, dicam:
Dispeream, nisi me perdidit iste putus.
Sin autem praecepta vetant me dicere: sane,
Non dicam. Sed me perdidit iste puer.

V.

Ad Villam Scironis.

Villula, quae Scironis eras, & pauper agelle,
Verum illi Domino tu quoque diuitiae:

Me tibi, & hos vna mecum, & quos semper amaui,
Si quid de patria tristius audiero,
Commendo, in primisque patrem. Tu nunc eris illi,
Mantua quod fuerat, quodque Cremona prius.

VI.

Ad M. Valerium Mesallam.

Pauca mihi, niueo sed non incognita Phoebō,
Pauca mihi doctae, dicite, Pegasides.
Victor adest, magni magnum decus ecce triumphī.
Victor, qua terrae, quaque patent maria:
Horrida Barbaricae portans insignia pugnae,
Magnus ut Oenides, utque superbus Eryx.
Nec minus idcirco nostros expromere cantus
Maximus, & sanctos dignus inire choros.
Hoc itaque insuetis iactor magis, optime, curis:
Quid de te possim scribere, quidue tibi.
Namque, fatebor enim, quae maxima deterrendi
Debuit, hortandi maxima causa fuit.
Pauca tua in nostras venerunt carmina chartas,
Carmina quum lingua, tum sale Cecropio.
Carmina, quae Pylum saeculis accepta futuris,
Carmina, quae Pylum vincere digna senem.
Molliter hic viridi patulae sub tegmine quercus
Moeris Pastores & Meliboeus erant:
Dulcia iactantes alterno carmina versu,
Qualia Trinacriae doctus amat iuuenis.

Certatim ornabant omnes Heroida Diuæ:

Certatim Diuæ munere quæque suo.

Felicem ante alias tanto scriptore puellam:

Alter non famam dixerit ipse prior.

Non illa, Hesperidum ni munere capta fuisset,

Quæ volucrem cursu vicerat Hippomenem:

Candida cycneo non edita Tyndaris ouo:

Non supero fulgens Cassiopea polo:

Non defensa diu volucrum certamine equorum,

Optabant Graiæ quam sibi quæque manus;

Sæpe animam generi pro qua pater impius hausit;

Sæpe rubro Eleis sanguine fluxit humus:

Regia non Semele, non Inachis Acrifione,

Inmitti exspectant fulmine, & imbre Iouem:

Cuius & ob raptum pulsi liquere Penates

Tarquinius patrios, filius atque pater:

Illo, quo primum dominatus Roma superbos

Mutauit placidis tempore consulibus.

Multa, neque immeritis, donauit præmia alumniis,

Praemia Messallis maxima Poplicolis.

Nam quid ego immensi memorem studia ista laboris?

Horrida quid duræ tempora militiae?

Castra foro solitos, vrbi praeponere castra,

Tam procul hoc nato, tam procul hac patria?

Immoderata pati nunc frigora, nuncque calores?

Stertere vel dura posse super filice?

Saepe trucem aduerso perlabi fidere Pontum?
 Saepe audendo mare vincere, saepe hiemem?
 Saepe etiam denfos inmittere corpus in hostes:
 Communem belli nec timuisse Deum?
 Nunc celeres Afros, perituraque millia gentis,
 Aurea nunc rapidi flumina adire Tagi?
 Nunc aliam ex alia bellando quaerere gentem?
 Vincere & Oceani finibus vltius?
 Non nostrum est, inquam, tantas attingere laudes;
 Quin ausim hoc etiam dicere, vix hominum est.
 Ipsa, haec ipsa ferent rerum monumenta per orbem:
 Ipsa sibi egregium facta decus parient.
 Nos ea, quae tecum finxerunt carmina Diui,
 Cynthus, & Musae, Bacchus, & Aglaie.
 Si laudes adspirem, humili se adire Camena;
 Si patrio Graios carmine adire sales
 Possumus: optatis plus iam procedimus ipsis.
 Hoc satis est, pingui nil mihi cum populo

VII.

In Pompeium magnum, vel in Mithri-
 datem.

Adspice, quem valido subnixum gloria regno
 Altius & caeli sedibus extulerat.
 Terrarum hic bello magnum concusserat orbem:
 Hic reges Asiae fregerat & populos.

Hic graue feruitium tibi, iam tibi, Roma, ferebat :
Cetera namque viri cuspide conciderant :
Quum subito in medio rerum certamine praeceps
Corruit, e patria pulsus in exilium.
Tale Deae Numen, tali mortalia iutu
Fallax momento temporis hora dedit.

VIII.

Ad Antonium Musam.

Quocunque ire ferunt variae nos tempora vitae,
Tangere quas terras, quosque videre homines :
Dispeream, si te fuerit mihi carior alter.

Alter enim quis te dulcior esse potest ?
Cui Venus ante alios, Diui, Diuumque forores ;
Cuncta, neque indigno, Musa, dedere bona :
Cuncta, quibus gaudet Phoebus, chorus ipseque
Phoebi :


Doctior o quis te, Musa, fuisse potest ?
O quis te in terris loquitur iucundior vno ?
Clio nam certe candida non loquitur.
Quare illud satis est, si te permittis amari ;
Non, contra vt si amor mutuus inde mihi.

IX.

In Octauii mortem.

Quis Deus, Octauii, te nobis abstulit ? an, quae
Dicunt, an nimio pocula dura mero ?


Vobis si culpa est bilis: sua quemque sequuntur
 Fata: quod immeriti crimen habent cyathi?
 Scripta quidem tua nos multum mirabimur, & te
 Raptum, & romanam flebimus historiam.
 Sed tu nullus eris. Peruersi, dicite, Manes,
 Hunc superesse patri quae fuit inuidia?



M O R E T V M.

A r g u m e n t u m.

Hoc, quod Virgilio perperam tribuitur, opusculum
 Moretum inscriptum est a Pastilli, seu placen-
 tae ac crusti genere ex pane, & herbis confecto: in
 quo describendo ingenii libertatem poeta abunde ape-
 rit, dum in re tam tenui, tamque (vt ita dicam) nulla
 tam graphice & diserte rusticanam diligentiam, con-
 tinentiam & parsimoniam praescribit: subinfernens
 horti feracis commoda.



Iam nox hibernas bis quinque peregerat horas,
 Excubitorque diem cantu praedixerat ales:
 Simulus exigui cultor quum rusticus agri,

Tristia venturae metuens ieiunia lucis,
Membra leuat sensim, vili demissa grabato, 5
Sollicitaque manu tenebras explorat inertes,
Vestigatque focum; laesus quem denique sensit.

Paruulus exusto remanebat stipite fumus,
Et cinis obductae celabat lumina prunae.
Admouet his pronam, submissa fronte, lucer-
nam, 10

Et producit acu stupas humore carentes,
Excitat & crebris languentem flatibus ignem.
Tandem concepto tenebrae fulgore recedunt;
Oppositaque manu lumen defendit ab aura,
Et referat clausa, quae praeuidet, ostia clauī. 15

Fusus erat terra frumenti pauper aceruus;
Hinc sibi depromit, quantum mensura patebat,
Quae bis in octonas excurrit pondere libras.
Inde abit, adstititque molae: paruaque tabella,
Quam fixam paries illos seruabat in vsus, 20
Lumina fida locat; geminos tunc veste lacertos
Liberat, &, cinctus villosae tergore caprae,
Praeuertit cauda filices gremiumque molarum.
Aduocat inde manus operi, partitus vtrinque;
Laeua ministerio, dextra est intenta labori: 25
Haec rotat assiduīs gyris & concitat orbem.
Tunsa Ceres rapido silicum decurrit ab ictu.
Interdum fessae succedit laeua forori,

Alternatque vices. Modo rustica carmina cantat,
Agrestique suum solatur voce laborem. 30

Interdum clamat Cybalen: erat vnica custos,
Afra genus, tota patriam testante figura,
Torta comam, labroque tumens, & fusca colo-
rem;

Pectore lata, iacens mammis, compressior aluo,
Cruribus exilis, spatiosa prodiga planta; 35
Continuis rimis calcanea scissa rigeabant.

Hanc vocat, atque arfura focis imponere ligna
Imperat, & flamma gelidos adolere liquores.

Postquam impleuit opus iustum versatile finem:
Transfert inde manu fusas in cribra farinas, 40
Et quatit. At remanent summo purgamina dorso:
Subsidit sincera foraminibusque liquatur

Emundata Ceres. Laeui tum protinus illam
Componit tabula, & tepidas super ingerit vndas.
Contrahit ad mistos nunc fontes atque farinas; 45

Transuersat durata manu, liquidoque coacto
Interdum grumos spargit sale. Iamque subactum
Laeuat opus, palmisque suum dilatat in orbem,
Et notat, impressis aequo discrimine quadris.

Infert inde foco: Cybale mundaerat aptum 50
Ante locum: testisque tegit; super adgerat ignes.
Dumque suas peragit Vulcanus testaue partes:
Simulus interea vacua non cessat in hora;

Verum aliam sibi quaerit opem; neu sola palato
Sit non grata Ceres, quas iungat, comparat escas. 55

Non illi suspensa focum carnaria iuxta,
Durati fale terga suis, truncique vacabant:
Traiectus medium sparto sed caseus orbem,
Et vetus adstricti fascis pendebat anethi.

Ergo aliam molitur opem sibi prouidus heros. 60

Hortus erat iunctus casulae, quem vimina pauca
Et calamo recidiua leui munibat arundo;
Exiguus spatio, variis sed fertilis herbis.
Non illi deerat, quod pauperis exigit vsus.
Interdum locuples a paupere plura petebat. 65

Nec sumtus erat illud opus. Sed regula curae:
Si quando vacuum casula pluuiiaeue tenebant,
Festae lux: si forte labor cessabat aratro:
Horti opus illud erat. Varias deponere plantas
Norat, & occultae committere semina terrae, 70
Vicinosque apte cura submittere riuos.

Hic olus, hic late fundentes brachia betae,
Foecundusque rumex, maluaeque, inulaeque vi-
rebant:

Hic siser, & capiti nomen debentia porra:
Hic etiam nocuum capiti gelidumque papauer, 75
Grataque nobilium requies lactuca ciborum,
Et grauis in latum demissa cucurbita ventrem.
Verum hic non domini, quis enim contractior illo?

Sed populi prouentus erat: Nonisque diebus
 Venales olerum fascēs portabat in urbem: . 80
 Inde domum ceruice leuis, grauis aere, redibat:
 Vix vnquam urbani comitatus merce macelli.
 Cepa rubens festique famem domat area porri,
 Quaeque trahunt acri vultus nasturtia morfu,
 Intubaque & Venerem reuocans eruca morantem. 85
 Tum quoque tale aliquid meditans intrauerat
 hortum.

Ac primum, leuiter digitis tellure refossa,
 Quatuor educit cum spissis allia fibris;
 Inde comas apii graciles, rutamque rigentem,
 Vellit, & exiguo coriandra trementia filo. 90
 Haec vbi collegit, laetum consedit ad ignem:
 Et clara famulam poscit mortaria voce.
 Singula tum capitum numerofo cortice nudat,
 Et summis spoliāt coriis, contemtaque passim
 Spargit humi atque abicit. Seruatum gramine
 bulbū 95

Tingit aqua, lapidisque cauum demittit in orbem.
 Hinc falis inspergit micās; sale durus adesto
 Caseus adiicitur; dictas super ingerit herbas;
 Et laeua vestem saetosa sub inguina fulcit.
 Dexterā pistillo primum fragrantia mollit 100
 Allia; tum pariter misto terit omnia succo.
 It manus in gyrum; paullatim singula vires

Deperdunt proprias; color est e pluribus vnus;
 N c totus viridis, quia lactea frustra repugnant,
 Nec de lacte nitens, quia tot variatur ab herbis. 105
 Saepe viri nares acer iaculatur apertas
 Spiritus, & simo damnat sua prandia vultu.
 Saepe manu summa lacrimantia lumina tergit;
 Immeritoque furens dicit conuicia fumo.
 Procedebat opus. Non iam salebrofus, vt ante, 110
 Sed grauior lentos ibat pistillus in orbes.
 Ergo Palladii guttas instillat oliui,
 Exiguique super vires infundit aceti,
 Atque iterum commiscet opus, mistumque re-
 tractat.

Tum demum digitis mortaria tota duobus 115
 Circuit, inque globum distantia contrahit vnum:
 Constet vt effecti species nomenque moreti.

Eruit interea Cybale quoque sedula panem;
 Quem laetus recipit manibus, pulsoque timore
 Iam famis, inque diem securus Simulus illam, 120
 Ambit crura ocreis paribus, tectusque galero
 Sub iuga parentes cogit lorata iuuenos,
 Atque agit in segetes, & terrae condit aratrum.



VARIAE LECTIONES NOTABILIORES

ECLOGA I

- Pag. 107. Versf. 3. linquimus; liquimus. *Parrh.*
 V. 4. lentus; letus *Rotr.*
 V. 12. turbatur; turbamur. *Rom.*
 V. 18. *Versus hic a vetustioribus Codd.*
abest.

V. 19. Qui sit; quis sit. 7 *Codd.*

- Pag. 108. Versf. 27. Et quae; Ecquae. *olim vulg.*
 V. 34. exiret; erraret. *Parrhaf.*

Pag. 109. Versf. 57. ad auras; ad aures. *Parrh.*

- Pag. 110. Versf. 60. in aethere; in aequore. *Moret.*
 V. 73. Produxit; Perduxit. *Heinsf.*

- Pag. 111. Versf. 80. hanc noctem; hac nocte. *Cod.*
Florent.

ECLOGA II

- Pag. 112. Versf. 1. Alexim; *alii* Alexin.
 V. 9. lacertos; *plures* lacertas.
 V. 11. serpyllum; melius *ἑρπύλλον.*
 V. 19. Nec, qui sim; quis sim; *alii.*

- Pag. 113. Vers. 22. defit; desit *Goth. pr.*
 V. 27. fallat; *al.* fallit, fallet.
 V. 41. sparsis; sparsas. *Pier.*
- Pag. 114. Vers. 53. pomo: poma. *Ven.*
 V. 57. Iolas; *pler.* Iollas,
 V. 67. decedens; descendens. *Voffi.*
- Pag. 115. Vers. 71. potius; potior *Markland.*

E C L O G A III

- Pag. 116. Vers. 7. Parcius ista; Parcius: ista. *Sern.*
 V. 15. aliqua; aliquid, *Parrh.* aliquem
Rottend.
 V. 16. faciant; *alii* facient,
- Pag. 118. Vers. 50. vel qui venit: ecce, *Pal. al.* vel
 qui? venit ecce Palaemon.
 V. 60. Ab Ioue; *alii* A Ioue.
- Pag. 119. V. 65. & se cupit; sed se cupit. *Burm.*
 V. 77. Vitula; *multi* vitulam.
- Pag. 120. Vers. 80. imbres; imber.
- Pag. 121. Vers. 101. exitium pecori; exitium est
 pecori.

E C L O G A IV

- Pag. 123. Vers. 4. Carminis; temporis. *Menag.*
 V. 7. dimittitur; *alii* demittitur.
 V. 28. flauescet; *tres* flauescit.

- Pag. 124. Verf. 33. infindere; *alii* infundere.
 V. 41. Robustus; Robustis *Ven. & Parrh.*
 V. 46. Currite; currere. *Parrh. & Pier.*
 V. 56. tua; *Heinf.* sua
 V. 57, Orphei; *variant*, Orphi, Orphee,
 Orphea.
 Pag. 125. Verf. 58. Pan etiam. *alii* Pan Deus.
 V. 61. tulerunt. *alii* tulerint.

E C L O G A V

- Pag. 126. Verf. 3. Confedimus; *alii* confidimus.
 V. 5. mutantibus, *antehac* motantibus.
 V. 8. certat *antiquiores*. Certet *Franc.*
 Pag. 127. Verf. 18. iubeto, vt certet, *antiq.* iu-
 beto certet *Heinf.*
 V. 30. Bacchi; *alii* Baccho.
 Pag. 128. Verf. 37. Nascuntur; *vulgo* dominantur.
 V. 40. fontibus; *alii* frondibus, *vel*
 montibus.
 V. 56. limen; lumen *Franc. Klotz.*
 Pag. 129. Verf. 66. duas altaria; duoque altaria
ante Heinf.
 V. 68. Craterasque duo; *varia.* duos, duas.
 V. 71. Ariusia. Aruisia *Rouaeus.*

E C L O G A VI

- Pag. 131. Verf. 5. dicere; ducere *Moret. Ven.*
 V. 18. ambo *ita meliores.* ambos *alii,*

- Pag. 132. Vers. 28. motare; mutare. *Pier.*
 Post V. 30. *in non nullis edd. versus*
sequens supposititius:
Quantum omnis mundus gaudet cantante
Sileno.
- Pag. 135. Vers. 65. duxerit; dixerit. *Medic.*
- Pag. 134. Vers. 85. referre; *alii* referri.

E C L O G A VII

- Pag. 135. Vers. 1. Confederat; considerat *Mentel.*
& alii
- V. 5. Cantare pares; certare. *Leid.*
- V. 6. Huc mihi; Hic mihi. *vulgo.*
- V. 12. praetexit; pertexit *Voss.* prote-
 xit *Leid.*
- Pag. 136. Vers. 29. faetosi; fetosi *vulgo.*
- V. 33. haec te Liba; haec tibi liba *multi.*
- Pag. 138. V. 68. Cedat e *Medic.* cedit *alii.*

E C L O G A VIII

- Pag. 139. Vers. 3. Carmine; Carmina *alii*
- V. 4. requierunt; liquerunt *alii*
- V. 14. decesserat; discesserat. *Leid.*
- Pag. 140. Vers. 28. timidi; tumidi *Voss.* timidæ
Parrhas.
- V. 44. Tmaros; Maros *vel* Ismaros *alii.*

- Pag. 141. Verf. 57. *fiant; fiat Medic. cum Leid.*
 V. 69. *Carmina vel caelo; Carmina,*
e caelo Pieri.
 V. 70. *Vlix Medic. Vlysssei vulgo.*
 Pag. 142. Verf. 78. *modo; nodos recentiores.*
 V. 87. *in vlua; in herba, in vmbra alii.*
 Pag. 143. V. 105. *flammis; palmis Moret.*

E C L O G A IX

- Pag. 144. Verf. 2. *O Lycida; Quo, Lycida,*
 V. 4. *Migrate; Migrare Ven.*
 Pag. 145. V. 8. *demittere; dimittere. Goth.*
 V. 9. *Veteres — fagos; veteris — fagi al.*
 Pag. 146. Verf. 31. *distendant Voss. distendant Heinsf.*
 V. 35. *Varo. Vario plures.*
 Pag. 147. V. 64. *laedat; laedet vulgo.*

E C L O G A X

- Pag. 149. Verf. 10. *Naides; Naiades vulgo.*
 V. 11. *Parnassi; Parnasi Heinsf.*
 V. 12. *Aganippae; Aganippe alii.*
 V. 19. *Vpilio; opilio alii.*
 Pag. 150. Verf. 33. *quiescant; quiescent plures ap.*
Pier.
 V. 44. *te Martis Heumann; me Martis*
Burmman.
 V. 51. *modulabor; meditabar Goth.*

- Pag. 151. Verf. 60. haec sint; haec sit *vulgo.*
V. 75. Cantantibus; Cunctantibus *alii.*

GEORGICON LIB. I

- Pag. 153. Verf. 3. habendo; habendus *Toll.*
V. 6. Lumina; Numina *alii.*
V. 7. munere; Numine *Medic.*
- Pag. 154. V. 13. Fudit equum; fudit aquam *Sern.*
V. 18. Tegeaee; Tegaeae *vulgo.*
V. 22. non villo; nonnullo *vulgo.*
V. 25. Concilia; confilia *alii.*
V. 30. Thule; Thylae, Thyle, Tyle *alii.*
V. 35. Scorpios; Scorpis *vulgo.*
- Pag. 156. Verf. 36. sperent; *alii* spernent, spectent.
V. 52. praediscere; praedicere tres apud
Burm.
- Pag. 156. Verf. 65. inuortant *scriptura e Medic.*
- Pag. 157. V. 98. perrumpit; prorumpit *multi.*
V. 102. Myfia; Moesia *in antiquior.*
- Pag. 158. Verf. 120. intuba; intiba *plerique.*
V. 133 & 135. extunderet; extuderet, extruderet, excuderet & exfoderet *variant.*
- Pag. 159. Verf. 144. primi; primum *multi.*
V. 145. vincit; vicit *Heinsf.*
V. 151. robigo; ante *Heinsf.* rubigo.
V. 155. terram infectabere; infectaberis
herbam *Medic. & multi alii.*
V. 162. vomis vel vomer *Rottend.*

- Pag. 160. Vers. 175. *explorat; exploret vulgo.*
 V. 177. *curas; causas Oblong. Pier.*
 V. 178. *cum primis plerique veti; cum*
primum, quam primum alii.
 V. 181. *illudant; ante Pier. illudunt.*
- Pag. 161. Vers. 208. *die Medic. cum ceteris. dii,*
& diei paucior.
 V. 209. *diuidit Heins; alii diuidet.*
 V. 213. *aratri; rastris plures.*
 V. 218. *auerfo Heins; aduerfo Medic.*
- Pag. 162. Vers. 226. *aristis; alii codd. auenis.*
 V. 240. *Rhipaeas. Rhiphaeas alii.*
- Pag. 163. V. 253. *messisque diem; mensisque diem.*
 V. 266. *rubea; var. rubra, Rubia.*
- Pag. 164. Vers. 275. *incusum; incussum, incassum.*
 V. 285. *prenfos; multi pressos.*
 V. 296. *trepididis meliores; trepidi, te-*
pidi alii.
- Pag. 165. Vers. 315. *lactentia; lactantia alii.*
- Pag. 166. V. 340. *sub casum Medic. sub casu alii.*
 V. 353. *moneret. moueret vulgo.*
 V. 354. *quod saepe; multi quid.*
- Pag. 167. V. 359. *increbescere; increbrescere Med.*
 V. 365. *impendente; impellente Parrh,*
& alii.
- Pag. 168. Post V. 389. *ponunt non nulli.*

At caput obiecit querulum venientibus nudis.

- Pag. 169. Verf. 419. denfet *Medic.* denfat. *vulg. leat.*
 V. 428. comprehenderit; comprehenditur *Ven.*
 Pag. 170. Verf. 441. ortum; orbem *Parrh & Ven.*
 Pag. 172. Verf. 506. non vllus; nonnullus *Menag.*
 Pag. 173. V. 513. in spatia *Burm.* in spatio *Heinsf.*

GEORGICON LIB. II

- Pag. 174. Verf. 8. dereptis *Heinsf.* direptis *vulgo.*
 V. 22. sunt alii, quos *Medic.* sunt aliae,
 quas; sunt alii, queis; *Varii.*
 V. 23. abscidens *Heinsf.* abscindens *Med.*
 Pag. 175. Verf. 41. volans; volens *Leid.*
 V. 47. auras; oras *alii.*
 V. 56. Crescentique; *alii* crescentisque,
 crescentesque.
 Pag. 177. Verf. 106. discere; dicere *perperam.*
 Pag. 178. Verf. 116. diuifae; *var. diuerfae.*
 V. 122. proprior; *lege* propior. pro-
 prio *Voff.*
 Pag. 179. V. 141. immanis; immanes *ante Heinsf.*
 V. 151. rabidae. *var. rapidae.*
 Pag. 180. Verf. 187. dispicere *Heinsf.* despiciere *vulg.*
 V. 189. filicem *Heinsf.* filicem *olim.*
 Pag. 181. Verf. 197. faturi; fatyri, *veteres Gram.*
 V. 200. deerunt. *vulgo* defunt.
 Pag. 183. Verf. 247. amaror; amaro *alii.*

- Pag. 183. Vers. 256. Et quis cui color. *Var. Lest.*
Et quis quis color; Et quis
cuique color &c.
- Pag. 185. Vers. 316. moueri; mouere *plerique.*
- Pag. 186. Vers. 324. Genitalia; *Var. genialia.*
V. 332. Germina *vulgo* gramina.
V. 341. Ferrea; *alii* Terrea.
- Pag. 188. Vers. 379. admorso; *magna variet.*
admorfu; a morfo; a morfu.
V. 382. ingeniis. *ante Burmann. vulgo.*
ingentes *vel* ingentis.
- Pag. 189. Vers. 417. extremos effoetus; *Vari.*
effectus extremos; effectus ex-
tremus; effoetus extremos &c.
- Pag. 191. Vers. 453. alueo. aluo *Med. & al.*
- Pag. 192. Vers. 480. Obiicibus; obiice *alii.*
V. 506. indormiat *Medic. dormiat vul-*
go om.
- Pag. 193. Vers. 509. geminatus; *plerique* gemina-
tur *aut* geminantur.
V. 510. Corripuit; Corripit: hi gaud.
Markland.
V. 514. paruosque nepotes; paruosque
penates *Medic.*
- Pag. 194. Vers. 542. fumantia; spumantia *Rom.*

G E O R G I C O N LIB. III.

Pag. 195. Verf. 2. Lycei; *vulgo om. Lycaeï.*

V. 3. Carmine; Carmina *alii.*

Pag. 196. Verf. 38. Angues; *alii* orbes, axes,
artus.

Pag. 197. Verf. 63. iuventas *Vetustiff*; iuventus
vulgo.

Pag. 198. Verf. 85. premens; *alii* fremens, tre-
mens.

V. 92. effudit; effundit *Rom. Medic.*

Pag. 199. Verf. 114. rapidusque; *vulgo* rapidis-
que.

Pag. 200. Verf. 146. Lucos; lucus *Vatic. Medic.*

Pag. 201. Verf. 160. sacros; *ante Heinfs. vulgo*
sacris.

Pag. 202. Verf. 177. mulctraria; *Vari.* mulgaria,
mulctralia, multralia.

Pag. 202. Verf. 188. Audeat *Heinfs. ex Medic.* au-
diat *vulgo.*

V. 190. Aestas *Heinfs.* aetas *ceteri.*

V. 194. Tum vocet *Medic.* Prouocet,
Tum mouet, Aduocet *alii.*

V. 200. longique *Heinfs.* longeque *vulgo.*

Pag. 203. Verf. 204. Belgica *Heinfs.* Bellica *Medic.*

V. 205. farragine; fartagine *alii,*

Pag. 204. Verf. 230. pernox. pernix *frequent.*

V. 237. vt, in medio. *alii* vti medio.

- Pag. 206. Verf. 288. Hic Labor. Hinc Labor *Med.*
 V. 297. multa duram; *alii* multam duram; multum d.
 V. 305. Hae — tuendae *Heinsf. alias* haec tuendae, tuenda.
- Pag. 207. Verf. 319. Quo minus. Quo minor *plur.*
 V. 330. ilignis. *Variatio maxim.* illigneis, ilineis, illignis, in lignis.
- Pag. 208. Verf. 349. Maeotiaque. *vulgo* Maeotica.
 V. 350. Ister. Hister *plures.*
- Pag. 209. Verf. 372. pinnae. pennae *vulgo.*
 V. 383. velatur. velantur *vulgo.*
- Pag. 211. Verf. 416. sub immotis. sub ignotis.
- Pag. 213. Verf. 481. Corripitque. *Alii* Corripuitque; corripitque.
- Pag. 216. Verf. 555. Arentesque. Horrentesque.
 V. 566. Contactos; *vulgo* contractos.

G E O R G I C O N LIB. IV

- Pag. 218. Verf. 4. totiusque ordine. *plurimi* totiusque ex ordine.
- Pag. 219. Verf. 43. Sub terra fouere. Sub terram;
 Sub terras fodere *edd. vet.*
- Pag. 220. Verf. 57. Excudunt. *alii* excludunt; excludunt, figunt.
 V. 70. praesciscere. praediscere. *Ven.*
- Pag. 221. Verf. 83. in pectore. in corpore *Moret.*

- Pag. 221. Verf. 85. subegit. *ante Heinsf. coegit.*
 V. 88. ambo *meliores. ambos alii.*
 V. 95. plebis *Medic. gentis vulgo.*
 V. 122. fera *Medic. fero alii.*
 V. 126. niger. *ante Heinsf. piger.*
 V. 151. Curetum. Curatum, curritum
aberra.
- Pag. 224. Verf. 173. Aetna. *alii antrum.*
- Pag. 225. Verf. 199. nixibus. *vari. nexibus; nisibus.*
 V. 202. refingunt. *vett. edd. refingunt.*
 V. 210. Aegyptos *Medic. Aegyptus vulgo.*
- Pag. 226. Verf. 224. arcessere. accersere.
 V. 228. augustam *Medic. angustam vulgo.*
 V. 238. Adfixae. Affixa in venis; Adfixa
 venis; Affixas venis animas.
- Pag. 228. Verf. 267. tunsam. *alii tufum; tuscum;*
tutum.
- Pag. 228. Verf. 273. Namque vno. *plures Namque*
imo.
- Pag. 229. Verf. 301. obsuitur *Medic. Alii obstrui-*
tur; obruitur.
 V. 311. magis magis, magis ac magis
Rom.
 V. 315. extudit. extulit *permulti.*
 V. 316. cepit. coepit *edd. mult.*
- Pag. 231. Verf. 351. Obstupuere. Obstipuere. *Rom.*
Medic.

- Pag. 231. Verf. 368. primum se erumpit. *Alii* primus, primum erumpit, erupit.
 V. 370. faxosumque sonans. faxosusque, sonans *plures*.
- Pag. 232. Verf. 396. Capiendus. Capiundus *Heinsf.*
 V. 398. Nam sine vi non vlla. *Alii*
 Non sine vi non nulla.
- Pag. 234. Verf. 443. pellacia *Heinsf.* fallacia *vulgo*.
 V. 449. hinc *Roman.* huc *vulgo*.
- Pag. 236. Verf. 479. inamabilis; innabilis *aliqui*.
 V. 482. implexae *Medic.* impexae, in-
 nexae, amplexae *alii codd.*
- Pag. 238. V. 531. deponere. componere *Medic.*
 depellere *Mead.*



O R D O

RERVM, QVAE IN HOC TOMO CONTINENTVR.

	Pag.
<u>Vita Virgilii incerto auctore</u>	<u>13</u>
<u>Vita Virgilii per annos digesta a Chr. Heyne</u>	<u>47</u>
<u>Tityrus. Ecloga I.</u>	<u>106</u>
<u>Alexis. Ecloga II.</u>	<u>111</u>
<u>Palaemon. Ecloga III.</u>	<u>115</u>
<u>Pollio. Ecloga IV.</u>	<u>122</u>
<u>Daphnis. Ecloga V.</u>	<u>125</u>
<u>Silenus. Ecloga VI.</u>	<u>130</u>
<u>Meliboeus. Ecloga VII.</u>	<u>134</u>
<u>Pharmaceutria. Ecloga VIII.</u>	<u>138</u>
<u>Moeris. Ecloga IX.</u>	<u>143</u>
<u>Gallus. Ecloga X.</u>	<u>148</u>
<u>Georgicon Lib. I.</u>	<u>152</u>
<u>— — Lib. II.</u>	<u>173</u>
<u>— — Lib. III.</u>	<u>194</u>
<u>— — Lib. IV.</u>	<u>217</u>
<u>Culex</u>	<u>239</u>
<u>Ciris</u>	<u>256</u>
<u>Catalecta</u>	<u>273</u>
<u>Moretum</u>	<u>285</u>





